

শূরভাহান

নাটক

(১৩১৪ সাল ১লা চৈত্র শনিবার প্রথম
মিনার্ভা থিয়েটারে অভিনীত)

বিজয়লাল রায়

গুরুদাস চট্টোপাধ্যায় এণ্ড সন্স
২০৩/১১, বর্ণওয়ালিস ষ্ট্রীট, কলিকাতা

দায় ছই টাকা আট আনা

উৎসর্গ পত্র

বঙ্গসাহিত্যের গুরু

হিন্দুর হিন্দুত্বের প্রতিষ্ঠাতা

শ্রীজ্ঞান, মনীষী, দেশভক্ত, স্বধর্মব্রত

ভারতের গৌরব

৩ বঙ্কিমচন্দ্র চট্টোপাধ্যায় সি, আই, ই-র

পুণ্যস্মৃতি উদ্দেশে

এই স্মরণসাহিত্য নাটক

উৎসর্গকৃত হইল

কুশীলনগণ

পুরুষ

জাহাঙ্গীর	ভারতের সম্রাট
শের খাঁ	সম্রাটের ওমরাও
মহাবৎ খাঁ	সম্রাটের সেনাপতি
আয়াস	সম্রাটের কোষাধ্যক্ষ, পরিশেষে মন্ত্রী
আসফ	আয়াসের পুত্র
কর্ণসিংহ	মেবারের রাণা
ধসক (রেবার পুত্র)	}	...	জাহাঙ্গীরের পুত্রগণ
পরভেজ			
খুরম (সাজাহান)			
শারিয়ান			
বিজয়সিংহ	মেবারের সেনাপতি

স্ত্রী

রেবা	ভারতের সম্রাজ্ঞী
মেহেরুন্নিসা (হুরজাহান)	শের খাঁর স্ত্রী
লয়লা	হুরজাহানের কন্যা।
খাদিজা (মমতাজ)	আসফের কন্যা



५५ लि डाय

নুরজাহান

প্রথম অঙ্ক

প্রথম দৃশ্য

স্থান—বর্ধমানের দামোদরতটে শেব খাঁর বাটার প্রাক্‌গৃহ উদ্যান

উদ্যানটি ঘাঁও ষাট্ৰ লালিত। কেতকীকদম্বাদি পুষ্প চারিদিকে ফুটিয়া আছে।
সম্মুখে ভাদ্রমাসের ভরা দামোদর খরস্রোত বহিয়া যাইতেছে। পৃথ্য এখনও অস্ত গায়
নাই। তাহার কনকরশ্মি আসিয়া নদবক্ষে ও নদের তইধারে শুইয়া আছে।

শের খাঁ ও তাঁহার স্ত্রী নুরজাহান (তখনও নাম নুরজাহান হয় নাই, তখন তাঁহার নাম
মেহেরিসা) সেই নদতটে একটি বেদীর উপর বসিয়াছিলেন। তাঁহাদের কণ্ঠা লয়লা ও
নুরজাহানের ভ্রাতা আসফের কণ্ঠা খাদিজা একটা গান গাহিতেছিল। তাঁহারা একাধমনে
তাহাই শুনিতেছিলেন।

গীত

অতুল চিরবিমোহন তুমি সুল্লর সুরধাম ।
শতশ্ৰিতপরীবিহরিত, কুসুমিত, সুশ্রাম ।
শতশীতলঘননিকুঞ্জ, শতবিহঙ্গ-মুখারিত রে,
শতনিব'রনক'রনকারিত অবিরাম ।
—মলয়ানিলসেবিত মৃদু অমররূপরাশি রে,—
বন উপবনময় শিহরিত গীতিগন্ধহাসি রে ;
হা, অনাথা অমরাবতী । কি স্থখে হতভাগিনী !
হাস হাস হাস তবু স্তম্ভবিত অবিরাম ।

শের খাঁ কহিলেন—“সুন্দর ! যাও, তোমরা খেলা কর গে যাও ।”

বালিকাঘর দরে চলিয়া গেল

মুরজাহান কহিলেন—“কি সুন্দর এই বঙ্গদেশ ! এর বিস্তীর্ণ ক্ষেত্র—
যা'র উপর দিয়ে গ্রামলতার ঢেউ ব'য়ে যাচ্ছে ; এর নদনদী—যা'র
অগাধ সলিলস্রাব যেন আর সে ধ'রে রাখতে পার্ছে না ; এর নিকুঞ্জবন
—যেখানে ছায়াসুগন্ধসঙ্গীত যেন পরস্পরকে জড়িয়ে শুয়ে আছে ! সমস্ত
দেশটা যেন একটা অপার্থিব সুখস্বপ্ন দেখছে ।”

শের । ঈশ্বর এর অধিবাসাদের এমন দেশ দিয়েছেন । কিন্তু তা
রক্ষা করবার শক্তি দেন নাই ।

মুরজাহান । না প্রিয়তম, আমার বোধ হয়, এত সুখ এদের নৈলো
না । এত সুখ বুঝি কারো নয় না !

শের । না মেহের । এই দেশের এই উর্বর সৌন্দর্যই তার কালস্বরূপ
হ'য়েছে । এই বঙ্গভূমি অত্যধিক আদরে তার সম্মানদের মাথা পেয়েছে ।
আদর উত্তম জিনিষ । সে বৃষ্টিধারার মত ধরণীকে গ্রামনা করে । কিন্তু
অত্যধিক আদর অতিবৃষ্টির মত নিজের কাজ নিজেই নষ্ট করে ।

মুরজাহান । তবে তুমি অত্যধিক আদর দিয়ে আমায় নষ্ট করছ ?

শের । তোমায় মেহের ! আমার মনে হয়, তোমায় আমি যথেষ্ট
আদর কঠে পারি না ।

মুরজাহান । দেখ প্রিয়তম । লরলা আর খাদিজা ঐ নদের ধাবে
কেমন গলা ধরাধরি করে' বেড়াচ্ছে—যেন দুটি পরীশিশু !

শের । দুটির মধ্যে একটি ত বটে ।

মুরজাহান । ওদের পাশে ঐ স্থলপদ্মগুলি ফুটে রয়েছে । ওদের আর
স্থলপদ্মগুলির উপর সূর্যের শেষ কনকবস্ত্র এসে পড়েছে । কে বলবে—
কোনুগুলি সুন্দর—ঐ গাছের স্থলপদ্মগুলি, না আমাদের ঐ স্থলপদ্ম দুটি ।

শেব । সত্য প্রিয়তমে !

মুরজাহান । ওদের পিছনে শরতের ভরা দামোদর ছকুল ছেয়ে উদ্দাম অস্ত্রিব বেগে চলেছে ! কি সুন্দর !

শেব । কি সুখী আমরা মোহের !

শের গা এই বলিয়া মুরজাহানের হাতে হাও দিলেন

মুরজাহান অবিচলিত অশ্রুমনস্কভাবে কহিলেন—

“কিন্তু এত সুখ বুঝি সৈবে না ।”

শের । কেন সৈবে না মোহের ? আমরা কা'রো কাছে কোন অপরাধ করি নি , কারো কিছু ধারি না ; আমরা শুদ্ধ পরম্পরকে ভালবেসে সুখী । এত অপরাধে আমাদের সুখ সৈবে না ?

মুরজাহান । কি অপরাধ করেছিল এই বঙ্গবাসী নাথ ? তারা নিজের স্তখেই মগ্ন ছিল । কিন্তু সৈল না । এত সুখ নয় না । নিজের সৈলেও পরের নয় না । ঈর্ষা হয়, লোভ হয়, কেড়ে নিতে ইচ্ছা হয় ।

এই সময় পশ্চাৎ হইতে মুরজাহানের ভ্রাতা আসফ হঠাৎ আসিয়া হাসিয়া কহিলেন—

“কিন্তু আমি আপনাদের—”

মুরজাহান । (চমকিয়া) কে ! আসফ নাকি ?

শের । আসফই ত দেখছি !

এই বলিয়া উঠিয়া দাঁড়াইয়া তাঁহার হস্ত ধরিলেন

আসফ । আমি বলতে যাচ্ছিলাম খাঁসাহেব, যে আমি মহাশয়দের কিছু কেড়ে নিতে আসি নি ; বরং কিছু দিতে এসেছি ।

শের । কি দিতে এসেছো ?

আসফ । শীঘ্র বন্ধুত্ব বড়—আগে—

মুরজাহান । পিতার মঙ্গল ?

আসফ । হা মেহের । সত্ৰাট্ জাহাঙ্গীর—

শের । সত্ৰাট্ জাহাঙ্গীর কে ?

আসফ । কেন !—সেলিম । তিনি আকবরের মৃত্যুর পর ‘জাহাঙ্গীর’ উপাধি নিয়ে সত্ৰাট্ হয়েছেন, তা তোমরা শোনো নি নাকি ?

মুরজাহান । সত্ৰাট্ আকবরের মৃত্যু হয়েছে ?

আসফ । শোন নি !—অবাক্ করেছেো ।

শের । না, আমরা শোনবার অবসর পাই নাই । আমরা নিজের স্মৃথেই বিভোর আছি ।

আসফ । সত্য শোনো নি ?

শের । না আসফ । তা’তে আমাদের কি যায় আসে ? আদার বাপারীর জাহাজের খবরে কাজ কি !

আসফ । খুব নে যায় আসে, তা আমি এক্ষণে দেখাবো—

শের । আপাততঃ ভিতরে চল । অন্ধকার হয়ে এগো । চল মেহের—

মুরজাহান । চল বাচ্ছি ।

আসফ ও শের খা গৃহাভিমুখী হইলেন

আসফ । খাদিজা কোথায় ?

শের । ঐ দেখছ না, লগ্নার সঙ্গে গলা ধরাধরি ক’বে বেড়াচ্ছে ?

আসফ । স্মৃথে আছে দেখছি ।

উভয়ে চলিয়া গেলেন

মুরজাহান । সেলিম সত্ৰাট্ ।—আবার সে কথা কেন মনে আসে ? না, সে চিন্তাকে আমি মনে আসতে দিব না—না না না ! সে প্রথম

যৌবনের একটা খেলায় মাত্র। এখন আবার সে চিন্তা কেন! সেলিম সম্রাট, তাতে আমার কি? আদান বাপারীর জাহাজের খবরে কাজ কি?

এই সময়ে শের খাঁ পুনঃ প্রবেশ করিয়া কহিলেন -

“মেহের—বড় সুসংবাদ।”

মুরজাহান। কি নাথ?

শের। সম্রাট জাহাজীর আমাকে পাঁচহাজারীর পদ দিয়ে আশ্রয় ডেকে পাঠিয়েছেন।

মুরজাহান। সর্কনাশ।

শের। সে কি!—এ আমার মহৎ সম্মান।

মুরজাহান। যাবে?

শের। যাবো বৈ কি।

মুরজাহান। যেও না বলছি।—খবদার!

শের। অত উত্তেজিত হ'চ্ছ কেন? এত পরম আনন্দের কথা।

মুরজাহান। শোন কথা—যেও না বলছি—সাবধান!

এই বলিয়া মুরজাহান দ্রুত চালায়া গেলেন

শের। আশ্চর্য্য! মেহের হঠাৎ এত উত্তেজিত হ'ল কেন! মেহের মাঝে মাঝে বিচলিত হয় বটে, কিন্তু এত বিচলিত হ'তে তাকে সম্প্রতি কখনও দেখি নি।

দ্বিতীয় দৃশ্য

স্থান—আগ্রায় সম্রাট জাহাঙ্গীরের প্রাসাদের অন্তঃপুরকক্ষ

কাল—প্রাত্

সম্রাট জাহাঙ্গীর ও সমাজা রেবা দাঁড়াইয়া কথোপকথন করিতেছিলেন। রেবা শুভকসনপরিহিতা সজ্জনাতা আললায়িতকেশা। হস্ত পূজার পাত্র

রেবা। সত্য বল।

জাহাঙ্গীর। আমি সত্য বলছি রেবা, গের খাঁ আমার দক্ষ ধনাধ্যক্ষ আগ্রাসের জামাতা। আর শেব খাঁ স্বয়ং একজন বিশিষ্ট ব্যক্তি। তাঁকে তাঁর উপযুক্ত পদ দিবার জন্য আগ্রায় ডেকে পাঠিয়েছিলাম।

রেবা। তাঁর স্ত্রীর প্রতি তোমার এতটুকু আসক্তি নাই?—এতটুকু? ভেবে দেখ।

জাহাঙ্গীর। আমার অন্তর গুহার যতদূর পর্যাস্ত দেখতে পাচ্ছি, এর মধ্যে কোন গুচ মতলব নাই।—তুমি ক্ষুণ্ণ হো'য়ো না রেবা।

রেবা। দেখ নাথ, আমি যে কথা জিজ্ঞাসা করছি, সে এই কারণে যে, সে পরকীয়া। যদি তাকে বিবাহ করা তোমাব সম্ভব হো'ত, ত কোন কথা কইতাম না। কিন্তু এটা হচ্ছে আর একজনের ঘর ভাঙ্গার বিষয়—এক পরিবারের সুখ-শান্তি বিনাশ করার কথা। সে যে মহাপাপ! তাই চিন্তিত হই। চিন্তিত হই—আমার জন্য নয় নাথ! চিন্তিত হই তোমারই জন্য।

জাহাঙ্গীর। রেবা, তুমি আমার জন্য যেমন সদাসর্বদা চিন্তিত, সেইরকম আগ্রহে যদি আমায় ভালোবাসতে পাতে।

রেবা। স্বামি!—এখনও সেই কথা?

জাহাঙ্গীর। কেন নয় রেবা? সেদিন আমি যেমন তোমার প্রণয়-

ভিক্ষু ছিলাম, আজও সেইরকম তোমার প্রণয়ভিক্ষু আছি। সেই জীবনের
বহুশ্রম প্রভাতে আমি তোমার হৃদয়তীরেব উদ্দেশে যাত্রা করেছিলাম,
—কাছেও এসেছিলাম। কিন্তু তার মধ্যে প্রবেশের অধিকার পাই নাই।

রেবা। প্রভু, কতবার বলেছি, আবার বলতে হবে? আমাদের
এ কি বিবাহ? না একটা বাজনৈতিক বন্ধন মাত্র? হিন্দু আর মুসলমান
মেশাবার জন্ম, আপনার পিতার একটি জাতীয় উদ্দেশ্য-সাধনের উপায়-
মাত্র। সে উদ্দেশ্য মহৎ! তা'ব জন্ম আমবা দুজনেই নিজের সুখ
বিসর্জন দিতে বসেছি।—রাজার কর্তব্য বড় কঠোর। সে কর্তব্য সাধন
কর্তে যদি না পার নাথ, তা হ'লে এ সাম্রাজ্য একখানি মেঘেব
প্রাসাদের মত আকাশে বিলীন হ'য়ে যাবে! না প্রভু, আমাদের
এ জন্ম দুঃখের! তবে সেই দুঃখ পরেব জন্ম বহন করছি, সেই
আমাদের সুখ!

জাহাঙ্গীর। সকলের সাধ্য সমান নহে রেবা।—দাক্ সে সব পুরাণো
কথা। আজ কেন আবার সে কথা মনে হ'ল কে জানে!—ঐ যে
কুমার খসরু আসছে। দেখ বেবা, খসরুকে আমি সাবধান করে' দিছি,
তুমিও সাবধান করে' দিও।

সম্রাটের জ্যেষ্ঠপুত্র খসরু প্রবেশ করিয়া অভিবাদন করিলেন

জাহাঙ্গীর। খসরু! তোমায় কেন ডেকে পাঠিয়েছিলাম, শোন।
তোমার বিপক্ষে বিষম অভিযোগ শুনেছি।

খসরু। কি অভিযোগ পিতা?

জাহাঙ্গীর। যে তুমি আমার আমার বিপক্ষে বিদ্রোহের মন্ত্রণা
করছ। সে কথা কি সত্য?

খসরু। না পিতা।

জাহাঙ্গীর। সত্য হোক মিথ্যা হোক, তোমায় এক কথা বলে'

রাখি খসরু! দেখ, তুমি আমার জ্যেষ্ঠ পুত্র। তুমি ভারতের ভাবী সম্রাট। নিজের দোষে সব হাবিও না।

খসরু। না পিতা।

জাহাঙ্গীর। তুমি যদি অবথা আচরণ কর, তা হ'লে যদিও তুমি আমার জ্যেষ্ঠপুত্র, যদিও তুমি তোমার মায়ের মেহপুত্র, যদিও তুমি সর্বজন প্রিয়, তবু যদি তুমি অন্যায় কর, তা' হ'লে তোমার কাকতি, তোমার মায়ের অশ্রু, আন আমার মেহ, তোমাকে তোমার সমুচিত দণ্ড হ'তে রক্ষা করতে পারবে না। মনে রেখো—

এই বলিয়া সম্রাট চণ্ডিয়া গেলেন

বেবা তখন খসরুর সন্ধে হাত দিয়া সংগে মৃদুস্বরে কহিলেন—

“খসরু!”

খসরু। মা।

বেবা। এ কথা সত্য?—চূপ ক'রে বৈলে যে?—এ কথা সত্য?

খসরু। না মা, মিথ্যা।

বেবা। না খসরু, এ কথা সত্য। আমি তোমার নতদৃষ্টিতে, ভগ্ন-স্বরে, অস্থির ভঙ্গিমা বুষতে পাচ্ছি। আমার কাছে কেন মিথ্যা বন্ধ খসরু! আমি তোমার মা। আমার কাছে মিছা কথা! আমি জিজ্ঞাসা করছি। বল। এ কথা সত্য?

খসরু স্বপ্নে নিস্তরু থাকিয়া নতশিরে কহিলেন—

“হাঁ মা, এ কথা সত্য।”

বেবা। তা পূর্বেই বুঝেছিলাম। শোনো। কদাপি এ কাজ কোরো না। বল—চূপ ক'রে বৈলে যে? বল করবে না?

খসরু। না মা, আমি তা বন্ধতে পারব না। আমি তা'দের কাছে অস্বীকার করোছি।

বেবা। অন্টার অঙ্গীকার করেছ! সে অঙ্গীকার ভঙ্গ কনাই ধর্ম।
বল শপথ কব—

খসক। “মা—”

বলিয়া মস্তক অবনত করিলেন

বেবা। দেখ খসক, আমি তোমার মা। মায়ের চেয়ে ভাব্‌বার জন
সংসাবে আর কেউ নাই। তার দেহ, স্নেহ, মন, তার প্রবৃত্তি,
তার ইচ্ছা-জীবন, সম্মানের ঝালনের জগত্‌ গঠিত। আমি তোমার
সেই মা। আমি দিবারাত্র তোমারই মঙ্গলকামনা করি। বিনিময়ে
তোমার কাছে কিছুই চাই না। বিনিময়ে কেবল তোমারই কল্যাণ
চাই। আমি তোমার কল্যাণেব জন্ম বন্‌ছি, এ কাজ কদাপি ক'বো
না। বল কবের না?

খসক। না, কর না।

বেবা। আমার পা ছুঁবে শপথ কর।

খসক। (আত্মাবৎ করিয়া) শপথ করছি, কখন কর না।

বেবা। এখন এস বৎস।

খসক চলিয়া গেলেন

বেবা। মায়ের এত সুখ! ভগবান্‌, সম্মানেব শুভকামনা ক'রেই
মায়ের এত সুখ!

তৃতীয় দৃশ্য

স্থান—প্রান্তর। কাল—শীতের প্রভাত

পুরবাসিবর্গ প্রভাতরোদে বসিয়া গল্প করিতেছিল

১ম পুরবাসী। তুমি শের খাঁকে দেখেছো?

২য় পুরবাসী। এব আগেও জান্তাম, তার পর তাঁর আশ্রয় ফিরে
আসার পরও তাঁকে দু'তিনবার দেখেছি।

- ৩য় পুরবাসী । (সগর্বে) আমার সঙ্গে তার বছদিনের আলাপ ।
 ১ম পুরবাসী । আগ্রায় তিনি এসেছেন কবে ?
 ২য় পুরবাসী । এই মাসখানেক হবে ।
 ১ম পুরবাসী । দেখতে কি রকম ?
 ২য় পুরবাসী । দেখতে একটা ছোট-খাটো পাহাড়ের মত ।
 ৩য় পুরবাসী । বাপ ! কি শব্দ ! বুকখানা যেন একখানা মাঠ !
 ১ম পুরবাসী । নৈলে শুধু হাতে বাঘের সঙ্গে লড়ে ?
 ৩য় পুরবাসী । হাতিয়ার নিয়েই বা কয়জন পারে ?
 ৪র্থ পুরবাসী । কিন্তু আমার বোধ হয় যে, কথাটা সত্যি নয় ।
 ২য় পুরবাসী । এ আবার কি বলে !
 ৩য় পুরবাসী । বলছে, এ কথাটা সত্যি নয় ।
 ১ম পুরবাসী । সত্যি নয় কেন ?
 ৩য় পুরবাসী । হা, বল ত চাঁদ ! সত্যি নয় যে বলে—কেন ?
 ৪র্থ পুরবাসী । কেন ? আচ্ছা শোন ।—শের খাঁ—হাঁ—দেখতে—

গায়ে জোর আছে বলে' বোধ হয় বটে—

২য় পুরবাসী । বোধ হয় ?

৪র্থ পুরবাসী । না হয় আছে । বোধ হয়টা না হয় নাই বললাম ।
 কিন্তু শুধু হাতে সে যদি বাঘের সঙ্গে লড়ে' থাকে, তা হ'লে হয়
 শের খাঁ লড়ে নি, স্বয়ং ইন্ডিজিৎ এসে লড়েছে ; নয় সেটা বাঘ নয় ; সেটা
 বনবিড়াল ।

১ম পুরবাসী । সঙ্গে যারা গিয়েছিল, তারা সবাই বলে লড়েছে ।

৪র্থ পুরবাসী । হুঁঃ—অমন বলে' থাকে । শোনা কথায় বিশ্বাস
 কতে নেই । নিজের চক্ষে দেখেছ ? আমি বললাম লড়ে নি ।

৩য় পুরবাসী । হুঁঃ—অমনি বলেই হ'ল লড়ে নি—

৪র্থ পুরবাসী । আমি বললাম লড়ে নি । সাবুদ কর ।

২য় পুরবাসী । এ লোকটা বড় ফ্যাসাদে লোক বলে' বোধ হচ্ছে ।

৪র্থ পুরবাসী । প্রমাণ কি ? শোনা কথা কোন প্রমাণই নয় ।

পঞ্চম ব্যক্তি একটু দূরে বসিয়া রৌদ্র পোহাইতেছিল ও এ সব তর্ক নীরবে
এতক্ষণ শুনিতোছিল । সে অগ্রসর হইয়া কহিল—

“বটে ! শোনা কথা কথাই নয় বটে !—এস ত তোমায় একবার জেরা
করি ।”

৪র্থ পুরবাসী । আচ্ছা কর ।—(এই বলিয়া সে সদর্পে তাহার
সম্মুখীন হইল ।)

৫ম পুরবাসী । তোমার নাম কি ?

৪র্থ পুরবাসী । আবুলসেন ।

৫ম পুরবাসী । কেমন করে' জানলে ?

৪র্থ পুরবাসী । বাপু দিয়েছিল ।

৫ম পুরবাসী । দিতে দেখেছ ? মনে আছে ?

৪র্থ পুরবাসী । না—তবে লোকে ত ঐ বলে' ডাকে ।

৫ম পুরবাসী । তবে শোনা কথা ?—তোমার নাম, আমি বললাম,
আবুলসেন নয় ।

১ম পুরবাসী । কেমন !

৩য় পুরবাসী । এবার সেখানে সেখানে কোলাকুলি । এস ত বাপধন !
আমাদের মূর্খ পেয়ে বিচ্যা জাহির করা হচ্ছিল ।—এখন !

২য় পুরবাসী । কর কর—জেরা কর । বেটা মুষড়ে থাক ।

৫ম পুরবাসী । তার পর তোমার বাপের নাম কি ?

৪র্থ পুরবাসী । ইয়াদ আলি ।

৫ম পুরবাসী । এও শোনা কথা ?

৪র্থ পুরবাসী । কি রকম ?

৫ম পুত্রবাসী। তোমার বাপ যে ইয়াদ আলি, তা জানলে কেমন কবে?—শোনা কথা। কেমন! শোনা কথা কি না?

৪র্থ পুত্রবাসী। হা—তা একরকম শোনা কথাই বলতে হয় বৈকি!

৫ম পুত্রবাসী। ব্যস্, তোমার বাপ ইয়াদ আলি নয়।

প্রথম, দ্বিতীয় ও তৃতীয় পুত্রবাসী উৎসাহে 'সাবাস্ সাবাস্' করিয়া লাফাইয়া উঠিল

২য় পুত্রবাসী। কব, জেবা কব—কব বেটাকে জেবা। বেটার আঙ্গুঠা—

৬র্থ পুত্রবাসী। আচ্ছা, আমার বাপ ইয়াদ আলি নয় যদি, তবে আমার বাপ কে?

৫ম পুত্রবাসী। তা আমি কি জানি। তোমার বাপ নিতাই পাড়ে বা ভজন সিং যে কেউ হ'তে পারে।

৪র্থ পুত্রবাসী। (ক্রুদ্ধভাবে) কি! আমি হ'লাম আবুহসেন, আর আমার বাপ হ'ল নিতাই পাড়ে!

৫ম পুত্রবাসী। তুমিই যে আবুহসেন নও।

৬র্থ পুত্রবাসী। আমি আবুহসেন নই—তবে আমি কে?

৫ম পুত্রবাসী। যজ্ঞেশ্বর!

৪র্থ পুত্রবাসী। বটে! আমি যজ্ঞেশ্বর!—দেখি কেমন আমি যজ্ঞেশ্বর!

সে এই বলিয়া পঞ্চম পুত্রবাসীকে ধরিয়া প্রহার আরম্ভ করিল

৫ম পুত্রবাসী। আরে ছাড়ো ছাড়ো! উঃ বাবা রে! ছাড়ো—দেখ তোমরা—

৬র্থ পুত্রবাসী। কেমন, আমি আবুহসেন নই?

৫ম পুত্রবাসী। হাঁ হাঁ, তুমি আবুহসেন, তোমার বাপ আবুহসেন, তোমার চৌকপুরুষ আবুহসেন।

৪র্থ পুরবাসী । আর আমার বাপ—

৫ম পুরবাসী । ঐ যে বললাম যে—আবুহুসেন ।

৪র্থ পুরবাসী । আমিও আবুহুসেন, আমার বাপও আবুহুসেন ? তা কখন হয় ? না, আমার বাপ ইয়াদ আলি ।

৫ম পুরবাসী । ভালো !—ইয়াদ আলি তোমার বাপ হ'লেই যদি তুমি খুসি হও—না হয় তোমার বাপ ইয়াদ আলি ।

৪র্থ পুরবাসী । (তাহাকে ছাড়িয়া দিয়া)—বেটা, আমার বাপ, আমার চৌদ্দ পুরুষ ভেসে দেবার চেষ্টায় আছে ।

৫ম পুরবাসী । এবার আমার হার ।

১ম পুরবাসী ! কিসে হার !—মেরে ধরে'—

৩য় পুরবাসী । হার হ'তে যাবে কেন ?

২য় পুরবাসী । তর্কে তোমার জিত ।

৫ম পুরবাসী । না বাপুগণ, আমি বরাবরই দেখে আসছি, বার জোর বেশী, তর্কে তারই চিরকাল জিত—ঐ বাদরের রাজা আসছে ।
পালা—পালা সব ।

১ম পুরবাসী । বাদরের রাজা কে ?

৪র্থ পুরবাসী । পালাবো কেন ?

২য় পুরবাসী । ঐ না কি ?—ও ত বাদরও নয়—রাজাও নয় ।—

ও ত মানুষ ।

৩য় পুরবাসী । কতকটা বানরের মত দেখতে বটে ।

৫ম পুরবাসী । কিন্তু মানুষ খায়—

১ম পুরবাসী । বল কি !

৫ম পুরবাসী । কিঙ্কিয়া থেকে এসেছে ।

৪র্থ পুরবাসী । সত্যি নাকি ?

৫ম পুরবাসী । কুস্তকর্ণের নাতি ।

২য় পুরবাসী । ওরে বাবা !

৫ম পুরবাসী । গোফ দেখ্ছ না ?

৩য় পুরবাসী । তাও ত বটে ।

৫ম পুরবাসী । পান্না পান্না ।

অন্য সকলে “পান্না পান্না বলিয়া পলায়ন করিল । পরে বিপরীত

দিক্ দিয়া বন্দররাজ আসিয়া সেখানে উপস্থিত হইলেন

বন্দররাজ । এই যে কেবামৎ ।

৫ম পুরবাসী । এখানে আমান ঠাণ্ডারাতে বলেছিলেন মহারাজ তাই ।

রাজা । তা বেশ কবোছিস্, তোকে যা বলে’ দিযেছিলাম, মনে আছে ?

কেবামৎ । আজ্ঞে মহাবাজ । এ সব বিষয়ে আমার কদাচিৎ

ভুল হয় ।

রাজা । তবে কালট । শের খাঁ যখন সকালে পান্নী কনে’ সম্মাটের সভায় যাবে—বুঝেছিস্ ?

কেবামৎ । আজ্ঞে ।

রাজা । আমাব মাহতকে আমি বলে’ বোধছি । তবে সে শের খাঁকে চেনে না । বাঘের সঙ্গে লড়ে’ শের খাঁ এ পাঁচ ছয় দিন শয্যাগত ছিল ; বেরোয় নি । কাল বাদশাহ তাকে ডেকে পার্টিয়েছেন । সে আসবে নিশ্চয়ই ? সেই ঠিক সময় । তার গায়ে এখনও বাঘের ক্ষত সাবে নি ।— বুঝেছিস্ ?

কেবামৎ । আজ্ঞে ।

রাজা । তুই শের খাঁকে চিনিস্ ত বেশ ?

কেবামৎ । আজ্ঞে শের খাঁকে চিনে চিনে আমার দাড়ি পেকে গেল ।

রাজা । বাস্, তুই সেই হাতীর উপর থাকবি । মাহতকে চিনিয়ে দিবি—বুঝেছিস্ ?

কেরামৎ । হাঁ মহাবাজ—

বাজা । আর দেখিস্, এটা যেন প্রকাশ না হয় ।

কেরামৎ হুই অঙ্গুলি দিয়া নিজের গুঠঘষ চাপিয়া জানাইল যে তাহার
দ্বারা এ কখনও প্রকাশ পাইবে না

বহুত ইনাম মিলবে । যা ।

কেরামৎ চলিয়া গেল

বাজা । সম্রাট্ কি খুসীই হবেন—তখন জানবেন যে, আমি নিজের
থেকে শেব খাঁকে তাঁর পথ থেকে সবিষেছি । সে দিন বাত্রে সম্রাট্
আমাদের সম্মুখে যখন বল্লেন যে, “শেব খাঁ বাবের সঙ্গে লড়াইয়ে
জিতেছে, তাতে আমি খুসী হয়েছি বটে, কিন্তু যদি বাঘ জিততো,
তাতে আবারো খুসী হতাম”—তখন তার মানে বুঝতে আর আমার
বাকি বৈল না!—বাদশাহ আমাব উপর কি খুসীই হবেন ! উঃ!—
কি খুসীই হবেন ।

চতুর্থ দৃশ্য

স্থান—আগ্রায় শেব খাঁর গৃহ । কাল—রাজি

দ্বিতীয় কক্ষে মুরজাহান ও তাহার জনৈক মহিলাবন্ধু কথোপকথন করিতেছিলেন

মুরজাহান । সেদিন সম্রাট্ সদলবলে রাজপথ দিবে মৃগয়া থেকে
ফিরে আসছিলেন । তাদের মধ্যে কেউ কেউ ‘সাবাস শের খাঁ’ বলে
চৈঁচাচ্ছিল । আমি কুতূহলী হ’য়ে ব্যাপার দেখতে গবাক্কাভাবে গেলাম ।

বমণী । তার পর ?

মুরজাহান । গিয়ে দেখলাম একটা মহাসমারোহ । সম্রাট্ তার মধ্যে

ঘোড়ায় চড়ে'। তিনি হঠাৎ উপর দিকে চাইলেন। আমাদের চোখো-চোখী হোল। বোধ হোল সম্রাটের মুখ উজ্জ্বল হোল। আমার ধমনীতে উষ্ণ রক্তস্রোত বৈল। আমি রোষে, ক্ষোভে, লজ্জায় সরে' এলাম। তার পরেই আমার স্বামী ঘরের মধ্যে ক্ষতবিক্ষত দেহে এলেন। আমায় দেখে জিজ্ঞাসা করলেন, কি হয়েছে মেহের? তাঁর সে স্বর ভৎসনার চেয়ে বর্ষণ বোধ হোল।

রমণী। তুমি যখন সম্রাটকে আগে থেকে ভালোবাসতে, তখন শের খাঁর স্ত্রী হ'তে তোমার স্বাকার হওয়াই অসম্ভব হয়েছিল।

মুরজাহান। না আমি সম্রাটকে কখন ভালোবাসি নাই। আমার সে ইতিহাস তোমায় কখন বলি নাই। কাউকেই বলি নাই। তবে তোমায় আজ বলি শোন। কারণ তোমার কাছে আমি আজ উপদেশ চাই।

রমণী। বল।

মুরজাহান। (ক্রয়ং ভাবিয়া) না। বলেই ফেলি।—শোন। তখনও আমার বিবাহ হয় নি। কিন্তু শের খাঁর সঙ্গে তখন বিবাহের কথা ঠিক হয়ে গিয়েছে। তখন ভাবতের সম্রাট আকবরসাহা। সে রাত্রে সম্রাট-পরিবারের রাত্রিভোদেব পর, যখন আর সব অভ্যাগতেরা খেয়ে উঠে চলে' গিয়েছেন, অন্ধঃপুরে সম্রাটের পরিজন ভিন্ন আর কেউ সেখানে ছিলেন না, তখন আমরা কয়েকজন মহিলা অবগুষ্ঠিত হ'য়ে তাঁদের সম্মুখে নৃত্য কণ্ঠে আরম্ভ করলাম।

রমণী। সে কি!

মুরজাহান। তুমি জানো না। এ একটা প্রথা আছে। সম্রাটের খাঁরা অতি আত্মীয়, তাঁদের মহিলারা অবগুষ্ঠিত হ'য়ে গাঝে মাঝে এরকম নৃত্য করেন।

রমণী। সত্যি নাকি!

মুরজাহান। আমার পিতা সম্রাটের অত্যন্ত প্রিয়পাত্র হওয়ার দরুণ সেই পরিবারের আত্মীয়মধ্যেই গণ্য ছিলেন। তিনি এ রকম নৈশ নৃত্যে আমার যাওয়ায় আপত্তি করেছিলেন। পরে আমি অমুনয় করলাম, আমার ভাই আসফও বল্লেন ‘অবগুণ্ঠিত হয়ে নৃত্য কর্কে, কেউ ত আর চিন্তে পার্কে না, তখন পিতা স্বীকার হলেন।

বমণী। (সাগ্রহে) তাবপর ?

মুরজাহান। রাত্রিযোগে আমরা নৃত্য আরম্ভ করলাম। কুমার সেলিম সেখানে ছিলেন। বাণ্ডেব উপর আমাদের নৃত্য, তরঙ্গের উপর তরীর মত, তালে তালে উঠতে আর পড়তে লাগল! পরে আমি গান ধরে’ দিলাম, অবগুণ্ঠনের ভিতর দিয়ে দেখলাম যে কুমার আমার নৃত্যে, কণ্ঠস্বরে মুগ্ধ হ’য়ে আমার পানে একদৃষ্টে চেয়ে আছেন। মুখের আবরণ যেন আপনিই খুলে পড়লো। আমাদের চারি চক্ষুর সম্মিলন হোল। অতি প্রস্তুভাবে আমি আবরণ মুখের উপর তুলে নিলাম। সেলিম উন্মত্তবৎ হ’য়ে আমার দিকে ধেয়ে এলেন। পরিবারের অপর লোক তাঁকে গিয়ে ধ’রে বসিয়ে দিলে। সভান্তর হোল। আমি যেন একটা বিজয়গর্বে বাড়ী ফিরে এলাম।

বমণী। এখন বুঝতে পার্ছি।

মুরজাহান। দুদিন পরে যখন একদিন আমার পিতা ও ভাই আসফ বাড়ী ছিলেন না, তখন সেলিম একেবারে আমার কাছে এসে উপস্থিত। তাঁর উদ্ভ্রান্ত কথাবার্তায় বুঝলাম যে আমাব জয় সম্পূর্ণ হয়েছে। আমি কোন কথা কহি নাই। এমন সময়ে আমার পিতা বাড়ী ফিরে এলেন। সেলিম ধীরে ধীরে বাড়ী থেকে চলে গেলেন। তার পরই শের খাঁর সঙ্গে আমার বিবাহ দিয়ে সম্রাট আকবর শের খাঁকে বর্ধমানের শাসনকর্তা করে’ পাঠালেন।

বমণী। তার পর তোমাদের আর সাক্ষাৎ হয় নাই ?

মুরজাহান । না । তার পরে আগ্রায় ফিবে এসে এই সাক্ষাৎ !

রমণী । তবে তোমার এখনও তাঁর প্রতি আসক্তি আছে ?

মুরজাহান । না, তাকে আসক্তি বলে না।—সে একটা উদাম প্রবৃত্তি । হয়ত উচ্চাশা—হয়ত অহঙ্কার । কিন্তু আসক্তি নয় ।

রমণী । আমি বলি তুমি বর্ধমানের ফিরে যাও । নৈলে তোমার ভবিষ্যতে শান্তি নাই । দুবে চলে' গেলে আবার পুরাতনে মন বসবে ।

মুরজাহান । (অর্ধ স্বগত) অথচ শেব খাঁর মত স্বামী কার ? বীর্যো, ঔদার্যো, পবিত্রচরিত্রে, তাঁর মত কয়জন সংসাবে আছে ?—ঐ আমার পিতা আর স্বামী আসছেন ।

রমণী । আমি এখন তবে আসি ভাই ।

মুরজাহান । এসো ভাই । দেখো এসব কথা যেন প্রকাশ না পায় । তোমায়—আমার নিতান্ত অন্তরঙ্গ বন্ধ বলে' এসব কথা কইলাম, কিছু যেন প্রকাশ না পায় ।

রমণী । না—তুমি বর্ধমানের ফিরে যাও ।

মুরজাহান । চল তোমায় নীচে বেথে আসি—

এই বলিয়া উভয় প্রস্থান করিলেন । স্বর্ণপরে গল্প করিতে করিতে শের খাঁ ও

মুরজাহানের পিতা সম্রাটের কোম্পানী আসিয়া সে কক্ষে প্রবেশ করিলেন

আবাস । তোমায় শুধু হাতে বাঘের সঙ্গে যুদ্ধ কর্তে দেওয়ায় আমার একটু খটকা লেগেছিল । কিন্তু পবে তোমায় আজ হস্তিপদে দলিত করবার এই প্রয়াস—এতে আর সন্দেহ নাই যে সম্রাট তোমার জীবন নিতে চান ! তবে স্থায় বিচার সহজে তাঁর একটা অহঙ্কার আছে, তাই তিনি প্রকাশে তোমার প্রাণ নিতে পারবেন না, এই গুপ্ত উপায় অবলম্বন করেছেন । তুমি বলে'ই সে হস্তীকে আজ বধ কর্তে গেবেছিলে ; আর কেউ হ'লে তার নিশ্চয় প্রাণ যেত ।

শের। কিন্তু আমি বুঝতে পারছি না যে, আমার জীবন নিয়ে সম্রাটের লাভ কি ?

আয়াস। সবল, উদার শেব খাঁ—এই জনুই তোমায় এত ভালোবাসি। কথাটা তোমায আগে বলিনি। সন্দেহে ভুঞ্জিল। কিন্তু যখন এটা জীবন মরণের কথা, তখন তোমায সে কথা আব না বলে চলছে না—শোন। তোমাব মৃত্যুতে সম্রাটের লাভ—আমা। কন্যা অর্থাৎ তোমার স্ত্রী মেহেব উম্মিসা।

শেব। কি!—সম্রাট কি তবে—

এই বলিয়া শের খাঁ সহসা স্বীয় গুণ্ডারিতে হাত দিলেন

আয়াস। অমন দপ কবে জ্বলে' উঠো না! স্থিব হ'য়ে শোন। মেহেবেব যখন তোমাব সঙ্গে বিবাহ হয়নি, তখনকাব কথা তোমাব মনে আছে ত ?

শেব। আছে। কিন্তু মানুষকে এত নীচ কখনও কল্পনা কর্তে পারি 'ন—যে, বিবাহিতা নারীকে—

আয়াস। আমার উপদেশ শোনো শের খাঁ! তুমি বঙ্গদেশে ফিরে যাও। সম্রাট পবাক্রান্ত। তুমি এখানে থাকলে তোমাব গ্রাণ যাবে।

শেব। ফিবে যাবো ?

আয়াস। হাঁ। আব যে কয়দিন এখানে থাকো, সাবধানে থেকে। ঘর থেকে বেবিও না! তোমাব শরীরে এখনও বাধেব ক্ষত আছে। বল্লেই হবে আবাব তুমি শয্যাগত। বেবিও না। আর ঘরের দরোজা বন্ধ ক'বে শুয়ো। বাত্রি হয়েছে, আমি বাই।

এই বলিয়া বৃদ্ধ আয়াস ধীরে ধীরে কক্ষ হইতে চলিয়া গেলেন

শেব। সে এখন অপরের স্ত্রী, তা সত্ত্বেও সম্রাট—উঃ ভাবিয়ে দিলে! বিষম ভাবিয়ে দিলে!

এই সময়ে সুরজাহান সেট কক্ষে পুনঃ প্রবেশ করিলেন

শের। এঁই যে মেহের।—কোথায় ছিলে ?

সুরজাহান। মশাঁউদ্দিনের স্ত্রী এসেছিলেন। তাঁকে দেখে আসতে
নীচে গিয়েছিলাম। বাবা এসেছিলেন ?

শের। হা (মুহূষবে)—মেহের! চল আমরা আবার বর্ধমান
যাই।

সুরজাহান। (সহসা) হাঁ বেশ। চল যাই। কালই চল!

শের। তা উদ্ভোজিত হচ্ছ কেন মেহের? কি হয়েছে?

সুরজাহান। কিছু না—কেবল আমার এখানে একদণ্ড থাকতে
ইচ্ছা নাই। আর কিছু না (দৃঢ়স্বরে) আমি এখানে থাকতে চাই না।

শের। বেশ! তাই হবে। শীঘ্রই বর্ধমানে ফিরে যাবো।—চল,
নীচে চল। আহার নিশ্চয়ই প্রস্তুত। চল।

শপ্তম দৃশ্য

স্বান—আগ্রায় দ্বাটের প্রাণাদিকক্ষ। কান—অপরাক্ত

জাহাঙ্গীর একাকী সে কক্ষে পাদচারণ করিতেছিলেন

জাহাঙ্গীর। না। আর ইচ্ছাকে দমন ক'রে রাখতে পারি না!
সেদিন থেকে কি একটা উন্নাদনা যেন আমার মনকে অধিকার করেছে।
কিছুতেই তার স্বতির হাত এড়াতে পারি না! সেদিন গবাক্ষপথে
দেখলাম— কি সে মূর্তি!—যেন তুবারের উপর উষার উদয়; যেন স্তম্ভ
নির্মাণে ইমনের প্রথম বহুয়ার; যেন মল্লম্বের প্রথম ঘোঁষনে প্রেমের
প্রভাত!—সে একটা নিঃসঙ্গ স্বখেব মত নয়, মধুর রাগিণীর মত
নয়, প্রফুল্লিত পুষ্পের মত নয়! সে যেন একটা আনন্দের উদ্ভাস,

সৌন্দর্যের তরঙ্গকল্লোল, মহিমার সমারোহ!—সে যেন ভারতের নয়, ইরানের নয়, আরবের নয় ; ভূত, ভবিষ্যৎ কি বর্তমানের নয় ; স্বর্গের নয়, মর্ত্যের নয় ! সে যেন সব দেশের ; সব কালের ; স্বর্গের ও মর্ত্যের—উভয়েরই দেখবার জগৎ, উভয়ের মধ্যে সংরক্ষিত একটা পৃথক সৃষ্টি!—বেন দেবতার প্রেরণা, কবির সফল স্বপ্ন, ব্রহ্মাণ্ডের বিশ্বাস!—কি সে মহি !

এই সময়ে বন্দররাজ আসিয়া সমাটকে অভিনাদন করিলেন

জাহাঙ্গীর । এই যে এসেছেন রাজা । আমি এতক্ষণ সাগ্রহে আপনার প্রতীক্ষা করছিলাম ।

রাজা । খোদাবন্দ !

জাহাঙ্গীর । আমি আপনাকে ডেকে পাঠিয়েছি কেন অনুমান করেছেন বোধ হয় ?

রাজা । খোদাবন্দ !

জাহাঙ্গীর । শের খাঁ এখান থেকে বঙ্গদেশে চলে' গিয়েছেন । ঐ কাবণেই গিয়েছেন নিশ্চয় । অতঃ কোন কারণ থাকলে নিঃসন্দেহে আমার জানিয়ে যেতেন ।

রাজা । খোদাবন্দ !

জাহাঙ্গীর । তবে আর গোপন করার প্রয়োজন নাই । এবার প্রকাশ্য ভাবে শের খাঁর এই বিধবাকে চাই । (সপদদাপে) বুঝতে পেরেছেন ?

রাজা কল্পিতকলেবরে ৩ অক্ষুট স্বরে প্রায় সঙ্গে সঙ্গে কহিলেন—

“খোদাবন্দ !”

জাহাঙ্গীর । ভয় পাবেন না । আমি অত্যন্ত উত্তেজিত হয়েছি । আমার ক্রোধ আপনার উপর নয়—এই শের খাঁর উপর ! আপনি আমার ইচ্ছা ব্যক্ত হ'বার আগে বুঝেছিলেন । আপনার প্রতি আমি

প্রসন্ন আছি। আর যদি সফল হ'ন, ত' আমি আপনাকে আশাতীত পুরস্কার দিব—আমি তাকে চাই।

রাজা। যে আশ্রা খোদাবন্দ!

জাহাঙ্গীর। বঙ্গদেশের সুবাদারকে বলে' পাঠিয়েছিলাম, এ দেখাছ সে ভীক, অথবা এ বিষয়ে উদাসীন। আপনার গিয়ে তাকে এ বিষয়ে উত্তেজিত কর্তে হবে। বুঝলেন?

রাজা। খোদাবন্দ!

জাহাঙ্গীর। কালই যাবেন—প্রত্যাষে। বুঝেছেন? অবিলম্বে। যত শীঘ্র সম্ভব। আমি তাকে চাই-ই—বুঝেছেন?

রাজা। খোদাবন্দ!

জাহাঙ্গীর। তবে আপনি এখন যেতে পারেন—আশাতীত পুরস্কার।
—বুঝেছেন?

রাজা। খোদাবন্দ।

জাহাঙ্গীর। যান।

রাজা চাণর্য গেলেন

জাহাঙ্গীর। জানি এ ঘোরতর অশ্রায়—ভয়ানক অবিচার। তবু শের থাকে মর্তে হবে। আমি তাকে বলেছিলাম তার স্ত্রীকে পরিত্যাগ করে' আমায় দিতে। তাতে সে বীরের মতই উত্তর দিয়েছিল। তবু তারই জন্তু তাকে মর্তে হবে। এখন বিকাব হুম, তখন অতি স্বাচ্ছন্দ্য হিতকর জিনিসও বমন হ'য়ে যায়। শ্রায় অশ্রায় বিচার বহুদূরে স'রে গিয়েছে। চিত্তাঙ্কিত বিবেচনা শক্তি আর আমার নাই। তাকে মর্তে হবে।

ষষ্ঠ দৃশ্য

স্থান—পাণ্ডুরায় শের খাঁর গৃহ । কাল—রাত্রি

নয়না গান গাহিতেছিল । শের খাঁ ও মুরজাহান তাহা বসিয়া শুনিতেছিলেন

গীত

--কেন ঝরে বারিধারা ঘনশ্রাম বরিমায়

দ না জাগাতে হাস রাশি রাশি বসুধায় ?

ও বু যদি হাসে ধরা মুখের সে হাসি ধায়—

অন্তরে দারুণ জ্বালা জ্বলে যায়—জ্বলে' ধায় !

মুরজাহান । এ গান তুমি কাব কাছে থেকে শিখেছ লয়লা ?

লয়লা । মাসীমাব কাছ থেকে ।

মুরজাহান । সে তোমায় এই গান শিখিয়েছে ? তার আশ্পর্ক !

শের । কি হয়েছে মেহের ? অত্যাধ কি হয়েছে ?

মুরজাহান । তা তুমি বুঝবে কি ?—খব্দাব, আব এ গান আমার কাছে কখনও গেও না । বুঝলে বালিকা ?

লয়লা । বুঝেছি মা ।

মুরজাহান । যাও শোওগে ; যাও আমি যাচ্ছি ।

নয়লা চলিয়া গেল ; মুরজাহান কিয়ৎক্ষণ বাতায়ন দিয়া বাহিরের দিকে চাহিয়া রহিলেন

শের খাঁ ধীরে ধীরে ডাকিলেন—

“মেহের ।”

মুরজাহান । নাথ ! কক্ষ হয়েছিলাম, কমা কর ।

শের । কিছু না মেহের । তোমার কোন অপরাধ নাই । আমি বুঝেছি তুমি কোন কারণে উত্যক্ত হয়েছিলে । নিজের উপর শাসন হারিয়েছিলে ।

মেহের নিস্তরক রহিলেন

শের খাঁ উঠিয়া মুরজাহানের কাছে গিয়া তাঁহার হাত ধরিয়া সম্মেহে আবার কহিলেন—

মেহের, নিশ্চয়ই কিছু হয়েছে। নিশ্চয়ই একটা কোন চিন্তা কীটের মত তোমার অন্তরে প্রবেশ করেছে! সে কি চিন্তা প্রিয়তমে! আমায় বল। আমি তোমার স্বামী। আমায় বলবে না?

মুরজাহান। নাথ! আমার বলবার কিছুই নাই।—ঘুমাও নাথ! অনেক রাত্রি হয়েছে। আমিও বাই, লয়লা একলা আছে।

এই বলিয়া মুরজাহান অবনশিরে ধীরে ধীরে চলিয়া গেলেন

শের। আগ্রা থেকে এই পাণ্ডুয়ায় আসা থেকে মেহের আরও অধীর হয়েছে : কথায় কথায় হঠাৎ বিচলিত হয়, আবার পরে অস্থির করে। কি হয়েছে আমার মেহেরের?—ভিজ্জাসা কর্তে বিশেষ কোন উত্তর দেয় না। আমার সুখের সংসার এ কি হ'য়ে গেল—ও কিসের শব্দ!—না বাতাসের। পাণ্ডুয়ায় এসে সুখে না থাকি, দিনকতক নিরাপদে আছি।—রাত্রি গভীর। ঘুম পাচ্ছে।

এই বলিয়া শের খাঁ শয়ন করিলেন ও আঁব-নামে নিদ্রান্তভূত হইলেন। ক্ষণপরে

কয়েকজন দস্যু সাবধানে ধীরে ধীরে সে কক্ষে প্রবেশ করিল

১ম দস্যু। (নিস্তরক) ঘুমিয়েছে।

২য় দস্যু। (তক্রপ) মারো।

৩য় দস্যু। (তক্রপ) সব তরোয়াল নের কর,—সব একসঙ্গে।

৪র্থ দস্যু। (তক্রপ) না ফঙ্কায়।

৫ম দস্যু। (তক্রপ) তৈরি? তবে আর কেন? মারো।

সকলে শের খাঁকে বধ করিবার জন্য অগ্রসর হইল

সর্দার দস্যু। (তাঁহাদের সম্মুখে আসিয়া) না, আমরা এতজন মিলে

একজনকে মার্কো—আব তাও সে ঘুমিয়ে! এ হাতে পারে না—
উঠতে দাও।

তাহার কথায় শের খাঁব নিদ্রাভঙ্গ হইল

শেব। (উঠিয়া) এষ্ট ত কথার মত কথা।

এষ্ট বলিয়া তিনি স্বীয় গরবারি নইতে উদ্ধত হইলে দস্যগণ তাঁহাকে
আক্রমণ করিতে গেল। সর্দার দস্যু আবার কহিল—

“এখনও নয়; তরবারি নিতে দাও।”

শেব খাঁ। (তরবারি লইয়া) এখন এসো।

দস্যাদিগণ সঙ্গে শের খাঁর যুদ্ধ হইল। দস্যগণ একে একে শের খাঁর গরবারির
আঘাতে বরাশায়া হইল।

শের খাঁ তখন সর্দার দস্যুকে কহিলেন—

তোমায় মার্কো না—তুমি আমায় বাঁচিয়েছো। অস্ত্র পরিত্যাগ কর।

সর্দার দস্যু অস্ত্র পরিত্যাগ করিলে, শের খাঁ কহিলেন -

এখন বল কাব হুকুমে আমায় বধ কর্তে এসেছিলে ?

এই সময়ে মুরজাহান সেই কক্ষে প্রবেশ করিলেন

মুরজাহান চারিদিকে বিক্ষিপ্ত মৃতদেহ দেখিয়া ও শের খাঁকে

রক্তাক্ত দেখিয়া ভীতস্থরে কহিলেন—

“এ কি!—এ সব কাবা!”

শের। ভয় পেয়ো না মেহের। আমি এদের সব শেব করেছি।

এই সর্দার একনকম আমায় বাঁচিয়েছে। বল সর্দার এখন—কাব
হুকুমে আমায় বধ কর্তে এসেছিলে।

সর্দার। সুবাদাবের হুকুমে।

শের। সুবাদার আমায় বধ কর্তে চান কেন ?

সর্দার । বাদসাহের হুকুম ।

শের খাঁ মুর্জাহানের প্রতি একবার চাহিলেন । পরে সর্দারকে কহিলেন—

“যাও ।”

সর্দার চলিয়া গেল

মুর্জাহান । কি সখ্যাটেব ঙিংসা এখানে পর্য্যন্ত ! কি অত্যাচার ?
কি দৌবাহ্য !

সপ্তম দৃশ্য

স্থান—আকবরের সমাধির সন্নিহিত কানন । কাল—রাত্রি

চণ্ডিকাঙ্গিগণ সেখানে দাঁড়াইয়া যেন কাহার অপেক্ষা করিতেছিলেন

১ম চক্রান্তকারী । কুমার বিদ্রোহ কর্তে স্বীকাব হলে হয় ।

২য় চক্রান্তকারী । কিছু বিশ্বাস নাই ।

৩য় চক্রান্তকারী । হাঁ, যে চঞ্চলমতি !

৪র্থ চক্রান্তকারী । মানসিংহ যদি আমাদের সহায় হ'তেন !

১ম চক্রান্তকারী । তিনি আকবরের মৃত্যুশয্যায় জাহাঙ্গীরের বিরুদ্ধে কখন অস্ত্র না ধর্তে প্রতিশ্রুত হয়েছেন । তিনি তাঁর অটল প্রতিজ্ঞা ত'তে এক পা নড়বেন না ।

২য় চক্রান্তকারী । যদি আমরা বিফল হই, ক্ষতিবৃদ্ধি নাই ।

৩য় চক্রান্তকারী । এই যে কুমার আসছেন ।

গমক প্রবেশ করলেন

সকলে । বন্দেগি যুবরাজ !

৪র্থ চক্রান্তকারী । আমরা অনেকক্ষণ ধরে' আপনার অপেক্ষা করছিলাম । এত দেরী যে যুবরাজ ?

খসক। শোন। পিতা আমাকে সন্দেহ কর্তে আরম্ভ করেছেন। আমি পিতামহের কবরে ফুল দেবো ব'লে আজ এসেছি। তবু পশ্চাতে গুপ্তচরকে দেখেছি।

১ম চক্রান্তকারী। সে যাহোক। আপনি এখন স্বীকৃত ?

খসক। আমি বিবেচনা করে' দেখলাম, যে পিতার বিরুদ্ধে বিদ্রোহ কবা আমার সাধ্যাতীত।

২য় চক্রান্তকারী। সে কি যুবরাজ! ইক্কন প্রস্তুত। আপনি তা'তে আগুন লাগিয়ে দিবেন, এই মাত্র দেবী। এখন পিছালে কি চলে ?

খসক। আমি এমন কোন প্রতিজ্ঞা করি নাই।

৩য় চক্রান্তকারী। করেন নি! আমরা ত তাই বুঝেছিলাম।

খসক। আর এই আয়োজন নিফল। আমরা জয় লাভ কর্তে পার্কো না। যদি মাতুল মানসিংহ সহায় হ'তেন—

৪র্থ চক্রান্তকারী। সহায় হ'তেন কি ? তিনি ত আমাদের সহায়ই।

খসক। কৈ! আমি ত তা জানি না।

৪র্থ চক্রান্তকারী। তবে প্রকাশে তিনি নিজে কিছু কর্কেন না। গোপনে সাহায্য কর্কেন!

খসক। কর্কেন ?—আপনাবা নিশ্চয় জানেন ?

সকলে। বেশ জানি।

খসক ভাবিলেন ; পরে কহিলেন—“কিছু”—

১ম চক্রান্তকারী। এ বিষয়ে আবার “কিছু” কি যুবরাজ ? আমরা প্রতিজ্ঞা করেছি জাহাঙ্গীরকে নামিয়ে আপনাকে সিংহাসনে বসাবই।

খসক আবার ভাবিলেন , পরে কহিলেন—

“আপনারা শেষ পর্য্যন্ত আমায় সাহায্য কর্কেন ?”

সকলে। নিশ্চয়ই।

ধসরু। দেখুন, এই গভীর রাত্রি! এই আমার পূজ্য পিতামহের কবর! এটা স্থানে এটা সময়ে আপনাবা গভীরভাবে শপথ করুন যে শেষ পর্যন্ত আমার সাঙ্গায়া করবেন।

সকলে। শপথ করছি।

ধসরু। বেশ। তবে আমি সম্মত।

৪র্থ চক্রান্তকারী। যুবরাজকে একটা প্রস্তাব করেছিলাম—

ধসরু। কি?—পিতাকে গোপনে হত্যা করা?—না আমায় দিয়ে তা হবে না। পিতা রাজ্যচ্যুত হ'য়েও সুখে জীবনধারণ করতে পারেন। পিতার বক্তে রঞ্জিত হস্তে আমি রাজদণ্ড ধারণ করতে পারবো না।

সকলে। উত্তম! উত্তম—এই ত যুবরাজের যোগ্য কথা।

১ম চক্রান্তকারী। তবে কাল প্রভাতে সন্দেশে দিল্লী অবরোধ করবো।

২য় চক্রান্তকারী। নিশ্চয়ই। তবে খাণ্ড ও শস্তভাণ্ডার প্রথমে হস্তগত করা চাই।

৩য় চক্রান্তকারী। যুবরাজ প্রস্তুত থাকবেন।

ধসরু। থাকবো। কেউ যেন তার পূর্বে জানতে না পারে।

৭র্থ চক্রান্তকারী। কেউ জানতে পারবে না।

ধসরু। তবে এই কথা রৈল। এখন ছত্রভঙ্গ হও।

অষ্টম দৃশ্য

স্থান—বর্ধমানে শের খাঁর পুবাতন বাটী। কাল—প্রভাত

মুরজাহান একাকিনী সেইস্থানে দাঁড়াইয়া দামোদরের দিকে চাহিয়া

ছিলেন। পরে দীর্ঘনিঃশ্বাস ফেলিয়া কহিলেন—

মুরজাহান। এই সেই বর্ধমান। তথাপি কি গড়িবর্তন! সেদিনের সুখ এখনও মনে পড়ে—

দীর্ঘনিঃশ্বাস কোঁচিয়া নতশিরে দুইচারিপদ অগ্রসর হইয়া আবার কহিলেন—

সেই প্রথম যৌবনের চাঞ্চল্য জয় ক'রেছিলাম। মনকে বুঝিয়েছিলাম যে সেটা বাঁল্যের একটা খেয়াল। তখন বুঝিনি যে সে প্রকৃতি তখন চাপা ছিল মাত্র, মরে নি। ফুলিখ ছাই-ঢাকা ছিল—নিভে যায় নি। সেই ফুলিখ নূতন ইন্ধন সংযোগে আবার ধোঁয়াচ্ছে। ভগবান্! নারীর হৃদয়কে এত দুর্বল ক'রে ছিলে!—এই প্রকৃতিটাকে দমন কর্তে পাচ্ছি না?

এই সময়ে শের খাঁ সেখানে আসিলেন

মুরজাহান তাঁহাকে পরিহিতপরিচ্ছদে দেখিয়া জিজ্ঞাসা করিলেন—

“একি নাথ! তুমি কি কোথাও যাচ্ছে?”

শের। হাঁ মেহেব! বঙ্গদেশের সুবাদার কুতব বর্কমানে আসছেন, তাঁকে আগিয়ে নিয়ে আসতে যাচ্ছি।

মুরজাহান। (সবিস্ময়ে) সে কি! তুমি তাঁর কাছে যাচ্ছে?

শের। কি!—তাতে আশ্চর্য হচ্ছ যে! তিনি সুবাদার! আর আমি বর্কমানের একজন সন্ন্যাস ওমরাও। তাঁকে অভ্যর্থনা দিব না?

মুরজাহান। মনে আছে পাণ্ডয়ার সেই নিশীথ?

শের। মনে আছে মেহের।

মুরজাহান। তবু যাচ্ছে?

শের। তবু যাচ্ছি।

মুরজাহান। বেওনা বলছি! যদি যাও, তোমার প্রাণসংশয় জেনো। তোমায় বধ করবার বিশেষ আয়োজন না করে' এবার সুবাদার নিশ্চয়ই আসে নি। এবার যদি যাও, নিশ্চয় জেনো আর ফির্তে হবে না।

শের। (ঈষৎ কাষ্ঠ হাসি হাসিয়া) যদি তাই হয়, তুমি ভারত-সম্রাজ্ঞী হবে। মন্দ কি।

মুরজাহান । এ কি পরিহাসের ব্যাপার !

শের । না মেহের, এ পরিহাস নয় ? এ জীবন মরণের কথা । আমি সত্যই বলছি, জীবনে আমার আর প্রবৃত্তি নাই ।

মুরজাহান । সে কি নাথ !

শের । হাঁ মেহের ! এই রকম পালিয়ে বেঁচে থাকার চেয়ে মৃত্যু ভালো । দিবারাত্র একটা সন্দেহে, সঙ্কোচে, শঙ্কায়, জীবন ধারণ করছি ।—কেন ? কি অপবাধ ?—একদিন একটা কথা বলেছিলে, মনে আছে মেহের ?

মুরজাহান । কি ?

শের । যে এত সুখ নয় না ?—আমাদেরও সৈল না ।

মুরজাহান ক্রণেক নিস্তরু ধাকিবা কহিলেন—

“চল নাথ । আমরা এই হিংসাময় সংসার ছেড়ে পলাই, কোন দূর বনগ্রামে গিয়ে দীন ক্লষকদম্পতী হ’য়ে জীবন ধারণ করিগে’ ধাই । সম্রাট জাহাঙ্গীরের হিংসা এত নীচে নেমে এসে আমাদের অশ্রুসরণ কর্তে পার্কে না ।”

শের । না মেহের । আর পালাবো না । এবার বিপদকে নিজে ছুটে গিয়ে আলিঙ্গন করব । মরি যদি, মরব,—সেও ত তোমার জন্ম ! (গদগদস্বরে) তোমার জন্ম মরেও সুখ আছে ।—আর এক কথা বলবো মেহের !—না বলে’ই ফেলি ।—আমি মর্ত্তেই চাই ।

মুরজাহান । কেন নাথ !

শের । শুনবে কেন ? আমি বুঝেছি, আমি জেনেছি, আমি সেটা মন্থে মন্থে অনুভব করেছি—যে তুমি আমায় আর ভালোবাসো না ।

মুরজাহান । বাসি না ?

শের । না ! আমি সেটা তোমার চাহনিত্তে, কীর্ণহাস্তে, ভগ্নস্বরে,

তোমার ঐ “বাসি না ?” প্রশ্নে টের পাই ! আমার বিশ্বাস যে আমার সঙ্গে বিবাহে তুমি স্মৃথী হও নি ।

হুরজাহান নীরবে রহিলেন

কোথায় তোমার জাহাঙ্গীরের বেগম হবার কথা, কোথায় তুমি সম্রাটের দাসের দাস শের খাঁর স্ত্রী হয়েছো । কোথায় তোমার আশ্রয় মর্শ্বের প্রাসাদে থাকবার কথা, কোথায় তুমি এই দীন শের খাঁর সামান্য কুটীরে আছো । কোথায় তোমার সূর্য্যের মত সমস্ত ভারতবর্ষে কিরণ দেওয়ার কথা, কোথায় তুমি গরীবের ঘরের প্রদীপটি হ'য়ে জ্বলছো ।

হুরজাহান । আমি কখনও কি সে কথা বলেছি ?

শের । না, বল নি ! তবু আমি বুঝি । মানব-চরিত্র আমি ঠিক বুঝি না, হতে পারে ; কিন্তু আমি প্রেমিক, প্রেমপিপাসু । পানীয় না পেলে পিপাসুর পিপাসা বৃদ্ধিতে বেশী প্রয়াস পেতে হয় না । আমি তোমার কাছে গিয়েছি শুষ্কতালু, ফিরেছি শুষ্কতালু ।—মেহের ! প্রেম শুষ্ক বিশ্বাস আর সেবা চায় না । এ তৃষ্ণা অন্তরের ।

হুরজাহান । স্বামী ! দেবতা আমার—আমায় ক্ষমা কর !—

পদতলে পড়িলেন

শের । না মেহের, অন্ডায় তোমাব নয়, অন্ডায় আমার । যাকে বিবাহ কর্তে সাহজাদা, ভারতের ভাবী সম্রাট উন্নত, তাকে আমায়, এই দীনদরিদ্র শের খাঁর বিবাহ করা, পতঙ্গের অগ্নিতে ঝাঁপ দেওয়াই সার ! আমি ভেবে দেখেছি যে অন্ডায় আমারই ।

হুরজাহান । অন্ডায় তোমার ?

শের । হাঁ, অন্ডায় আমার ।—তবু আমায় দুখোনা মেহের ! মনে করে' দেখ, সে কি প্রলোভন ! যে দিন তুমি আমার উদ্ভ্রান্ত দৃষ্টিপথে

উদয় হ'য়েছিলে—হে সুন্দরি! যখন আমার উন্মুখ বাসনার মাঝখান দিয়ে তোমার রূপের শকট চালিয়ে দিলে; যখন জীবনের ধ্যান শরীরী হ'য়ে আমার জাগ্রত স্বপ্নে এসে দেখা দিলে; আমি আপনার মধ্যে আপনাকে ধরে' রাখতে পারলাম না! আমি মানুষ!—দুর্বল মানুষ মাত্র! আব সে আমার প্রথম যৌবন মেহের!—প্রথম যৌবন!—যখন আকাশ বড়ই নীল, পৃথিবী বড়ই শ্যামল; যখন নক্ষত্রগুলি বাসনার স্কুলিঙ্গ, গোলাপফুলগুলি হৃদয়ের রক্ত; যখন কোকিলের গান একটা স্মৃতি, মলয় সমীরণ একটা স্বপ্ন; যখন প্রণয়ীর দর্শন উষার উদয়, চুষন সজল বিদ্যুৎ, আলিঙ্গন আশ্রয় প্রলয়!—সেই যৌবনে আমি তোমার রূপের সুরা পান করেছিলাম!—জানতাম না যে বিহ্বল বর্জ্য!—মেহের (হস্ত ধরিয়া) দরোজা বন্ধ কর। আমি চললাম। (চুষন) আর যদি না ফিরি, তবে এই শেষ বিদায়!—বিদায়!

দ্রুত প্রস্থান

সুরজাহান। ওঃ!—(ক্ষণপরে) স্বামী! যদি ভক্তি প্রেমের শূন্যতা পূর্ণ কতে পারিতো, তবে সে ভক্তি তোমার পায়ে ঢেলে দিতাম।

প্রস্থান

নবম দৃশ্য

স্থান—বর্ধমানের রাস্তা। কাল—প্রাত্ন

বঙ্গদেশের সুবাদার কুতুব, হাঁহার অমাত্য ও সৈন্তগণ সেইখানে দাঁড়াইয়া ছিলেন।

কুতুব দূরে চাহিতে চাহিতে একজন অমাত্যকে জিজ্ঞাসা করিলেন—

“ঐ শের খাঁ আসছে না?”

অমাত্য। হাঁ জনাব।

কুতুব সৈন্তদিগকে কহিলেন—“সৈন্তগণ! তোমরা সব প্রস্তুত?”

সৈন্তগণ। হাঁ হুজুর।

কুতব। মনে থাকে যেন যদি সফল হও ত কি পুবস্কাব, আর যদি কেহ পিছপাও হও ত কি দণ্ড !—মনে আছে ?

সৈন্তগণ। মনে আছে।

কুতব। ব্যস্! স্থিব থাক। আমার আজ্ঞাব প্রতীক্ষাষ মাত্র থাকবে। মনে থাকে যেন এ আর কেউ নয়—এ শেব খাঁ।

শের খাঁ আসিয়া অভিবাদন করিলেন

কুতব। (প্রত্যভিবাদন কবিষা) আসুন। মহাশযেব কুশল ?

শেব। হাঁ জনাব।

কুতব। পাবিবাবিক কুশল ?

শেব। হাঁ জনাব।

কুতব। বর্দ্ধমানে এ সময়ে কোন পীড়া কি অশাস্তি নাই ?

শেব। বিশেষ কিছুই না।

কুতব। এখানে আপনাব কোন কষ্ট নাই ?

শেব। কিছু না।

কুতব। আমি বর্দ্ধমানে পূর্বে কখন আসিনি।—সুন্দব সভব।

শেব। সুন্দব।

কুতব। তবে আপনি আপনাব ঘোড়াষ উঠুন, আমি হাতীতে উঠি, সম্যক সমাবোহে নগবে প্রবেশ কত্তে হবে।

শেব। যে আজ্ঞে।

কুতব। চলুন তবে।

কুতব ও শের খাঁ নিজক্রান্ত হইলেন। পশ্চাতে অমা স্তম্ভগণ নিজক্রান্ত হইল

হুই চারিজন অন্যাতা পিছনে অপেক্ষা করিতে লাগিল

কর্ণপরে নেপথ্যে কুতবেব স্বর শ্রুত হইল—

“সৈন্তগণ !—”

শের খাঁ। (নেপথ্যে) তা পূর্বেই জাঙ্গাম কুতব! আজ মর্ত্তেই এসেছি। তবে একা মর্কো না, প্রথমে এসো তুমি কুতব!

নেপথ্যে শম্ভুধ্বনি, বন্দুকধ্বনি, আর্কুনাৎ ও মশুয়কোলাহল শ্রুত হইল। যুদ্ধ করিতে করিতে শের খাঁ ও সৈন্যগণ পুনঃ প্রবেশ করিল। পাঁচ ছয় জন সৈন্য সেখানে শের খাঁর অন্ত্রাগাতে ধরাশায়ী হইল

শের খাঁ। (উচ্চঃস্বরে) আব না, আমি অস্ত্র পরিত্যাগ করছি! আমি মর্ত্তে প্রস্তুত। তোমরা যদি মুসলমান হও ত আমায় মর্কোর আগে প্রার্থনা করবার সময়টুকু দাও।

সকলে নিস্তব্ধ রহিল

তোমাদের সুবাদার কুতব ধরাশায়ী। তোমরা ক্ষুদ্রজীব, তোমাদের বধ করে আর কি হবে। যদি এ সময়ে একবার সম্রাট জাহাঙ্গীরকে পেতাম।—বাক্ এই অস্ত্র ত্যাগ কলাম। (অস্ত্র পরিত্যাগ) একটু অপেক্ষা কর।

সকলে নিস্তব্ধ বাহল

শের খাঁ পশ্চিমাভিমুখী হইয়া মশুয়কোলাহলি বৃষ্টি নিক্ষেপ করিয়া যুদ্ধে নয়নে প্রার্থনা করিয়া উঠিলেন। পবে কহিলেন—

“হযেছে। সৈন্যগণ! এখন আমি মর্ত্তে প্রস্তুত। আমায় বধ কর।”

তিনদিক হইতে তিনটি গুলি আনয়ন শের খাঁকে আঘাত করিল।

শিনি ভূগর্ভ হইলেন

দ্বিতীয় অঙ্ক

প্রথম দৃশ্য

শুন—আগ্রা—সম্রাটের কোষাধ্যক্ষ আয়াসের বাড়ী। কাল—প্রাত্ণ

বন্দরদাগ ও সম্রাটের সভাসদবর্গ সেখানে সম্মিলিত হইয়া কথোপকথন করিতেছিলেন

১ন সভাসদ। বিধবাটির স্বামীকে হত্যা করিয়ে তার পরে তাকে 'আগ্রা' প্রাসাদে এনে রাখাটা, অস্বভাব: আমাদের হ'লে, সকলেই অত্যন্ত নিরলঙ্ক বসতো।

বাজা। বিধবাটি নিরাশ্রয়, কোথায় যায়—হে হে—তাই বাদসাহ দয়া ক'নে—

২য় সভাসদ। তা'কে ধ'রে নিজের বাড়ীতে এনে চাবিবন্ধ ক'রে রেখে দিয়েছে। হাঁ, তার উপরে বে সম্রাটের বিশেষ অনুগ্রহ তা দেখাই যাচ্ছে!

৩য় সভাসদ। আর সে অনুগ্রহের কিনারাটা মহারাজের উপরে খানিক এসে পড়েছে। বৎসর না যেতে যেতেই রাজাবাহাদুর খেতাব পেয়েছেন। আর শিব্রহ বোধ হয় মহারাজা হবেন।

বাজা। হেঁ হেঁ—সে আপনাদেরই অনুগ্রহ—আপনাদেরই অনুগ্রহ।

৪র্থ সভাসদ। কি বীভৎস! তোমরা (রাজাকে দেখাইয়া) এটাকে এখানে আসতে দাও কেন যে আমি বুঝতে পারি না। এটাকে দেখলে আমার গা জলে।

রাজা। হি: হি: হি:—

৪র্থ সভাসদ। ঐ দেখ হাস্ছে, তাও যেন একটা জালার মধ্যে থেকে আওয়াজটা বেরোচ্ছে।—এতে হাস্কার কি কথা হলো রাজা?

২য় সভাসদ। বিধবাটি শুনেছি অপূর্ব সুন্দরী !

১ম সভাসদ। কিঙ্ক প্রাসাদে এনে সম্রাট এ ছুবৎসর ধরে' যে তা'র মুখদর্শন করেন না, সেটা একটু আশ্চর্য্য বোধ হচ্ছে।

রাজা। বাদসাহ তাঁর বন্ধু সুবাদারের মৃত্যুতে এমনিই ন্যাথিত হ'য়েছেন যে, এ'লেছেন শের খাঁর বিধবার মুখদর্শন করবেন না।

৩য় সভাসদ। সম্রাট বিধবাটির স্বামীকে হত্যা করিয়ে তাকে আগ্রায় এনে প্রাসাদে চাবিবন্ধ ক'রে রেখেছেন তার মুখদর্শন না করবার অভিপ্রায়ে—না ?

২য় সভাসদ। বরং বিধবাটিই, শুনেছি, বলেছে যে সে সম্রাটের মুখদর্শন করবে না।

১ম সভাসদ। তা'ই সম্ভব ! একজনের স্বামীকে যে হত্যা করে তা'র উপর কি তা'র অনুরাগ হতে পারে ?

৩য় সভাসদ। অনুরাগ না হ'য়ে বরং বিশেষ রাগ হবারই কথা।

১ম সভাসদ। তবে তা'র আগে একটা "অনু" আসতে কতক্ষণ !
—রাগেব পর যা আসে তাই ত "অনুরাগ"।

২য় সভাসদ। এ "অনু"টা এখনও আসে নি। আমার এ কথা আয়াস খাঁর কাছে শোনা। খাঁটি খবর।

আসফ বেগে প্রবেশ করিলেন

আসফ। খবর শুনেছেন ?

সকলে। কি ! কি !

আসফ। কুমার খসরু দিল্লী অবরোধ করে, সেখানে বিফল হয়ে লাহোরের দিকে পালিয়েছেন। ফরিদ সন্মিলে তাঁ'র পিছু-পিছু ছুটে-ছিলেন। তার পরে এইমাত্র সংবাদ এলো যে কুমার ধরা পড়েছেন।

১ম সভাসদ। বটে ! বটে !

২য় সভাসদ। কবে ?

৩য় সভাসদ। কোথায় ?

৪র্থ সভাসদ। কে বলে ?

তাহারা আসতাকে দস্তবন্দত বেটুন কবি। ন

ধারে আশাস প্র বশ করিলেন

১ম সভাসদ। এই যে আসফের পিতা।

২য় সভাসদ। মশায়! কুমার খসরু নবা প'ড়েছেন ?

আশাস। হাঁ শেখজি।

৩য় সভাসদ। তবে এ খবর ঠিক ?

আশাস। ঠিক খবর। বেচাবি কুমার ' দশজন তাকে নাচিয়ে পদে নিজেবা স'বে পড়েছে। এখন সম্রাটের কাছে তাঁর প্রাণ নিয়ে টানটানি।

৪র্থ সভাসদ। সম্রাট নিজের পুত্রকে নিশ্চয়ই ক্ষমা করবেন।

আশাস। সহজে নয়। আমি তাঁকে জানি।

বন্দববাজ। সম্রাটের কাছে একবারে—হে হে—চুনচেরা দিচার। দোলের দণ্ড আর ধার্মিকের পুণসার বর্ডে আমাদের বাদসাহ—ও হেঁ— স্বয়ং বিবাতা পুর্কব।

আশাস। (বাজার প্রতি শুষ্কভাবে চাহিয়া) বাজা, বেগা হোল। আপনি সম্রাটের কাছে এখনও যান নাহি ?

বাজা। এই যে যাচ্ছিলেম, পথে এঁদের সঙ্গে দুটো কথাবার্তা— হে হে—

আশাস। এঁরা পবম আপ্যায়িত হ'য়েছেন। এখন আপনি সম্রাটের কাছে যেতে পারেন।

রাজা নাখা চুলকাইতে চুলকাইতে চলিয়া গেলেন

৫র্থ সভাসদ। ঐ দেখ। কি বকম কেন্দুয়েব মত পাক খেলে। (৩য় সভাসদকে) দেখেছো ?

৩য় সভাসদ । দেখোছ, ও শীঘ্রই মহাবাজ হবে ।

৪র্থ সভাসদ । কেন ।

১ম সভাসদ । ঐ বাবা কেন্নে যেব মত পাক খায়, তা'দেব একদিন না একদিন মহাবাজ হ'ওই হবে ।

২য় সভাসদ সম্মতিসূচক ঘাড় নাড়িলেন

১ম সভাসদ । শাস্ত্রে লোখে নাকি ?

৪র্থ সভাসদ । চল আমবাও বাই । বেলা হোল ।

৩য় সভাসদ । চল ।

৪র্থ সভাসদ । বেশ চল ।

আয়াস ও আনা গিন্ন আর সকলে বাহির হইয়া গেলেন । সকলে ৮ ।

গেলে আয়াস বীরে বীরে কহিলেন— 'আসফ ।

আসফ । পিতা ।

আয়াস । সত্ৰাট আবার আমায় ডেকে পাঠিয়েছিলেন । তিনি আমায় অনেক লোভ দেখালেন, আব বলেন, "তোমার কন্যাকে যদি তুমি সম্মত কর্তে পাবে, ত তোমায় মন্ত্রিপদ দিব ।"—আমি 'ক উত্তর দিলাম জানো ?

আসফ । কি উত্তর দিলেন পিতা ?

আয়াস । আমি বললাম, জাঁহাপনার অনুমতি হয়ত কোযাধ্যক্ষের পদ পবিত্যাগ করি ।

আসফ । সত্ৰাট তাতে কি বল্লেন ?

আয়াস । বিবস্ত হ'য়ে বলেন— "আচ্ছা বিবেচনা করা যাবে"—
—আসফ, আমি এ পদ পরিত্যাগ কর্তে প্রস্তুত । তুমিও আগ্রা পরিত্যাগ করবার জন্য প্রস্তুত হও ।

দ্বিতীয় দৃশ্য

স্থান—সত্রাটের দরবার কক্ষ । কাল—প্রভাত

জাহাঙ্গীর এবং তাঁহার কোবাধাক্ক আয়াস দাঁড়াইয়া কথাবার্তা করিতেছিলেন ।

দূরে সত্রাটের দ্বিতীয় পুত্র পরভেক্ক, তৃতীয় পুত্র সাজাহান ও

কনিষ্ঠ পুত্র শারিয়ার দণ্ডায়মান ছিলেন

জাহাঙ্গীর । জানি আয়াস ! গৃহ-তাড়িত কুকুর সব ! আমি তা'দের
উৎকোচ নেওয়ার জন্ত, অত্যাচারের জন্ত, অসদাচরণের জন্ত, তাদের সুখ
থেকে চ্যুত কবেছি । তা'দের গলিত বিবেকের দুর্গন্ধের জ্বালায় অস্থির
হ'বে তাদের দূব কবে দিয়েছি । তাই তা'রা বিদ্রোহ করেছে । কিন্তু
এইখানেই তা'দের শাস্তির শেষ হয় নাই, আয়াস । আমি এই ষড়যন্ত্র-
কারীদের নাম চাই । শাস্তি পূর্ণ হয় নাই ।—এই যে থসক—

প্রহরিগণপরিবৃত থসককে বন্দীভাবে নইয়া মহাবৎ খা প্রবেশ করিলেন । থসক

শৃঙ্খলাবদ্ধহস্তে নতশিরে জাহাঙ্গীরের সম্মুখে দাঁড়াইলেন । জাহাঙ্গীর

কিয়ৎকাল তাঁহার পানে চাহিয়া রহিলেন । পরে কহিলেন—

থসক, তুমি কি অপরাধে অভিযুক্ত জানো ?

থসক নতশিরে কহিলেন—

“জানি ।”

জাহাঙ্গীর । থসক ! আমি তোমায় সাবধান করে' দিয়েছিলাম ।

থসক । জানি পিতা ।

জাহাঙ্গীর । অপরাধ স্বীকার কর ?

থসক । করি ।

আয়াস । জাহাপনা । কুমার বালক । দশজনে একে নাচিয়েছিল ।

জাহাঙ্গীর । সেই দশজনেরই আমি নাম চাই । থসক ! তারা কে

উত্তর দাও। নীরবে থাকলে ছাড়ছি না। তা'দের অগ্নিকুণ্ডে নিক্ষেপ করব।
তা'দের ব্যাঘ্র দিয়ে খাওয়ানো—বল কে তা'রা? কে তা'রা?

খসরু। সম্রাট। আমি তাদের নাম বলবো না।

জাহাঙ্গীর। বলবে না?—কুলাঙ্গার! তোমায় বলতে হবে। আমি তোমায় বলানো। আমি তোমায় যন্ত্রণার যন্ত্রে চড়াবো। আমি বেত্রাঘাতে তোমার পৃষ্ঠচন্দ্র লোলখণ্ডিত করব। ভাবছো তুমি আমার পুত্র ব'লে ক্ষমা করব? তা'হলে তুমি আমায় জান না।—বল তাদের নাম, কখনও—

খসরু। আমায় সে শাস্তি হয় দি'ন। তাদের নাম এ ভিহ্বায় উচ্চারিত হবে না। যা হুজ্জা হয় করুন।

জাহাঙ্গীর। যা হুজ্জা হ'ব করব? তবে তাই কবি। প্রহরী! একে কারাগারে নিয়ে যাও।—আবদুল! দেখ, এর হাত পা গরাদের সঙ্গে বেঁধে সমস্ত দিন সোজা করে' দাড় করিয়ে রাখো। পৃষ্ঠে কোড়া দিয়ে প্রহার কর। খসরু! আমি জানি তোমার সাহস আর সহিষ্ণুতা। যাও নিয়ে যাও।—কি কা'দছো যে! বলবে তাদের নাম?

খসরু। না।

জাহাঙ্গীর। নিয়ে যাও।

প্রহরীরা খসরুকে এই খাইতে ওড়তে হইলে মহাবৎ খা অগ্রদূত হইয়া কহিলেন—

“জাহাঙ্গীর, আমার একটা নিবেদন আছে। (প্রহরীদের কহিলেন)
দাড়াও।”

জাহাঙ্গীর। কি চাও মহাবৎ খা?

মহাবৎ। কুমারের উত্তর একরূপ শাস্তি বিধান করিবেন না।

জাহাঙ্গীর। সে কি মহাবৎ খা?

মহাবৎ। জাহাঙ্গীরের আজ্ঞায় প্রতিবাদ কখনও পূর্বে করি নি—
আজ করছি। ওহুন অহুগ্রহ করে'—তার পর যে আক্রমণ হয় দিবেন।

জাহাঙ্গীর । (কিষ্কিৎ ভাবিয়া) আচ্ছা বল, কেহ যেন না বলে যে জাহাঙ্গীর সম্যক বিচার না করে' দণ্ড দিয়েছেন ।

মহাবৎ । জাঁহাপনা ! কুমার খসক যোবতর অপরাধ কবেছেন, সত্য । তাঁকে এবার ক্ষমা করুন । আর দণ্ডই যদি দেন, ত সন্ন্যাসীদের পুলের উপযুক্ত দণ্ড দিন । সামান্য অপরাধীর স্ত্রী এ দণ্ড তাঁকে দিবেন না ।

জাহাঙ্গীর । সন্ন্যাসীদের পুল বলে' সমুচিত দণ্ড দিব না ? আমি পূর্বে কখন এ বকম পক্ষপাত বিচার কবেছি কি মহাবৎ খাঁ ?

মহাবৎ । এ পক্ষপাত বিচার নয় । পদবীর একটা মর্যাদা আছে । জাঁহাপনা একদিন স্বর্ণগত মহায়া আকবরের ঠিকই বিদ্রোহ কবে-
ছিলেন । তিনি যদি আপনাকে এই শাস্তি দিতেন ।

জাহাঙ্গীর । তাঁর আমার মত সমাধী বিচার ছিল না ।

মহাবৎ । না খোদাবন্দ ! তিনি গদবাব মর্যাদা বুঝতেন । আজ যে জাঁহাপনাকে ভারতবর্ষ সন্ন্যাসীদের অভিবাদন কচ্ছে, সেও সেই মহাশয়ের স্মৃতিবিচাবে । তিনি ইচ্ছা করলে আজ হয়ত এই কুমার খসকই ভারতবর্ষ সন্ন্যাসীদের সন্ন্যাসী হোত, আর হয়ত কুমার খসকর কাছেই জাঁহাপনার বিচার হোত ।

জাহাঙ্গীর । (ক্রুদ্ধ স্ববে) মহাবৎ !

আযাস । জাঁহাপনা । সেনাপতি মহাবৎ খাঁ যেসকল যোদ্ধা সেসকল বাকচতুর ন'ন । তাঁকে মাজ্জনা করেন জাঁহাপনা । কিন্তু কুমার খসকর জন্ত আমিও জাঁহাপনার রূপা ভিক্ষা করি । দশজনে মিলে একে উত্তে-
জিত কবেছে । নইলে ইনি মহৎ ।

জাহাঙ্গীর । মহৎ !

আযাস । বিবেচনা করুন খোদাবন্দ, যখন বড়যন্ত্রকারীরা জাঁহাপনাকে হত্যা করার জন্ত একে উত্তেজিত করেছিল, সে প্রস্তাব ইনি অগ্রাহ করেন । আর আজ যে ইনি সেই ভীক বড়যন্ত্রকারীদের নাম

না ব'লে তা'দের প্রাপ্য শাস্তি নিজের ঘাড় পেতে নিচ্ছেন, তাতে এর মহত্বই প্রকাশ পায়।

জাহাঙ্গীর। কিন্তু তাদের নাম জানা আমার দরকার।

'আয়াস। তা'দের নাম অনুসন্ধান করে' বের করে' দেওয়ার ভার আমার রৈল।

জাহাঙ্গীর। আচ্ছা। প্রহরী, কুমারকে কারাগারে নিয়ে যাও। শাস্তির বিষয়ে পরে বিবেচনা কর্ব।

খসককে লইয়া প্রহরীঘর চলিয়া গেলেন

জাহাঙ্গীর। পরভেজ, তুমি মেবারযুদ্ধে হেরে এসেছ। তুমি যে এত অপদার্থ তা জ্ঞানাম না। মহাবৎ খাঁ, এবার তুমি মেবার যুদ্ধে যাও। আর পরভেজ তুমি মহাবৎ খাঁর সঙ্গে যাও। যুদ্ধ কা'কে বলে শিক্ষা কর।

পরভেজ। যে আচ্ছা পিতা।

জাহাঙ্গীর। আর খুরম, এবার তোমায় দক্ষিণাত্যযুদ্ধে যেতে হবে জানো ?

সাজাহান। জানি পিতা।

জাহাঙ্গীর। শারিয়্যার, তুমি এখানে যে!—হকিম এসেছিলেন ?

শারিয়্যার। এসেছিলেন।

জাহাঙ্গীর। কি বল্লেন ?

শারিয়্যার। ঊষধ দিবে গিবেছেন।

জাহাঙ্গীর। তাই যাও গে, যাও। তুমি এখানে কেন ? অন্তঃপুরে যাও।

এই বলিয়া জাহাঙ্গীর চলিয়া গেলেন। মহাবৎ খাঁ ও সত্যসঙ্গ বিপরীত দিকে নিজ্জান হইলেন। সত্ৰামধ্যে তিন ভাতা—পরভেজ, সাজাহান ও শারিয়্যার রহিলেন

সাজাহান। সত্য কথা, ভাই তুমি মেবার যুদ্ধটা কি তরোঘালের উল্টো দিক দিয়া ক'রেছিলে ?

পরভেজ। যুদ্ধ যেমন ক'বে করে সেই রকম ক'রেই ক'রেছিলাম। তবে অপরিচিত দেশ, আর মেবাবের যুদ্ধ যেদিন হয়, সেদিন আমরা প্রস্তুত ছিলাম না।

সাজাহান। তুমি তামাক খাচ্ছিলে বুঝি ?

পরভেজ। সত্য খুবম, তামাকই খাচ্ছিলাম। আগ্রা থেকে এক সিন্ধুক মৃগনাভি তামাক নিয়ে গিয়েছিলাম !

সাজাহান। ভাই ঐটেই ভুল কবেছিলে। তামাক, তাকিয়া আর স্ত্রী এ তিনটে জিনিস যুদ্ধক্ষেত্রে কখনও নিয়ে যেতে নেই। 'আবাম আর যুদ্ধ, তেল জলের মত—একেবারে মিশ খায় না।

শারিয়ার। আশ্চর্য্য ! তোমাদের কি যুদ্ধ ভিন্ন কথা নেই ? এ জগৎ কি একটা হত্যাশালা !—ওসব ছেড়ে দেখ দেখি ভাই আকাশ কি নীল, ধরণী কি শ্যাম, শোন বিহঙ্গের কজন, নদীর জলকলরব। প্রাণ দিয়ে অনুভব কর এই বিশ্বনিখিল !

সাজাহান। শারিয়ার ! কুৎসিত যেমন বত ঢাকা থাকে ততই সে সুন্দর. তেমনই তুমি যত কম কথা কও তোমার ততই বেশী শোভা পায়। তুমি চুপ কর।

শারিয়ার। তোমরাই সব দশজনে মিলে এমন সুন্দর জগতকে কুৎসিত করে তুলছো।

প্রহান

পরভেজ। শারিয়ার দস্তবমত কবি। এমনই ভাবে কৃষ্ণশব্দায় শুয়ে শুয়ে একদৃষ্টে আকাশের পানে, নদীর পানে চেয়ে থাকে, যে সে সময় যদি কেউ ওর মাথাটা কেটে নিয়ে যায়, বোধ হয় টের পায় না।

সাজাহান। সাথে কি প্লেটো তাঁর কল্পিত রাজ্য থেকে কবিদের নির্বাসিত করেছিলেন।

তৃতীয় দৃশ্য

স্থান—আগ্রার প্রাসাদে নুবজাহানের কক্ষ। কাল—অপরাহ্ন

নুবজাহান একাধিনা পড়িতেছিলেন

নুবজাহান। না, আব ভালো লাগে না।

পরে তিনি গুলুক রাগিয়া উঠিয়া মুকুবে নিজে র চেহারা দেখিতে দেখিলে

বেশ গুচ্ছ ওছাইতে ওছাইতে কহিলেন—

এই চেহাৰাৰ জন্তু এত!—হায় উদাৰ স্বামী! এই দপট তোমাৰ
মৃত্যুসাধন কৰেছে।—এই দপ?—না আমাৰ অক্লান্ত কঠিন হৃদয়?
ঈশ্বৰ! ঈশ্বৰ! কেন আমি কখনও তাকে ভালোবাসতে পাবি নাই?
তীব চেয়ে ভালোবাসাৰ বোগ্যপাৰ আৰ কে ছিল?—দেবতাৰ মত
গঠন, সিংহৰ মত বীৰ্য, মাতাৰ মত স্নেহ, শিশুৰ মত মৰ্য্য!—তবু তোমাৰ
ভালোবাসতে পাবি নাহ। ঈশ্বৰ জানেন তোমাৰ ভালোবাসাৰ জন্তু
নিজেৰ সঙ্গৈ কি বন্ধ কৰেছি। তবু পাবলাম না। তাই তুমি অসীম
বৈবাগ্যে মৃত্যুকে সেয়ে তাকে নিলে। আমাৰ উচ্চাশাই তোমাৰ সৰ্বনাশ
ক'ৰেছে, আমাৰও সৰ্বনাশ ক'ৰেছে।—না তবু বন্ধ কৰি। এ
শযতানীকে দমন কৰি। সে শযতানা তোমাৰ মৃত্যুৰ পৰে আমায় এই
প্রাসাদে টেনে এনেছে সত্য। কিন্তু আমিও এখানে এসে এ চাবি বৎসৰ
ধৰে' সম্রাটৰ মুখদৰ্শনও কৰি না, কৰিও না। দেখ কে জেতে।
—স্বামী! তুমি মবেছিলে আমাৰ জন্ম, আমিও মৰ তোমাৰ জন্তু! তুমি
মৰাছিলে গাৰে' সঙ্গৈ বন্ধ কৰে', আমি মৰি নিজেৰ সঙ্গৈ বন্ধ কৰে'।
তুমি মবেছিলে এক মুহূৰ্ত্তে, আমি মৰি তিলে তিলে! তুমি নিঃশ্বাসে—
আৰ আমাৰ সত্য বেথে নিঃশ্বাসে—এক জীবন্ত কবর! ঐ বে
লয়লা।—ডাকি —সমস্যা, সমস্যা।

লয়লা কক্ষাভ্যন্তরে আসিয়া কহিলেন—

“কি মা !”

হুরজাহান । লয়লা ! আমার বুকে আয় । লয়লা ! আমাব সর্ব্বশ্ব !

লয়লা । কি হয়েছে মা ?

হুরজাহান । লয়লা, কেন দিবারাত্রি তোর এ বিষণ্ণমুখ, এ আনত নয়ন, এ দীন বেশ ?

লয়লা । কেন ? জানোনা ?—মা তুমি এখানে কেন এলে ?

হুরজাহান । আমি স্বেচ্ছায় আসিনি লয়লা !

লয়লা । স্বেচ্ছায় হো'ক, অনিচ্ছায় হো'ক, এখানে কেন এলে ?

হুরজাহান । নৈলে কি কর্ত্তে পার্ত্তাম—

লয়লা । বিষ খেতে পার্ত্তে ! মা, জীবনে এত মায়া ! যে ছুরাছা আমার পিতাকে হত্যা করিয়েছে সেই নীচ, কাপুরুষ, অধম, জল্লাদের প্রাসাদে—

হুরজাহান । চুপ চুপ !

লয়লা । চুপ ?—আমি এ কথা দিবারাত্রি হৃদয়ে পুবে রাখবো ভেবেছো মা ? আমি এ কথা সমস্ত ভারতবর্ষময় রাষ্ট্র কর্ব্ব, যে সম্রাট আমার পিতাকে গুণ্ডা দিবে বধ করিয়েছে ! আমি একথা বলবো বলবো বলবো ।—যতক্ষণ পর্য্যন্ত আমার তালু শুষ্ক না হ'য়ে যায় ; যতক্ষণ পর্য্যন্ত সমস্ত বাতাস সেই উচ্চারণে ছেয়ে না যায় ; যতক্ষণ পর্য্যন্ত সেই কলঙ্কের কালিমায় সমস্ত আকাশ কালীবর্ণ হ'য়ে না যায় । এ কথা সম্রাটের প্রকাশ্য দরবারে বলবো, যতক্ষণ সম্রাট লজ্জায় সিংহাসন শুষ্ক মাটির নীচে বসে' না যায় ! একবার সুর্যোগ পেলো হয় ।

হুরজাহান । বৎসে ! তুমি যদি প্রাসাদের মধ্যে এইরকম চীৎকার ক'রে বেড়াও ত, আমি স্বামী হারিয়েছি, কষ্টাহারাবো !

লয়লা । কি সম্রাট আমাকেও হত্যা করবে ! করুক । আমি ডরাই

না। তোমার মত আমার প্রাণে এত মায়া নাই! হা ধিক্!—চল মা এখান থেকে আমরা চলে' যাই।

মুরজাহান। অনুমতি নাই লয়লা!

লয়লা। অনুমতি নাই? আমরা কি বন্দিনী?

মুরজাহান। হা মা!

লয়লা। কি অপবাধে?

মুরজাহান। জানি না।

লয়লা। (ক্রিয়ৎক্ষণ নিস্তব্ধ রহিলেন, পরে ধীবে ধীবে কহিলেন)
মা! তুমি আমায় বলছো যে তুমি এখানে স্বেচ্ছায় আসো নি। কিন্তু
আস্বাব সম্বন্ধে তোমার ত বিশেষ আপত্তি কর্তে দেখা গেল না।
নীরবে পোষা ঠবিণীর মত এই প্রাসাদে প্রবেশ করলে। তুমি বল আমরা
বন্দিনী। কিন্তু এ কারাগার ত্যাগ করবার জন্য তোমার কোন চেষ্টা
কি আগ্রহ দেখি না ত। ভিক্ষুকের মত এই বিশাল অন্তঃপুরের এক
ময়লা জব্বত ঝাঁপ্তাকুড়ে আছো—পবম স্বচ্ছন্দে!—মা, সত্য কথা বল,
তুমি এখান থেকে যেতে চাও।

মুরজাহান। চাই।

লয়লা। তবে সম্রাজ্ঞীকে দিয়ে সম্রাটের অনুমতি চেয়ে পাঠাও।

মুরজাহান। সম্রাট অনুমতি দেবেন না।

লয়লা। (ভূতলে চরণ দাপিয়া কহিলেন) দেবেন। আমি বলছি
দেবেন। কখন সননভাবে সাগ্রহে অনুমতি চেয়েছো কি মা? অনুমতি
চাও। অনুমতি চাইবে?

মুরজাহান। চাইব।

লয়লা। আচ্ছা। অনুমতি পাবার ভার আমি নিলাম। দেখি!

এই বলিয়া লয়লা চলিয়া গেলেন

মুরজাহান। ওঃ—কি লজ্জা! না পানাই!—পানাই! আর না!

লয়লার মূহু ভৎসনার তাড়নায় আমার অন্তরের কুৎসিত ক্ষত টের পেয়েছি। আর বুঝতে পেরেছি যে সে কি কুৎসিত। না আমি পালাবো, আর কিছুর জন্ত না হোক—পালাবো তোর জন্ত লয়লা! আমি তোর কাছেও অবিখ্যাসিনী হব না। (পরে সহসা স্বর নামাইয়া কহিলেন) অভাগিনী কণা আমার! সেই দিনের পর ওর মুখে হাসিটি দেখিনি। মাঝে মাঝে অনেকক্ষণ ব'সে ব'সে ভাবে। পরে এমন এক দীর্ঘনিঃশ্বাস ফেলে যে, তার সঙ্গে যেন তার অর্ধেক প্রাণ বেরিয়ে আসে! মাঝে মাঝে আমার পানে একদৃষ্টে চেয়ে থাকে; পরে হঠাৎ চক্ষুটি জলে ভরে আসে; অমনি মুখ ফিরিয়ে নিষে চ'লে যায়। কখনও বা অক্ষুটস্বরে আপন মনে কি বলে—আর এমন অঙ্গভঙ্গি করে—বার মধ্যে ঘৃণা আছে, ক্রোধ আছে, নৈরাশ্য আছে। দূরে ঐ দানাই বাজতে আরম্ভ হ'ল। কি বিশাল এই প্রাসাদ! না, আর না। না, এখান থেকে চ'লে যাওয়াই ঠিক।

খাদিজা প্রবেশ করিল

খাদিজা। পিসীমা, দিদি কোথায়?

মুরজাহান। জানি না। তুই কতক্ষণ এখানে এসেছিস্ খাদিজা?

খাদিজা। এই কতক্ষণ।

মুরজাহান। কা'র সঙ্গে?

খাদিজা। মার সঙ্গে।

মুরজাহান। তোর মা কোথায়?

খাদিজা। সমাজীর কাছে। আমি দাই দেখি, লয়লা কোথায় গেল। তুমি আসবে পিসীমা?

মুরজাহান। না।

খাদিজা। তবে আমি যাই।

মুবজাহান। অপকপ সুন্দরী এই ভাইখিটি আমার। তাই আমার ভাজ একে নিয়ে এই অবিবাহিত কুমারসমাজে আনাগোনা কর্ছেন। হাম নারী। এমনি অধম জাত তুহ! তোব ঐ রূপ বঁডশিব মত কি শুধু পুরুষমানুষ পাথবাব জন্ম তৈনি হ'য়েছিল? শুধু পুরুষমানুষ ধর্কবাব একটা ফাঁদ মান? আর তা বে অধম পুরুষ। তোমাব এত শৌর্য্য, বুদ্ধি, বিবেক, সব অনাগাসে চেলে দাও—ঐ বমণীব জঘন্ত রূপেব পায়ে! (দার্প নিঃশ্বাস সহকাবে) এই ত মানুষ।

চতুর্থ দৃশ্য

হান—প্রাসাদ-অন্ত পুর। কাল—সন্ধ্যা

জাহাঙ্গীর ও বেবা দাঁড়াইয়া কথা কহিওঁছিলেন

জাহাঙ্গীর। বেবা, তুমি ত সব জানো।

বেবা। হানি।—গা ঈশ্বর! যদি না জান্তাম।

জাহাঙ্গীর। বেবা! যে উম্মত, তা'র দোষ একটু অহুৎসান সঙ্গে বিচার করে হ'ব। এখন আমি উম্মত হয়েছিলাম।

বেবা। বিচার করিব তুমি আমি কে? যিনি বিচার করিব, (উল্কে হস্ত উঠাইয়া) তিনি কর্বেন। আমি তোমাব বিগত পাপেব দণ্ড ভিবঙ্গার করে আসি নি। ভবিষ্যৎ মঙ্গলেব জন্ত এসেছি। শোন।

জাহাঙ্গীর। বল।

বেবা। শেব খাঁব বিধবাকে কাবামুক্ত করে দাও।

জাহাঙ্গীর। আমি তাঁকে কাবাগাবে রাখিনি, বেবা। আমি তাঁকে প্রাসাদে এনে বেখেছি শুধু এই আশায়, যে, তিনি একদিন স্বৈচ্ছায় আমার বিবাহ কর্বেন।

রেবা। মেহেরুন্নিসা যদি তোমায় বিবাহ কর্তে স্বীকৃত হ'তেন ত আমি নিজে সে বিবাহের উদ্যোগ কর্তাম। কিন্তু এই চার বৎসরেও যখন বিবাহে তাঁর সেইরূপ দৃঢ় অসম্মতি গেল না, তখন আর তাঁকে তাঁর ইচ্ছার বিরুদ্ধে প্রাসাদে বন্দী করে' রাখা ঘোরতর অবিচার।

জাহাঙ্গীর। একবার তাঁর সঙ্গে সাক্ষাৎ কর্তে পাই না কি ?

রেবা। না, তাঁর ইচ্ছার বিরুদ্ধে নয়।

জাহাঙ্গীর। রেবা! তোমারই অনুরোধে আমি এতদিন শের খাঁর বিধবার সঙ্গে সাক্ষাৎ করিনি—যদিও আমি তার সঙ্গে সাক্ষাৎ করবার বাসনায় মাঝে মাঝে ক্ষিপ্তপ্রাণ হয়েছি।

রেবা। এটি ত মানুষের কাজ! মানুষ যদি সর্বদা প্রবৃত্তিরই অধীন হবে, তবে মানুষের সঙ্গে পশুর তফাৎ রৈল কি ?

জাহাঙ্গীর। মেহেরুন্নিসা বর্ধমানের ফিরে যেতে চান ?

রেবা। হাঁ স্বামি; আমি করযোড়ে অনুরোধ করছি, তুমি সে প্রার্থনা মঞ্জুর কর।

জাহাঙ্গীর। যদি জানতে—যদি বুঝতে পারতে—

রেবা। জানি, বুঝতে পারি! তবু আমি জীবিত থাকতে এই প্রাসাদে একজন কুলঙ্গনার অপমান হবে না। আর আমি সাধ্যমত তোমায় রক্ষা করব।

জাহাঙ্গীর। রেবা, তোমায় আমি ভক্তি করি দেবীর মত তথাপি—

লয়লার প্রবেশ

লয়লা। তথাপি ?—বলে' ঘান সম্রাট—তথাপি ?

জাহাঙ্গীর নিস্তক বহিলেন

সম্রাট, আমি শের খাঁর কন্যা। আমি জানতে চাই যে, কি অপরাধে সম্রাট আমার মাতার ইচ্ছার বিরুদ্ধে তাঁকে আজীবন বন্দী করে রাখেন—!

কি আশ্চর্য্য সশ্রী শের খাঁর পরিবারের উপর এই অত্যাচারের উপর অত্যাচার স্তূপীভূত করেন! উপরে কি ঈশ্বর নাই? পৃথিবী থেকে কি ধর্ম একেবারে লুপ্ত হয়েছে?

রেবা। প্রভু! আমি তোমারই মঙ্গলের জন্ম বলছি, এই মহিলাটিকে বিদায় দাও।

জাহাঙ্গীর। (আর একবার লয়লার দিকে চাহিলেন। চোখোচোখী হইতেই চক্ষু অবনত করিয়া কহিলেন)—তবে তাই হোক। বিধবাটিকে বল, যে, তিনি সকল বর্ধমানের ফিরে যেতে পারেন।

লয়লা। সশ্রীটের জয় হোক।

প্রস্থান

রেবা। এই ত পুরুষের কাজ। আমি জানি নাথ! এই বিধবার প্রতি তোমার অনুরাগ। সেই জন্ম তোমার মানসিক বল আমার কাছে এত গৌরবের বোধ হচ্ছে।—স্বামি, কর্তব্যনিষ্ঠায় এ নিষ্ফল অনুরাগ বিস্মৃত হ'তে চেষ্টা কর।

প্রস্থান

জাহাঙ্গীর। আমি কি এতই অধম, যে এই সামান্য নারী আমার প্রত্যাখ্যান করে! না তার গর্ব এতই অধিক! একদিন ভেবেছিলাম যে, সে নারী আমায় সত্যই ভালবাসে—আমাদের মিলনের অন্তরায় কেবল শের খাঁ। সে কি একটা লম্বা?—একবার যদি তার সাক্ষাৎ পেতাম!—(এই বলিয়া তিনি নত শিরে সেই কক্ষে পাদচারণ করিতে লাগিলেন। পরে কহিলেন)—আচ্ছা, একবার শেষ চেষ্টা করে দেখি।—দৌবারিক!

নেপথ্যে। হোদাবন্দ।

দৌবারিকের প্রবেশ

জাহাঙ্গীর। আয়াসের পুত্র আসফ।

দৌবারিক । যো হকুম খোদাবন্দ ।

প্রস্থান

জাহাঙ্গীর । আসফকে দিযে দেখি একবার । এত শ্রম, এত চক্রান্ত
ক'বে তাকে মুঠোর মধ্যে পেয়ে এত অনায়াসে তাকে ছেড়ে দিব ?
—কখন না ! একবার বখাসাধা ধ্বংস চেষ্টা কবে' দেখবো । এত সহজে
ছাড়বো না ।

সপ্তম দৃশ্য

স্থান—মুবজাহানের কক্ষ । কাল—বাত্রি

মুরজাহান একাকিনা কক্ষমধ্যে পাদচারণ করিতেছিলেন

মুবজাহান । আমার আর্জি শেষে মঞ্জুব হয়েছে । এখন, কোথায়
যাবো ? পিতার কাছে ? না বর্ধমানে ? বর্ধমানে কাব কাছে যাবো ?
কে আছে আমার সেখানে ? নাঈ বা থাকলো, আমি যাবো । আমি যে
কারুকার্য শিখেছি, তাতেই আমার সামান্য ব্যয় নির্বাহ কতে পারবো ।
আমি যাবো । এখান থেকে যত দবে হয়, ততই ভাল । আমি বর্ধমানে
ফিবে গিয়ে আমার স্বামীর স্মৃতি ধ্যান কবে' মর্কো । আব এ শয়তানী
প্রকৃতিকে দমন কর্বো ।

বাদীর প্রবেশ

বাদী । সম্রাজ্ঞী আসছেন জনাব ।

মুবজাহান । উত্তম ।

বাদীর প্রস্থান

মুরজাহান উঠিয়া সসত্তমে নিজের পবিচ্ছদ ঠিক করিয়া লইলেন । রেবা প্রবেশ
করিলেন । মুরজাহান অভিবাদন করিলেন । রেবা প্রত্যভিবাদন করিলেন । পরে
রেবা কহিলেন—

“মেহেরনিসা, তোমায় একটি সুসংবাদ দিতে এসেছি ।”

মুরজাহান। ওনেছি সম্রাজ্ঞী, আমার প্রার্থনা মঞ্জুর হয়েছে।

রেবা। হাঁ মেহের! তুমি কাল প্রভাবে সকল্য বেখানে ইচ্ছা যেতে পারো।

মুরজাহান। আমি যে সম্রাজ্ঞীর কাছে কতদূর কৃতজ্ঞ, তা বলতে পারি না।

রেবা। তবে তোমায় একটা কথা জানানো দরকার বিবেচনা কর।—তুমি সম্রাজ্ঞী হ'তে চাও?

মুরজাহান। বেগম সাত্বে! মাপ কর্বেন, আমি কিছু হ'তে চাই না। আমি শুদ্ধ বর্দ্ধমানে ফিরে যেতে চাই।

রেবা। চাও কি না, তাহ জিজ্ঞাসা কর্ছিলাম। শোন মেহের!—তুমি ইচ্ছা করলেই সম্রাজ্ঞী হ'তে পারো। যে-সে সম্রাজ্ঞী নয়—প্রধানা বেগম, ভারতের অধীশ্বরী;—যে সম্মান আজ আমি বহন কর্ছি। দশ বৎসব পূর্বে সম্রাট তোমাতে যে রকম মুগ্ধ ছিলেন, আজও তিনি সেই-রকম বা ততোধিক মুগ্ধ। তিনি আর এই সাম্রাজ্য তোমার মুঠোর মধ্যে; ইচ্ছা করলে মুঠোর মধ্যে রাখতে পারো, ইচ্ছা করলে ফেলে দিতে পারো—কি ভাব্ছো মেহের?

মুরজাহান। ভাব্ছিলাম সম্রাজ্ঞী—মাপ কর্বেন—ভাব্ছিলাম যে, নিজের সাম্রাজ্য, নিজের স্বামী—আপনি এই রকম উদাসীন ভাবে আর একজনের হাতে দিলিয়ে দিতে পারেন?

রেবা ধমৎ হাসিলেন, পরে কহিলেন—

“আমরা হিন্দু-ভাতি, বিলিয়ে দিতেই জন্মেছি। বল দেখি, এই ভারতবর্ষটাই কি এই রকমই আমরা তোমাদের হাতে দিলিয়ে দিইনি? আমাদের আশা এখানে নয় মেহের—আমাদের আশা-ভরসা (উর্কে দেখিয়া) এখানে।”

মুরজাহান । না সম্রাজ্ঞী । আমি সম্রাজ্ঞী হ'তে চাই না ।

রেবা । বেশ । আমি তোমায় কোনদিকেই লুণ্ঠিয়াছি না । সংবাদ দিলাম মাত্র । তবে রাত্রি হয়েছে । আমি এখন আসি মেহের—

বলিয়া সম্রাজ্ঞী রেবা চলিয়া গেলেন

মুরজাহান । ভারতেব অধোশ্বরা !—(কিয়ৎক্ষণ কক্ষমধ্যে পাদচারণ করিয়া পবে মাথা নাড়িয়া কহিলেন)—না, এ কথা ভাবাও পাপ ।—কিন্তু আমার ভবিষ্যতে নিফল বোদন ছাড়া কি আর কিছুই নাই !—না, এ বিষয়ে আমি চিন্তা করিব না ।—উঃ, অসহ্য গরম !—(গবাক্ষেব কাছে গিয়া গবাক্ষ খুলিয়া দিলেন । পবে ফিরিয়া আসিয়া আবার কহিলেন)—মানুষের মধ্যে কি ছুটো মানুষ আছে ! তা না হ'লে অশ্রান্ত হৃদয় চ'লেছে কার সঙ্গে ?—উঃ, কি গরম ।—না, আমি কখনও তা' করিব না । এবার আমার হৃদয়কে দৃঢ় কবেছি । আমার এ সঙ্গ হ'তে আর কেউ আমার বিচলিত কর্তে পারে না । এ বিষয়ে আমার একটা সম্মানের ঋণ আছে—আমার নিজের কাছে, আমার কণ্ঠ্যব কাছে, আমার নিহত স্বামীর কাছে ।—কখনও না ।

এই সময়ে বাঁদী পুনঃ প্রবেশ করিয়া কহিল -

“আপনার ভাই, একবার আপনার সাক্ষাৎ চান জনাব ।”

মুরজাহান । কে, আসফ ?

বাঁদী । হাঁ জনাব ।

মুরজাহান । আচ্ছা, নিয়ে এসো ।

বাঁদী চলিয়া গেল

এ সময়ে আসফ হঠাৎ কি মনে করে' ?

আসফ প্রবেশ করিলেন

কি সংবাদ আসফ—তুমি যে হঠাৎ ?

মুরজাহান। 'তুমি পার্কে না! এ বিরোধ, এ অশুশোচনা, এ অন্তর্দাহ—তুমি বুঝবে কি ?

আসফ। কিন্তু সর্ব কৰ্ম ছেড়ে এই অশুশোচনাই কি তোমার জীবনের শ্রেয়সী সাধনা হোল?—যখন একবার ইচ্ছা করলেই ভারতের অধীশ্বরী হ'তে পারো—একটি মাত্র কথায়—অবহেলায়—ইঙ্গিতে—

মুরজাহান। আমি তা' চাই না।—বৃথা উপদেশ। আমার লওয়াতে পার্কে না। যাও।

আসফ। (ক্ষণেক নীরব রহিলেন, পরে ধীরে ধীরে কহিলেন)—মেহের, তুমি আজ এই মহৎ সম্মান ছুঁড়ে ফেলে দিচ্ছ। কিন্তু পরে যখন লোল-বার্দ্ধক্য তোমার উচ্চ ললাটে এসে বস্নে, তখন তোমার মনে একটা নিষ্ফল অন্ততাপ হবে যে, যৌবনের কি সুযোগই, তুমি ধারিয়েছো।' যে সুযোগকে তুমি আজ প্রত্যাখ্যান করছ, তখন তার পায়ে ধরে'ও তাকে ফেরাতে পার্কে না।

মুরজাহান। এরা যড়-যন্ত্র ক'রেছে! এবা আমার উন্মাদ না করে' ছাড়বে না! (পরে চীৎকার কবিত্তা কহিলেন—) তুমি কেন এলে?—যাও।

আসফ। যাচ্ছি মেহের। তবে এই শেষবার বলে' যাচ্ছি, শোন। মনে কর মেহের!—কি পদ, কি মর্যাদা, আজ তুমি হাতে পেয়ে ছেড়ে দিচ্ছ। আর ইচ্ছা করলেই কি হ'তে পারো। আজ এইখানে এই দণ্ডে স্থির হ'য়ে বাবে, যে তুমি বাহিরে পরিত্যক্ত পাদুকাধণ্ড হ'য়ে থাকবে, না প্রাসাদকক্ষের কেন্দ্রে উর্ধ্বে রক্ষিত ঝাড়ের মত আলো দেবে। পথের ভিখারিণী হওয়া আর ভারতের অধীশ্বরী হওয়া, এ দু'টোর মধ্যে বেছে নেওয়া কি এত শক্ত ?

মুরজাহান। কিছু শক্ত নয়। আমি বেছে নিয়েছি। আমি পথের ভিখারিণীই হব।

আসফ । তুমি একা ভিখারিণী হবে না মেহের ! এই পরিবারটি পথের ভিখারী হবে । সম্রাট পিতাকে ব'লেছেন যে, তুমি যদি সম্মত হও, ত পিতাকে তিনি মঙ্গীর পদ দিবেন । আর তুমি যদি অসম্মত হও, ত তাঁর কোম্পানীর পদও থাকবে কি না সন্দেহ ।

মুরজাহান । (উষ্ম চিন্তা করিয়া কহিলেন)—তুমি কি প্রস্তাব দ্বছ জানো আসফ ? প্রস্তাব দ্বছ যে, আমার শরীর, আমার আত্মা, আমার অঙ্গুলমখাদা, বা কিছু আপনার বস্তুতে পারি, তাকে ফেলে দিব একটা সাখা হোর ডর ! যে আমার প্রতিহতা, বার প্রতি কেবল একটা ভীত প্রতিহিংসা শাণিত মুক্ত তরবারির মত আমার অন্তরে দীপ্ত থাকবার কথা, তাকে নেবো আমার প্রেমালিঙ্গনে !

আসফ । প্রতিহিংসাই যদি নিতে চাও মেহের, ত এব চেয়ে উত্তম সুযোগ কি পাবে ? প্রাসাদেব বাহিরে তুমি এক সামান্য নারী মাত্র ; তোমার সাধ্য কি ? কিন্তু তুমি যদি সম্রাজ্ঞী হও, সে সুযোগ তুমি প্রতি দিনে, প্রতি দণ্ডে, প্রতি মুহূর্ত্তে পাবে । দেখ মেহের ! বিবেচনা কর ।

মুরজাহান । ৩ নিম্নি ! আমি বলার তাই গোখে আসছি । দূর থেকে একটা আবৃত্ত আমায় টানছে, নৈলে আমরা আগ্রায় এসেছিলাম কেন ? নৈলে সেদিন তাঁর সঙ্গে আবার দেখা হয়েছিল কেন ? নৈলে এমন স্বাগাকে ভালোবাসতে পারলাম না কেন ? নৈলে এ প্রাসাদে আসবার আগে বিষ খেতে পারলাম না কেন ? নৈলে পিতা, তুমি, স্বয়ং দয়াবতী সম্রাজ্ঞী, আমার বিপক্ষে ষড়্‌বন্দ করবে কেন ?—ওঃ ! কি ষড়্‌বন্দ ! আমার মধ্যে যে শয়তানী আছে, তাকে আমি জয় করে' এনেছিলাম ! এখন তোমরা সবাই এসে তাঁর সঙ্গে যোগ দিলে । আমি হঠেছি ।

আসফ । কি বলছো মেহের বস্তুতে পারছি না ।

মুরজাহান। পার্বে না।—যাক্, তোমরা সবাই তাই চাও? পিতা, ভূমি—তোমরা সকলেই তাই চাও?

আসফ। কি, হাঁ?

মুরজাহান। যে আমি সম্রাজ্ঞী হই।

আসফ। হাঁ, চাই।

মুরজাহান। তবে তাই হোক! কিন্তু সাবধান আসফ। এব পবে বা হবে, তা'র জন্ত আমি দায়ী নই। ননে বেথ যে, পিঞ্জবাবক স্পিত্ত ব্যাধাকে পূবপথে ছেড়ে দিচ্ছ। বে ঝড়াকে জদযেব সমস্ত শক্তি দিয়ে আমি বক্ষে চেপে নেখোঁছলাম, সে শক্তি তোমরা সণিয়ে দিলে। এখন এই ঝড়িকা নিস্বিবোধে এই সাম্রাজ্যেব উপর দিবে বহে' যাক্।

আসফ। কি কর্তে চাও?

মুরজাহান। এখনও ঠিক জানি না। তবে যে শবতানীর শক্তি আমি জানি।—গাও, সম্রাটকে বল গে, আমি তাঁকে বিবাহ কর্তে প্রস্তুত।

আসফ চলিয়া গেলেন

মুরজাহান। তবে সাম্রাজ্যখানি এবাব একটা প্রকাণ্ড ভূমিকম্পে কাপুক।

ষষ্ঠ দৃশ্য

স্থান—প্রাসাদকক্ষ। কাল—রাত্রি

রাজপারিষদবর্গ আসীন। সম্মুখে নর্তকীগণ

১ম পারিষদ। গান গাও, আবার গাও। আজ সারারাত স্কৃষ্টি কর্তে হবে।

২য় পারিষদ। হাঁ আজ সম্রাটের বিবাহ। সোজা কথা নয় চাঁদ। শেব খাঁর বিধবার সঙ্গে সম্রাট জাহাঙ্গীরের বিবাহ।

৩য় পারিষদ । এবং সঙ্গে সঙ্গে সম্রাটের পুত্র খুরমের সঙ্গে বিধবার ভাই আসফের কন্যার বিয়া । সেটা যে তোমরা ধর্তব্যের মধ্যেই আনুচ্ছে না ?

২য় পারিষদ । আবে রেখে দাও সব বাজে বিয়ে ।

৩য় পারিষদ । বাজে বিয়ে ! কি রকম ?

২য় পারিষদ । প্রথম বিয়ে—কি বিয়ে । সে ত নাম্তা মুখস্থ করা ।

৪র্থ পারিষদ । নাম্তা মুখস্থ করা কি রকম ?

২য় পারিষদ । আসল অঙ্ক কষা আসে ঐ দ্বিতীয় বিয়েতে । তার পর যতই বিষের সংখ্যা বাড়তে থাকে, সঙ্গে সঙ্গে অঙ্ক ততই ভারি শক্ত হয়ে দাঁড়ায় ।

৩য় পারিষদ । বিষে হোল অঙ্ক কষা ?

২য় পারিষদ । বিষম অঙ্ক কষা । বাবা এ আমার ঠেকে শেখা ।

৬র্থ পারিষদ । আসফের কন্যা শুনেছি অপক্লপ সুন্দরী ।

২য় পারিষদ । শুনেছি কি ! দেখেছি ।

৩য় পারিষদ । কি রকম ! কি রকম !

২য় পারিষদ । কি রকম জানো ? এই ঠিক পরীর মত । পরী দেখেছো অবিশ্বি ?

৪র্থ পারিষদ । অর্থাৎ মানুষে অত সুন্দর হয় না । এই বলতে চাও ত ?

২য় পারিষদ । আরো বেশী বর্ণনা চাও ত শোন । তার চক্ষু দুটি পদ্মপত্রের মত, কর্ণ শঙ্খের মত, নাসিকা বংশীর মত, বেণী ভুজঙ্গের মত । বেশ বৃক্ষ যাচ্ছে ? নপটা হৃদয়ঙ্গম কর্ছ ?—

১ম পারিষদ । আরে টীকা-টিপ্পনি রেখে দাও । সে ত তোমাদের কারো স্ত্রী হবে না, তার বর্ণনার দরকার কি ? গাও নাচো স্কৃতি কর ।

নর্তকীরা নাচিতে নাচিতে গাহিল—

আজি নূতন রতনে, ভূষণে যতনে
 প্রকৃতি সতীরে, পরিবে দাও গো ।
 আজি, সাগরে, ভূষনে, আকাশে, পবনে—
 নূতন কিরণ ছড়িয়ে দাও গো ।
 আজি, পুরাণো যা কিছু দাও গো বুচিয়ে ,
 মলিন যা কিছু ফেল গো মুছিয়ে ;
 --শ্যামলে, কোমলে, কনকে হীরকে,
 ভূষন ভূষিত করিয়ে দাও গো ।
 আজি বাঁগায় মুরজে স্ননে গরজে,
 জাগিয়া উঠুক গীতি গো ।
 আজি, হৃদয় মাঝারে, জগত-বাহিরে,
 ভরিয়ে উঠুক স্মৃতি গো ।
 আজি, নূতন আলোকে, নূতন পুলকে,
 দাও গো ভাসিয়ে ভুলোকে দুলোকে ;
 নূতন হাসিতে, বাসনা-রাশিতে,
 জীবন মরণ ভরিয়ে দাগ গো ।

সপ্তম দৃশ্য

স্থান—সম্রাটের অন্তঃপুর । কাল—সায়াহ

অন্তঃপুর-গৃহের বারান্দায় লয়লা একাকী বেড়াইতেছিল । সঙ্গে সম্রাট-পুত্র শারিয়্যার
 শারিয়্যার । লয়লা, তোমার এই পাণ্ডুর বিষণ্ণ মুখ, এই আনত গুঞ্চ
 চক্ষু, এই কম্পিত ভগ্নস্বর কেন ? কি দুঃখ তোমার ?
 লয়লা । আমার দুঃখ আপনি শুনে কি করবেন সাহজাদা ?
 শারিয়্যার । পারি যদি প্রতিকার করব ।

লয়লা । আপনি !

শারিয়ার । জানি লয়লা, আমার ক্ষমতা ক্ষুদ্র, জানি, আমি সম্রাটের উপেক্ষিত, রাজ-পরিবারের অনজ্ঞাত । তবু চেষ্টা কর্তে পারি ।

লয়লা । কুমার, আপনি যে সবাব উপেক্ষিত, ঐটুকুই আপনার সৌন্দর্য্য ।

শারিয়ার । স্বাভাবিক পার্লাম না ।

লয়লা । পার্কেই না । বুঝাব বৃথা চেষ্টা কর্কেই না ।

শারিয়ার । তুমিও আমায় অনজ্ঞা কর !

লয়লা । না কুমার ! আমি আপনাব নিঃসর্গ্য অবস্থা, আপনাব শারীরিক আৰ মানসিক দৌর্ভাগ্য, আপনাব বর্তমান আর ভবিষ্যৎ দৈন্য, বড়ই সুন্দর দেখি ।

শারিয়ার । আমার কিছু সুন্দর দেখ কি লয়লা ?

লয়লা । আপনাব কাছে স্তোকবাক্য ব'লে আমার কোন লাভ নাই । আপনি বড়ই দীন—আমার চেয়েও দীন ।

শারিয়ার । তুমি দীন লয়লা ! তুমি সম্রাজ্ঞীর কন্যা, তুমি সম্রাটের—

লয়লা । স্তব্ধ হোন্ কুমার । সম্রাটের সঙ্গে আমার নাম এক নিঃশ্বাসে উচ্চারণ কবে', আমায় কলুষিত কর্কেই না । হাঁ, আমি সম্রাজ্ঞীর কন্যা বটে—হায়, তা অস্বীকার কর্কার যো নাই ।

শারিয়ার । লয়লা, তুমি একটি প্রহেলিকা ।

লয়লা । সাহজাদা, আমার চরিত্র কি আপনার কাছে এতই জটিল ঠেকে ?

৭. রচাবিকার প্রবেশ

পরিচারিকা । (লয়লাকে) আপনাকে বেগব সাহেবা একবার ডেকেছেন ।

লয়লা । আমাকে ?

পরিচারিকা। হা জনাব।

লয়লা। বেগম সাহেবা ?

পরিচারিকা। হাঁ, বেগম সাহেবা।

লয়লা। প্রয়োজন ?

পরিচারিকা। আমায় বলেন নি।

লয়লা। আচ্ছা যাচ্ছি, বল গে যাও।

পরিচারিকা চলিয়া গেল

লয়লা। সাহজাদা! জানি, আপনি আমায় ভালোবাসেন। কিন্তু সে ভালোবাসা দমন করুন।

শারিয়্যার। তুমি আমায় ভালোবাস না ?

লয়লা। বাসি! যদি কাউকে বাসি, সে আপনাকে, তবু আপনাকে বিবাহ কর্তে পারি না।

শারিয়্যার। অপরাধ ?

লয়লা। অপরাধ, আপনি জাহাজীরের পুত্র।

শারিয়্যার। সাহজাহানও ত জাহাজীরের পুত্র।

লয়লা। তাই কি ?

শারিয়্যার। তোমার ভগিনী খাদিজা ত তাঁকে বিবাহ করেছেন।

লয়লা। খাদিজা আদফ খাঁব কন্যা, শের গাঁর কন্যা নহেন।—যান! কেন আমার নির্জনতায়, আমার দুঃখে, আমার নৈরাশ্রের দূষিত বাতাসের মধ্যে এসে আপনাকে অস্থখী করেন ?

শারিয়্যার। তুমি তবে আর কাকে বিবাহ কর্বে !

লয়লা। না সাহজাদা। সে বিষয়ে নিশ্চিত থাকুন।

শারিয়্যার। তুমি বিবাহ কর্বে না ?

লয়লা। না।

শারিয়্যার। কেন লয়লা!—চেয়ে দেখ এই বিশ্বজগৎ। চেয়ে দেখ,

ঐ হিরণ্ময়ী সন্ধ্যা—আকাশের নীল হৃদয়ে ঘুমিয়ে পড়েছে। ঐ হিল্লোলিত পবন শ্যামা ধরিত্রীকে আলিঙ্গন করছে। ঐ ভ্রমর চম্পককলিকার মুখচুম্বন করছে!—বিশ্বজগতে কে একা আছে লয়লা?

লয়লা। আমি তবে এ বিশ্বজগতের বাহিরে। আমার যে দুঃখ—

সহসা লয়লা দক্ষিণ করতলে বাম করতল মর্দন করিয়া কবণস্বরে কহিলেন—

যান, সাহজাদা যান! এ সব শোন্বার আমার সময় নাই—আমার সেরূপ অবস্থা নয়।

শারিয়ার। তোমার কি দুঃখ, আমায় জানাবেও না?

লয়লা। না, আপনি বুঝবেন না।—আপনি যান।

শারিয়ার চলিয়া গেলেন

লয়লা। তুমি আমার দুঃখ কি বুঝবে শারিয়ার! পৃথিবীতে কি কেউ বুঝতে পারে! আমার মা—আমার পিতা যাকে পূজা কর্তেন বল্লই হয—সেই পিতাকে যে নিষ্ঠুরভাবে হত্যা করিয়েছে—আমার মা আজ সেই জল্লাদের স্ত্রী—একটা সাম্রাজ্যের জনা—একখণ্ড ভূমির জনা! -

বলিতে বলিতে লয়লার স্বর ভাঙ্গিয়া গেল

—আমার মা আজ আমার পর হ'য়ে গিয়েছে! আমার সোণার প্রতিমা আমার হৃদয়ের সিংহাসন থেকে দস্যুতে কেড়ে নিয়ে গিয়েছে! আমার সব গিয়েছে। আর আমি তাই দাঁড়িয়ে দেখলাম। চক্ষে অশ্রুবিন্দু ছিল না। মুখে আর্তনাদ ছিল না! মাকে বাঁচাতে পারলাম না—বাঁচাতে পারলাম না।

এহান

অষ্টম দৃশ্য

স্থান—সম্রাজ্ঞী নুরজাহানের সুসজ্জিত প্রাসাদ-কক্ষ । কাল—রাত্রি

মহাঘড়ঘার ভূষিতা নুরজাহান একাকিনী সেই কক্ষে বেড়াইতেছিলেন

নুরজাহান । আমি আজ ভারতের সম্রাজ্ঞী ! কিন্তু, এ আমার গৌরব, না লজ্জা ? এ আমার জয়, না পরাভব !—উঃ কি পরাজয় ! শয়তানীর সঙ্গে এতদিন ধরে' যুদ্ধ করে' এসে শেষে পরাস্ত হ'লাম । আমি হেরেছি । আমি আমার সব হারিয়েছি । তবে আর কিসের ভয় ! যখন সম্রাজ্ঞী হয়েছি, তখন সব বাধা, সব বিঘ্ন, আমার পথ থেকে সরে' যাক ! যখন বিবেক খুইয়েছি, তখন সব দ্বিধা সঙ্কোচ হৃদয় থেকে দূর হোক ! যখন সম্রাজ্ঞী হয়েছি, রাজত্ব কর্ব !—এই সম্রাট আসছেন ।

জাহাঙ্গীর প্রবেশ করিলে সম্রাজ্ঞী তাঁহাকে অভিবাদন করিলেন

জাহাঙ্গীর । নুরজাহান ! তুমি সম্রাজ্ঞী হ'তে জন্মেছিলে । তোমার সেলাম কর্বার ভঙ্গিমা পর্যন্ত সম্রাজ্ঞীর মত ।

নুরজাহান । সম্রাজ্ঞী হ'তে জন্মেছিলাম, সম্রাজ্ঞী হয়েছি । , সংসারে কেউ সেধে বড়লোক হয়, আর কাউকে বা সংসার বড়লোক হ'তে সাধে ।

জাহাঙ্গীর । সে-লোকের মত লোক হ'লে বটে । রত্নকেই লোকে খুঁজে এনে উষ্ণীষে রাখে ।

নুরজাহান । আর যার শিরে সে উষ্ণীষ থাকে, সে শির তার স্কন্ধের পক্ষে বড়ই বেশী ভারী হয়, জ'হাপনা ।

জাহাঙ্গীর । নুরজাহান ! যা হয়ে গিয়েছে—

নুরজাহান । তা হ'য়ে গিয়েছে । সত্য কথা । এর মত সত্য কথা সংসারে আর কিছু নাই জ'হাপনা ।—সে কথা 'বাক' । আমি একটা কথা জিজ্ঞাসা কর্তে পারি কি জ'হাপনা ?

জাহাঙ্গীর । কি কথা মুরজাহান ?

মুরজাহান । জাঁহাপনা, শুন্ছি, কুমার খসরুকে কারাগার হ'তে মুক্ত করে দিয়েছেন ?

জাহাঙ্গীর । হাঁ প্রিয়তমে ।

মুরজাহান । সম্রাজ্ঞী রেবা বুঝি সম্রাটকে—সে বিষয়ে অনুরোধ করেছিলেন ?

জাহাঙ্গীর । হাঁ—না—অর্থাৎ তিনি মুখ ফুটে কিছু বলেন নি । তবে তাঁর অশ্রুজল্‌ যা সমস্ত প্রাণের নিষেধ সবেও চোখে এসে ছাপিয়ে পড়ে, তাঁর দাঁঘনিশ্বাস যা অগ্নিনিরুদ্ধ বাষ্পের মত সমস্ত দেহখানিকে কাঁপায়, তাঁর অব্যক্ত কাকুতি যা মানুষের অতীত ভাষায় মুখে এসে ব্যক্ত হয় ; এর সব এসে, আমায় জয় করে ।—তার উপর খসরু আমার পুত্র ত !

মুরজাহান । নিশ্চয়ই । তবে (হাসিয়া) যখন জাঁহাপনা আমার ভাগিনেয় সেফউল্লার প্রাণদণ্ড দেন, তখন জাযবিচারে একটু অধিক বড়াই করেছিলেন ।

জাহাঙ্গীর । সে তোমার ভগিনীর পুত্র, তোমার পুত্র ছিল না ।

মুরজাহান । না, তবে সে আমার পোষাপুত্র ছিল ।

জাহাঙ্গীর । পোষাপুত্র আর নিজের পুত্র !—মুরজাহান ! তুমি জান না যে, পুত্র কি জিনিস ।

মুরজাহান । না জাঁহাপনা, তা জানবার সুযোগ কখন পাই নাই ।

জাহাঙ্গীর । খসরু একে আমার পুত্র—

মুরজাহান । তার উপর সে সম্রাজ্ঞী রেবার পুত্র ।

জাহাঙ্গীর । মুরজাহান !

মুরজাহান । জাঁহাপনা !

জাহাঙ্গীর । তুমি স্থিব-চিত্তে এ কথা বলছো ? রেবার প্রতি তোমার অনুরাগ হয় ?

নূরজাহান । অসুয়া-একটু হ'তেও পারে বা ।

জাহাঙ্গীর । আমি তা সম্ভব ভাবিনি ।

নূরজাহান । কেন জাগ্রাপন ?

জাহাঙ্গীর । অসুয়া হয় কতক সমানে সমানে । কিন্তু রেবা আর তুমি ভিন্ন জগতের ! রেবা—উর্দ্ধস্থিত নক্ষত্রের মত—স্থির, ভাস্বর, নিষ্কলঙ্ক ! আর তুমি তার বহু নিম্নে পূর্ণচন্দ্রের মত—এত সুন্দর, কারণ এত কাছে !

এই সময় বাদী প্রবেশ করিয়া কহিল—

“খোদাবন্দ, সম্রাজ্ঞী একবার সাক্ষাৎ চান ।”

জাহাঙ্গীর । তাঁর পূজা শেষ হয়েছে ?

বাদী । খোদাবন্দ ।

জাহাঙ্গীর । চল যাচ্ছি ।

বাদী চলিয়া গেল

আমি এক্ষণেই আসছি নূরজাহান—

এই বলিয়া বাহির হইয়া গেলেন

নূরজাহান । বেবা নক্ষত্র আর আমি পূর্ণচন্দ্র এতদূর তফাৎ—তা জান্তাম না । আচ্ছা, তবে দেখি, যে সেই নক্ষত্রের রশ্মি এই পূর্ণচন্দ্রের প্রভায় পাণ্ডুর হয়ে যায় কি না । নূরজাহান দেবী নয় । নূরজাহান রাজত্ব কণ্ঠে বসেছে, রাজত্ব কর্কে । সে আর কারো প্রতিদ্বন্দ্বিতা সহ কর্কে না ।

এমন সময়ে ধীরে লয়লা প্রবেশ করিয়া জিজ্ঞাসা করিলেন—

“তুমি আমায় ডেকেছিলে ?”

নূরজাহান । হাঁ লয়লা । আমি তোমায় ডেকেছিলাম ।

লয়লা । প্রয়োজন ?

মুরজাহান। আছে প্রয়োজন! আর লয়লা! প্রয়োজন নৈলে কি আর আমার কাছে আসতে নাই?

লয়লা। না। প্রয়োজন নৈলে তোমার কাছে আমার আসতে নাই!

মুরজাহান। (কাতরভাবে তাঁহার প্রতি চাহিয়া কহিলেন)

কেন লয়লা?

লয়লা। (স্থির শুকস্বরে কহিলেন) তোমার সঙ্গে আমার আর কি সম্বন্ধ?

মুরজাহান। আমি ত তোমার মা?

লয়লা। শুনে পাই বটে!

মুরজাহান। শুনে পাও?—শুনে পাও!—এতদূর!

লয়লা। হাঁ, শুনে পাই! কিন্তু, ঠিক ধারণা কর্তে পাবি না। ঠিক বিশ্বাস হয় না যে, আমার মা একখণ্ড ভূমির উল্ল আপনাকে বিক্রয় কর্তে পারে। আমার মাঝে মাঝে মনে হয় যে, আমার মা বুঝি আর কেউ ছিলেন। তিনি মরে' যান। তার পরে পিতা তোমায় বিবাহ কবেন; আর তোমায় মা বন্ডে আমার শেখান।

মুরজাহান। না লয়লা! অভাগিনী আমি সত্যই তোমার মা।

লয়লা। হবে।—আমার জীবনেব সেরা দুঃখ এই যে, তুমি আমার মা।—ওঃ! ছেলেবেলায় কেউ আমায় মুন খাইয়ে কেন মারে নি! তা হলে এ অপবাদ আমায় শুনে গৌত না। কিম্বা এখনও যদি কেউ আমায় ধরে' এই পাথরের উপর আছড়ে মারে—যতক্ষণ—যতক্ষণ আমার দেহ শতধা ছিঁড়ে' গলে' পিষে না যায়!—ওঃ—মা আমি আত্মহত্যা কর্ব্ব! আর সহ্য হয় না—

মুরজাহান। (বিরক্তির স্বরে) কি সহ্য হয় না লয়লা?

লয়লা। এই দৃশ্য! এই বীভৎস ব্যভিচার! এই চিন্তা—যে আমার মা সাম্রাজ্যের লোভে বিবাহ কবেচেন তাঁর পতিহস্তাকে! যখন সেই

জন্মাদ এসে তোমার হাতে ধরে' তোমায় প্রেমসী বলে' ডাকে, তখন—
বলবো কি মা—আমার সর্বদাঙ্গ বৃশ্চিক দংশনের জ্বালা হয়! কি বলবো
—কি সে জ্বালা!—আর এই জ্বালা একদিন নয়, একমাস নয়, নিত্য
নিত্য! চক্ষের সামনে নিত্য নিত্য দেখছি, সে পাপের কাবধানায় তৈবি
হচ্ছে—নূতন নূতন অবিচার, অত্যাচার, ব্যভিচার! ওঃ!—

নূরজাহান। দেখ লয়লা! আমি এই রকম নিত্য নিত্য তোমার
বক্তবর্ণ চক্ষু আব ভৎসনা সহ্য করব না।

লয়লা। কি করবে! আমায় হত্যা করবে! আশ্চর্য নয়। যে
পতিহন্তাকে বিবাহ কবে, সে কণ্ঠাকেও হত্যা করতে পারে। (পরে
সান্নিকম্পস্বরে কহিলেন)—হায হতভাগিনী নারী! তোমার উপর রাগ
কর কি! মাঝে মাঝে তোমার জন্য আমার গাট দুঃখ হয়। কার
দ্রা ছিলে, আর কার স্ত্রী হয়েছো! কোথায় গোট শের খাঁ, কোথায় এই
গাফাতী! কোথায় অগাধ অসীম স্বচ্ছ নীল-সমুদ্র, কোথায় পুতিগন্ধময়
সুন্দ পঙ্কিল জলাশয়! কোথায় কেশবা, কোথায় বনশ্যুগাল!—নারী!
লজ্জা কবে না, দুঃখ হয় না, যে তুমি তোমার সেই দেবতার সিংহাসনে
স্বচ্ছাং বসিয়েছো এক কাণুককে! সেই সরল, উদার, পূজ্য, পবিত্রোজ্জল
মহিমাময় চরিত্রের মাহাত্ম্য ভুলে গিয়ে, আজ এক নীচ, হেয়, কলুষপঙ্কিল
পাপের উপাসনায় বসেছো! লজ্জা করে না, যে নারীর যা কিছু মহৎ—
স্নেহ, দয়া, কৃতজ্ঞতা, গুণ্য—সব বিসর্জন দিয়ে এক শয়তানের পাশে
আপনাকে বিক্রয় করেছো!—

নূরজাহান। শুরু হও বালিকা!

লয়লা। কি জন্তু নারী!—তুমি আজ ভারত-সম্রাজ্ঞী বলে' ভেবেছে
আমি তোমার ক্রকুটি দেখে ভয়ে মাটির মধ্যে সেঁদিয়ে যাবো? স্বপ্নেও মনে
কোবো না! জেনো, তুমি যদি জাহাঙ্গীরের স্ত্রী—লয়লাও শের খাঁর মেয়ে!

নূরজাহান। (উচ্চৈঃস্বরে) লয়লা!

লয়লা । (তদুপ উচ্চঃস্বরে) নূরজাহান !

ত'জনে পরস্পরের সম্মুখান হইয়া দাঁড়াইয়া দুই কৃদ্ধ ব্যাঘ্রীর মত পরস্পরের দিকে জ্বালাময় দৃষ্টিতে চাহিয়া রহিলেন । এই সময়ে জাহাঙ্গীর সেই কক্ষে প্রবেশ করিলেন

জাহাঙ্গীর । এ কি লয়লা ! এ কি নূরজাহান !

উভয়ে নিস্তব্ধ রহিলেন । পরে নূরজাহান কাঁদিয়া ফেলিলেন

লয়লা । কাঁদো কাঁদো, চিরজীবন কাঁদো, যদি তাতেও এ কালিমা কিছু ধোঁত হ'য়ে যায় । তুমি ত মন্দ ছিলে না । কে তোমায় এ পরামর্শ দিলে ? কে তোমায় স্বর্গের রাজ্য হ'তে টেনে এনে (জাহাঙ্গীরকে দেখাইয়া) এই অস্থিকুণ্ডে নিক্ষেপ করলে ?

জাহাঙ্গীর । বুঝেছি । জেনো বালিকা, যে তুমি যদিও নূরজাহানের কন্যা, তথাপি আমার ধৈর্যের একটা সীমা আছে ।

লয়লা । জানুবেন সম্রাট, যে আপনি যদিও নূরজাহানের স্বামী তথাপি আমার ধৈর্যেরও একটা সীমা আছে ।

জাহাঙ্গীর । তোমার স্পর্ধা অত্যন্ত বেশী বেড়েছে দেখছি ! তবে এবার তোমায় শাসন করব ।

লয়লা । আপনি ?

জাহাঙ্গীর । হা, আমি । তোমার ব্যবহার অসহ্য হ'য়ে দাঁড়িয়েছে । তোমার এ মেজাজ নরম কর্তে আমি জানি ।

লয়লা । সম্রাট ! লয়লা শের খাঁর মেয়ে, সে ভয়ে ভীত হ'বার মেয়ে নয় ।—স্বৈচ্ছাচারী দস্য ! এই নীতি নিয়ে একটা সাম্রাজ্য শাসন কর্তে বসেছো ? জাহাঙ্গীর ! তুমি এখনও শের খাঁর মেয়ের সম্মুখে এমনি খাড়া দাঁড়িয়ে রয়েছো, এইটেই আমার একটা প্রকাণ্ড বিশ্বয় বোধ হচ্ছে !—তবু সোজা ভাবে আমার চক্ষের পানে চাও দেখি জল্লাদ ! দেখি স্পর্ধা

কতদূর তোমার ! চাও—মনে বেথো, আমি শেব খাঁব মেসে । চাও—
দেগি স্পর্দ্ধা !

জাহাঙ্গীর । নূরজাহান ! এ ব্রাহ্মীকে যদি তুমি শাসন না কব, ত
আমি আলান নামে শপথ কচ্ছি যে—

লয়লা । যে আমার হত্যা কর্বে ! তাই কব সম্রাট ! তোমার পাতো
ধরি । আমার হত্যা কব ।—যেমন আমার বাবাকে হত্যা কবেছো,
আমাকেও হত্যা কব । তাতে আমার অন্তঃ একটা মানুসনা হবে, যে
আমি শেষ নিশ্বাসেব সঙ্গে তোমায অভিসম্পাত দিগে মর্ন্তে পার্ব ।

জাহাঙ্গীর । উত্তম । তাই হবে ।—দৌবারিক ।

নূরজাহান । এবাব একে মার্জনা কবন জাহাঙ্গীর ! এলাব আমারই
দৌব । আমিই এবে উত্ত্যক্ত করেছিলাম ।

জাহাঙ্গীর । না, আমি আব সহ কর্বে পারি না নূরজাহান । এব
শেষ কর্বে হবে ।—দৌবারিক !

নূরজাহান । (জানু পাতিয়া) জাহাঙ্গীর, আমার পুত্রটিকে নিবেছেন,
আমার বথাসর্বস্ব এই কন্যাটিকেও নিবেন না ! এইবাব ক্ষমা করুন ।

জাহাঙ্গীর । (ঈষৎ চিন্তা কবিয়া)—আচ্ছা, এবাব ক্ষমা
করনাম , কিন্তু এহ শেষবাব নূরজাহান । (লয়লাকে কাঁকা দিয়া) এই
শেষবাব । বুঝলে বাবিকা ? মনে থাকে যেন । (বদিয়া চলিয়া গেলেন ।
লয়লা ঘৃণাভরে তাঁহাব প্রতি চাতিয়া বহিনেন । সম্রাট দৃষ্টিব বহিভূত
হইলে লয়লা সতসা নূরজাহানেব দিকে চাতিয়া কহিনেন)—“মা !”

নূরজাহান । লয়লা !

লয়লা । একটা কাজ কর্বে ?

নূরজাহান । কি কাজ লয়লা !

লয়লা । তুমি যে পাপ করেছো, আমার শত ভৎসনাযও সে পাপ
পুণ্য হবে না । কিছু প্রায়শ্চিত্ত কর !

মুরজাহান । কি প্রায়শ্চিত্ত ?

লয়লা । এই পরিবারকে নরকে নিক্ষেপ কর । যদি স্বর্গের রাস্তা থেকে নেমেছই, তবে দস্তুর মত পিশাচী হও । তুমি ভুজঙ্গিনীর মত এই সম্রাট-পরিবারের চারিদিকে জড়িয়ে উঠে, তোমার বিষে তাকে জর্জরিত কর । এ পরিবার ধ্বংস কর । আমি তোমার অবাধ্য মেয়ে ; কিন্তু এ বিষয়ে তোমার বাধ্য হব !—যা বলবে, তাই করব ।

মুরজাহানের মুখ উজ্জল হইল ; লয়লার হাত ধরিয়া কহিলেন—

“যা বলবো, তাই করবে ?”

লয়লা । হাঁ মা ! আমার বুদ্ধি নাই । তুমি তোমার শয়তানী বুদ্ধি আমায় দাও । আমি আমার সমস্ত সাধ্য, সমস্ত শক্তি তোমায় দেব ! এসো দুইজনে মিলে একটা বিরাট ঝড় তুলি ! তুমি আর আমি—আজ আর মা আর মেয়ে নই । আমরা দুই বোন, দুই শয়তানা—এক গতি, এক লক্ষ্য, এক পরিণাম ।

তৃতীয় অঙ্ক

প্রথম দৃশ্য

স্থান—প্রাসাদ-অন্তঃপুরস্থ উদ্যান । কাল—জ্যোৎস্না রাত্রি ।

খাদিজা সেই প্রমোদ উদ্যানে বেড়াইয়া বেড়াইতে-
ছিলেন ও গাহিতেছিলেন

গীত

কেন এত সুন্দর শশধর ?—ও সে তারি কপ গমুকারী !
কেন, এত সুবর্ণ-শতদল ?—ও সে তাহারই বর্ণহারী ॥
কেন, এত সুমলিত পিক-সঙ্গীত ?—তারই কলবাণী করে ঝঙ্কত,
এত সুগন্ধ স্নিগ্ধ মলয়—পরশ বহিয়া তারই ।
—আকাশে ভুবনে ব্যাপ্ত সদাই তাহারই রূপের আলো ;
তারই পদযুগ ধরে হৃদে বলে—ধরারে বেসেছি ভালো ;
এই জীবনের যত দুঃখ ও ক্রটি, নিয়তির যত ছলনা ক্রকুটি,
সে ছুটি আখির কিরণের তলে, সকলই ভুলিতে পারি ॥

সাজাহান যখন প্রবেশ করিলেন, তখনও খাদিজার গান শেষ হয় নাই । সাজাহানও সে গানে বাধা দিলেন না । খাদিজা নিজের গানে বিভোর হইয়া গাহিতেছিলেন । পরে সাজাহানকে দেখিয়া গান বন্ধ করিলেন এবং দৌড়িয়া গিয়া সাজাহানকে বাহবন্ধ করিয়া কহিলেন—

“কে ? আমার প্রাণেশ্বর ?”

সাজাহান । প্রাণেশ্বর কি না, তা জানি না । তবে আমি সাজাহান বটে ।

খাদিজা। আমি এতক্ষণ তোমার প্রতীক্ষা করছিলাম।

সাজাহান। আমার পরম সৌভাগ্য।—তবে একটা কথা হচ্ছে খাদিজা, এখনই যে গানটা গাচ্ছিলে, সেটা কাকে লক্ষ্য করে ?

খাদিজা। তা জানো না কি প্রিয়তম ?

বলিয়া তাহার হাত দু'পাশে ধরিলেন

সাজাহান। ঐ বকম করে'ই ত গোল বাঁধাও।

খাদিজা। তোমায় উদ্দেশ্য করে' গাচ্ছিলাম।

সাজাহান। তাহ'লে বেশ একটু ভাবিয়ে দিলে।

খাদিজা। কেন ?

সাজাহান। এই আমি নিশ্চয় চেহারাখানা ঘাষনায় দেখেছি কি না। দেখেছি যে, সেটা শতদল কি শশধবেব কাছ ঘেঁসেও যায় না।

খাদিজা। আমি তোমার মুখে যে সৌন্দর্য্য দেখি নাথ, তা' শত শতদল কি শশধবে নাই, কারণ আমি দেখি ঐ মুখে—একটা মহিমায অলঙ্করণ, ঐ চক্ষুদুটির জিতব আমি দেখি—তোমার প্রতিভা আর তোমার সর্কভূতে দয়া, ঐ উল্লসিত দেহ—একটা গাহস আর একটা আশ্রমযাদা, ঐ ওষ্ঠপ্রান্তে দেখি—তোমার প্রতিজ্ঞা আর স্নেহ। আমি তোমার দেহে মধ্য দিয়া তোমায় পেয়েছি,—যমন হিন্দুভক্ত প্রতিমার মধ্য দিয়া তার দেবতাকে পায়।

সাজাহান। তাহ'লে তোমার উল্কাব নিশ্চয়।—আচ্ছা, খাদিজা, তোমার পিতা আসফ আর সম্রাজ্ঞী সুবজাহান আপন ভাই বোন ?

খাদিজা। হাঁ নাথ।

সাজাহান। আর তুমি তোমার বাপের মেয়ে ? আর লয়লা সুবজাহানের মেয়ে ?

খাদিজা। হ্যাঁ।

সাজাহান। বিষম ভাবিয়ে দিলে।

খাদিজা। কেন নাথ ?

সাজাহান। কেন নাথ !—এ রকম কখনও হয় ?

খাদিজা। কি হয় না ?

সাজাহান। এই তুমি হ'লে এই রকম নিবীহ গোবেচাবী, আর নূরজাহানের মেয়ে যেন দ্বিতীয় সেকেন্দর সাতা :—যদিও সে যে শেষে বেচাবী শারিয়াকে বিয়ে করলে কেন, আমার বেশ একটু খটকা লাগে।

খাদিজা। ভালোবাসেন নিশ্চয়।

সাজাহান। উহঃ। সে মেয়ে ভালোবাসার পাবই নয়।—শারিয়ার বেচাবী এই লয়লাকে নিয়ে যে কি করবে আমি কিছুই বুঝতে পারছি না।

খাদিজা। কি আবার করবে !

সাজাহান। উহঃ ! মোটেই খাপ খায়নি। বরং তার সঙ্গে বিয়ে হওয়া উচিত ছিল আমার, আর শারিয়ারের সঙ্গে বিয়ে হওয়া উচিত ছিল তোমার।

খাদিজা। তা হ'লে কি হোত ?

সাজাহান। কি যে হোত তা বলতে পারিনে। তবে তাকে বশ করে' আমার বোধ হয় বেশ একটু আনন্দ হোত। আর তুমি যে গোবেচারী, তোমারও ঠিক শারিয়ারের স্ত্রী হ'লেই মানাতো ভালো। তা আমি বরাবর দেখে আসছি, যে যেমনটি চায় তেমন হয় না।—ঐ ভাই খসক আসছেন। তুমি ভিতবে যাও।

খাদিজা চলিয়া গেলে খসক প্রবেশ করিলেন

সাজাহান। কি ভাই ?

খসক। কিছু সংবাদ আছে !

সাজাহান। কি সংবাদ ?

খসরু । পিতা তোমায় ডেকে পাঠিয়েছেন ।

সাজাহান । কেন ?—হঠাৎ ?

খসরু । দাক্ষিণাত্যে রাজারা বিদ্রোহ করেছে । তোমায় আবার দাক্ষিণাত্যে যেতে হবে—তাদের দমন কর্তে ।

সাজাহান । আবার !—সে দিন যে তাদের বণ করে' এলাম ।

খসরু । তারা বিদ্রোহ করেছে ।

সাজাহান । কি আশ্চর্য্য ! আমি দেখছি, আমার যুদ্ধ কর্তে কর্তেই প্রথম জীবনটা কেটে গেল ! একটু শান্তি পেলাম না । সেদিন দাক্ষিণাত্য জয় ক'রে এলাম । তার পরে মেবার জয় । তার পরে ভোর না হ'তে আবার যেতে হবে দাক্ষিণাত্যে ।

খসরু । খুরম, আমি তোমার শৌর্য্যে বিস্মিত হয়েছি । মেবারের রক্তধ্বজা ৮০০ বৎসর ধরে' মোগলশক্তিকে তুচ্ছ করে' তার গিরিপ্রাকারে উড়েছে, সেই মেবার তুমি অবহেলায় জয় করেছো ।

সাজাহান । (হাসিয়া) আমি মেবার জয় করি নাই ।

খসরু । তুমি কর নাই ?—সে কি !

সাজাহান । সেনাপতি মহাবৎ খাঁ মেবার জয় সম্পূর্ণ করার পর পিতা আমায় পাঠান সন্ধি করবার জন্য । আমি গিয়ে সন্ধি করি । কিন্তু রটলো যে আমিই মেবার জয় করেছি ।

খসরু । কিন্তু সে রটনায় মহাবৎ খাঁ প্রতিবাদ করেন নি ত !

সাজাহান । সে তাঁর উদারতা । তিনি সে সম্মান চান না । বরং—কি কারণে জানি না—মেবার জয় সন্ধিতে নিজের কথা যেন তিনি চাপা দিতেই চান ।

খসরু । বটে ! তা জান্তাম না । সে যাই হোক—তার পরে রাণার সন্ধে তুমি যে সন্ধি করেছো, তাতে তোমার কি ঔদার্য্য দেখিয়েছো খুরম ! বিজিতের পক্ষে এমন সম্মানকর সন্ধি পূর্বে বুঝি আর কখনও হয় নাই ।

সাজাহান । দাদা, স্থান কাল পাত্র বুঝে শক্তির ব্যবহার কর্তে হয় ! মেবারবংশ এক অতি পুরাতন চিরধন্য রাজবংশ ।—যে বংশে বাপ্পারাও, চন্দ্রাবৎ রাণী, সমরসিংহ, প্রতাপসিংহ জন্মেছে, সে রাজবংশের আজ পতন হয়েছে ! তার কি দুঃখ বুঝে দেখ দেখি দাদা ! তার সেই দুঃখভার যতদূর সম্ভব লঘু করেছি ।

খসরু । তোমায় কি শ্রদ্ধাই করি—আর কি ভালোই বাসি খুরম ! আমিও তোমার সঙ্গে দাক্ষিণাত্যে যাবো, যদি তুমি তাতে সম্মত থাকো, আর পিতা যদি সম্মত হন ।—আমি বৃদ্ধ শিখবো ।

সাজাহান । চল ত আগে পিতাব কাছে যাই ।

খসরু । চল ।

সাজাহান । তুমি যাও দাদা, আমি আসছি ।

খসরু চলিয়া গেলেন

সাজাহান । এতদূর স্পর্ধা এই রাজাদের ! সে দিন তারা বশুতা স্বীকার কর্লে । এবার তাদের বেধে এই রাজধানীতে নিয়ে আসবো । খাদিজা, খাদিজা !

খাদিজার প্রবেশ

সাজাহান । খাদিজা ! দাক্ষিণাত্যে যাবার জন্য প্রস্তুত হও ।

খাদিজা । সে কি !

সাজাহান । সে কি আবার ! সেখানে রাজারা বিদ্রোহ করেছে, তাদের দমন কর্তে হবে ।

খাদিজা । তুমিও যাচ্ছে ?

সাজাহান । নহিলে তুমি এমনই কি মহাবীর রুস্তাম হ'য়ে দাঁড়িয়েছো, যে তুমি তাদের দমন করবে ? লড়াই হ'লেও বরং পার্ভো ।—হাঁ খাদিজা, আমিও যাবো । পিতা আমাকে ডেকে পাঠিয়েছেন । আমি এখনই তাঁর কাছে যাচ্ছি ।

খাদিজা। নাথ !

সাজাহানের হাত ধরিলেন

সাজাহান। যাও খাদিজা ! এখন নারীর সরস রক্তিম অধবপুট আর বিলোম চাহনি নিয়ে খেলা করবার সময় নব।—কঠোর কর্তব্য সম্মুখে।

প্রস্থান

খাদিজা। (চক্ষু মুছিলেন ; পরে কহিলেন)—না আমারই অন্তায়। পুরুষের কত কাজ। তারা কত জানে, আর অভাগিনী নারী আমরা—কিছুই শিখিনি ;—কেবল ভালোবাসতে শিখেছিলাম।

প্রস্থান

দ্বিতীয় দৃশ্য

স্থান—লাহোরের প্রাসাদ-অন্তঃপুর্ব। ঝানা—রাত্রি

মহাবত্নায় প্রবিষ্টা প্রশস্ত কক্ষে মুরজাহান একাকিনী বেড়াইতেছিলেন

মুরজাহান। আমি ক্ষমণ্য মনিতা পান করেছি ! প্রতি ধমনীতে তাৎ উৎস উত্তেজনা অনুভব করছি !—এই ত জীবন ! শুধু আত্মরক্ষা আর জন্মানের তত্ত্ব—এই সৃষ্টির মণ্ডলক ঘোরাচ্ছে না ! এর মধ্যে সম্ভোগও আছে। নহিলে বিহঙ্গ এত আবেগে গেয়ে ওঠে কেন ? বৃক্ষ এত বিবিধ পত্রপুষ্পে বিকাশিত হ'য়ে ওঠে কেন ? নদীর বক্ষে এত উচ্ছল ফেনিলতরঙ্গ ওঠে কেন ? আকাশে চলমা এত হাসে কেন ? যদি ক্ষুধা তৃষ্ণা নিবৃত্তিই দ্বীপনের চবমলীলা, তবে খাণ্ড এত সরস হবার কি প্রয়োজন ছিল ? পুষ্পগন্ধ এত মধুর হওয়ার কি অর্থ ছিল ? সঙ্গীত এত মিষ্ট হোল কেন ? প্রতিভা শুধু সত্যবাহ্য আবিষ্কার করে' ক্ষান্ত নয়, কল্পনার সুবর্ণরাজ্য সৃষ্টি করে।—এই ত প্রকৃত জীবন ! আমি আজ

শুদ্ধ জীবনধারণ করিছি না, আমি আজ ধমনীতে ধমনীতে জীবন
অনুভব করছি !

পরিচারিকার প্রবেশ

মুরজাহান । কি বাদী ?

পরিচারিকা । বেগম সাহেবের ভাই একবার সাক্ষাৎ চান ।

মুরজাহান । আসফ ?

পরিচারিকা । হ্যাঁ ।

মুরজাহান । বল এখন ফুস'ৎ নাই !—আচ্ছা নিয়ে এসো ।

পরিচারিকা চলিয়া গেল

পিতার মৃত্যুর পর এক কথায় তাঁর মন্ত্রিপদ আসফকে দিয়েছি ।
ক্ষমতাব এক মাধুর্য এই, যে তার একটি কৃপাদৃষ্টির জন্য মানুষ
উন্মুখ হ'য়ে থাকে । ক্ষমতা পদাঘাতের সঙ্গে যে অনুগ্রহ গড়িয়ে ফেলে,
সে অক্ষমতা তাই ব্যগ্র হস্তে কুড়িয়ে নেয় । ক্ষমতার মোহ আছে বটে ।

আসফ প্রবেশ করিলেন

মুরজাহান । কি আসফ !

আসফ । ইংলণ্ডের রাজদূত রো সাহেব আবার তোমায় অনুরোধ
করে' পাঠিয়েছেন ।

মুরজাহান । সুরাতে কুঠি তৈয়ার করবার অনুমতির জন্য ?

আসফ । হ্যাঁ ।

মুরজাহান । আচ্ছা, আমি সে বিষয়ে সম্রাটকে আজই বলবো ।
কাল বিস্মৃত হয়েছিলাম । বোলো, তাঁর চিন্তার বিশেষ কারণ
নাই ।

আসফ চলিয়া গেলেন । মুরজাহান আবার সেই কক্ষে পাদচারণ

করিতে করিতে কহিলেন—

কিন্তু এখনো ক্ষমতার যথোচিত ব্যবহার করি নাই। এবার প্রতিশোধের আয়োজন আরম্ভ কর্তে হবে। বার জন্ম সব খুইয়েছি, সেই কাজ আরম্ভ করতে হবে।

এই সময়ে সেই কক্ষে মাজাহান প্রবেশ করিয়া ডিক্কামা করিলেন—

“সম্রাজ্ঞী! পিতা এখানে ছিলেন না?”

মুরজাহান। তাঁকে তোমার কি প্রয়োজন খুরম!

মাজাহান। তিনি আমার দাক্ষিণাত্যে বেতে আদেশ দিয়েছিলেন। সেই বিষয়ে তাঁর কাছে আমার কিছু বক্তব্য ছিল।

মুরজাহান। তিনি এখানে ছিলেন বটে। এইক্ষণই কোথায় গেলেন।

মাজাহান। ও!—দেখি খুঁজে।

প্রস্থানোত্ত

মুরজাহান। (সহসা) শোন খুরম।

মাজাহান। (ফিরিয়া) সম্রাজ্ঞী!

মুরজাহান। আমি জানি যে, তুমি সম্রাটের আজ্ঞায় দাক্ষিণাত্যে যাচ্ছো, সেখানে বিদ্রোহীদের দমন কর্তে! একটা বিষয় তোমায় সাবধান করে' দিই।

মাজাহান। কি সম্রাজ্ঞী!

মুরজাহান। খুরম, এখন সম্রাটের প্রিয়পাত্র তুমি নও, সম্রাটের প্রিয়পাত্র কুমার খসরু।

মাজাহান। এক সন্তানের চেয়ে অন্য এক সন্তানের উপর পিতার অধিক মেহ—তাঁর আর আশ্চর্য্য কি!

মুরজাহান। তুমি সম্রাটের দক্ষ সৈন্যধ্যক্ষ। তুমি সম্রাটের দক্ষিণ হস্ত। তুমি দাক্ষিণাত্য মুক্ত মঙ্গলপী। কিন্তু ভারতের ভাবী সম্রাট— সম্রাজ্ঞী রেবার পুত্র কুমার খসরু!

সাজাহান। আপনার গুচ সঙ্কেত আমি বুঝতে পারছি না বেগম সাহেবা।

মুরজাহান। কথাটা কি এত গভীর ? তুমি রইবে দূর দক্ষিণাত্যে ! হরত সেখানে তোমায় দশ বৎসর থাকতে হবে—দক্ষিণাত্য জয় করতে। আর সম্রাটের কাছে থাকবেন—তার নেত্রাজ্ঞন হৃদয়রঞ্জন সুকুমার কুমার খসরু ! খসরু আমার কেহ নয় ! তুমি আমার ভাই আসফের জামাতা, তাই একথা জানালাম।

সাজাহান। আপনি কি উপদেশ দেন ?

মুরজাহান। আমি বলি খসরুকে সম্রাটের কাছে থেকে দূরে রাখো। পরে কে ভারতের সম্রাট হবে, তার মামাংসা তোমাদেব নিজের শক্তির উপর নির্ভর করুক। এর মধ্যে কিছুই অস্তিত্ব নাই।

সাজাহান। তিনি স্বয়ংই স্বেচ্ছায় আমার সঙ্গে যেতে চাইছেন।

মুরজাহান। বেশ, 'সঙ্গে করে' নিয়ে যাও।

সাজাহান। সম্রাট অনুমতি দিবেন কেন ?

মুরজাহান। আমি সে বিষয়ে সম্রাটকে অনুবোধ করব।

সাজাহান। আচ্ছা তবে বিদায় দিন—

অভিবাদন করিলেন

মুরজাহান। মনে থাকবে ?

সাজাহান। মনে থাকবে।

বলিয়া চলিয়া গেলেন

মুরজাহান। বাদী !

বাদীর প্রবেশ

আর একবার আসফকে চাই।

বাদী চলিয়া গেল

এই খুবমকে আমি ভালোবাসি না। এবং একটু ভয় কবি। সে কম কথা কয়। পাশদিকে চাহে না। আব আমার প্রতি তার একটা দর্পেব—তাচ্ছিন্নেব—ভাব আছে। ক্রমে তাকেও আমি সনাবো। এই সমস্ত প'বাবকে আমি অস্থিকুণ্ডে নিক্ষেপ ক'বো।

আসফ পুনঃ প্রবেশ করিলেন

একটা কথা বশতে ভুনে গিয়েছিলাম আসফ। বন্দব-বাজকে আস্তা দাও, যে আমি কাল দিবা দ্বিপ্রহবে তাঁর সাক্ষাৎ চাই।

আসফ। এই পাষণ্ডকে তোমাব কি প্রযোজন মেহেব?—যে, তোমাব স্বামী-ভ্রম্মা—

শুবজাহান। (কাণ্ড হাসি হাসিয়া) তাঁর অনুগ্রহেই আমার হাজ এই সন্ধান।

আসফ। কিন্তু—

শুবজাহান। কিছু। প্রজ্ঞাসা কোবো না। উত্তর পালে তা। তা বলি কবে' যাও। নাবা-চবিদে বুঝুবাব চেষ্টা কোবো না, পাকের তা! যাও।

আসফ প্রস্থান হেন

একই শক্তিবলে গ্রহ উপগ্রহ তাদের নিয়মিত কক্ষে ঘূবে, আবাব ধূমকেতু মহাশূন্য ভেদ কবে' চলে' যায়। একই শক্তিবলে নেঘে মিষ্ট বাবিবাঁবা বষণ কবে, আবাব আকাশে বজ্র হাহাকাবে ঘেটে পড়ে। একই শক্তিবলে বিগলিত ভূষাব নদনদী বিন্ধেচ্ছাসে ধবর্ণাকে উর্ধ্ব কবে, আবাব এবাটু দলপ্রপাতেব মহা আঘাত তাব বক্ষ প'দাৰ্ণ কবে।

প্রস্থান

তৃতীয় দৃশ্য

স্থান—দাক্ষিণাত্যে বাবলী দুর্গ । কাল—রাত্রি

সাজাহান ও বন্দররাজ—খসকর শয্যাকক্ষে কথোপকথন করিতেছিলেন

সাজাহান । বন্দররাজ, আপনি এসেছেন উত্তমই হয়েছে । আমরা আজই এই দণ্ডে একটা যুদ্ধে যেতে হচ্ছে । দাদার রক্ষণায় কাকে রেখে যাব আজ তাই ভাবছিলাম । এখন আপনার রক্ষণাতেই থাকে রেখে যেতে পারি ।

বাজা । নিঃসন্দেহ, নিঃসন্দেহ ! যে বিষয়ে আব সন্দেহ কি !

সাজাহান । তিনি কাল রাতে উম্মাদের মত বকেছিলেন ! কখনও রোদন , কখনও সম্রাটকে, আমাকে, আমার স্ত্রীকে তাঁর ভৎসনা ; কখনও বা নিয়তিকে ব্যপ করে' হাম্ব !—এই বকমে রাত্রি যাপন করেছেন ।

রাজা । তিনি তা হ'লে—দস্তুরমত উম্মাদ !

সাজাহান । উম্মাদ নয় । মাঝে মাঝে তার এ রকম হয় । আগেও হোত । এ রকম অবস্থায় তিনি সামান্য, এমন কি, কল্পিত কারণেও ভয়ানক বিচলিত হ'ন ; আর এক মুহুর্তে নাবীর মত কন্দন করেন । আপাততঃ আপনার রক্ষণায় তাঁকে রেখে গেলাম ।—আপনি দেখুন ।

রাজা । সে বিষয়ে কোন চিন্তা করবেন না সাহজাদা । আমি আপনাদের পুরাতন ভৃত্য, নিতান্ত অমুগত—নিতান্ত অমুগত ।

সাজাহান । হাঁ তার জন্তেই আপনাকে বিশ্বাস করে' রেখে গেলাম ।

রাজা । কোন চিন্তা নাই সাহজাদা । যুদ্ধ থেকে ফিরে এসে দেখুন যে আপনার ভাবনার কোনই কারণ নেই ।

সাজাহান । উত্তম । তবে আমি এখন যাই বাজা ।

এহান

সাজাহান চলিয়া গেলে বন্দররাজ প্রহরীকে ডাকিলেন—

“প্রহরী ।”

প্রহরা প্রবেশ করিলে কহিলেন—

“দুর্গদ্বার রুদ্ধ কর। আমাব ভৃত্য কেবামত্কে এখানে পাঠাও।”

প্রহরী বিনাবাকব্যয়ে চলিয়া গেল। বন্দররাজ তখন সেই কক্ষে

বেড়াইতে বেড়াইতে কহিলেন—

“সাহজাদা! এটুকু বুদ্ধি আমাব আছে। এক ঢলে এদিকে সাজাহান, ওদিকে মুরজাঠান, দুজনকে খুসী ক’রব। মুরজাঠান মুখ ফুটে বলেছেন, কিন্তু খসরু কিনা সাজাহানের নিজেব ভাই, তাই তিনি মুখ ফুটে ও বলতে পাবেন না। কিন্তু সঙ্কেত বুঝতে পারি—তা পারি। জাহাঙ্গীরের সঙ্কেত ঠিক বুঝেছিলাম। সাজাহানের সঙ্কেত বুঝতে পারি না!—শের গাঁকে বধ করে’ আমি রাজা বাহাদুর হয়েছি, এবাব খসরুকে বধ করে’ একেবাবে মহাবাজ হচ্ছি। উঃ!—কেমন ধাপে ধাপে উঠছি!—একটা একটা হত্যা, আর এক এক পাপ!”

খসরু প্রবেশ করিলেন

খসরু। তুমি কে?

রাজা। আমি বন্দবেব রাজা।

খসরু। এখানে কি চাও?

রাজা। কুমাব সাজাহান সাহজাদাকে আমার তত্ত্বাবধানে বেখে গিয়েছেন।

খসরু। বেখে গিয়েছেন! কোথা গিয়েছেন?

রাজা। বুদ্ধে।

খসরু। গিয়েছেন?

রাজা। হাঁ সাহজাদা।

খসরু। তোমাকে প্রহরী রেখে গিয়েছেন নুবি?

রাজা। হাঁ সাহজাদা।

খসরু । দুর্গের দ্বার বন্ধ কেন রাজা ?

রাজা । যুবরাজ সাজাহানের আজ্ঞায় । সাহজাদার এই দুর্গের বাহিরে যাবার অনুমতি নাই ।

খসরু । সেকি ? আমি তা হ'লে খুরমের বন্দী ?

রাজা । বন্দা ন'ন কুমার ।

খসরু । বন্দী নই কিসে ?—আমাব দুর্গের বাহিরে যাবার হুকুম নাই । বন্দী হবার আর থাকী কি !

রাজা । সাহজাদা—

খসরু । আমি কোন কথা শুনে চাই না । খুবমকে ডাকো !—নামে 'চলে' গিয়েছে ।—দরোজা খুলবেন না রাজা ?

রাজা । আমার প্রভুব বিনা আজ্ঞায়—

খসরু । তোমাব প্রভু খুরম ?—ও—তা—বেশ ! আচ্ছা যাও ।

রাজা । যে আজ্ঞা । আমি বাহিরে পাহারায় রৈলাম আপনি নিশ্চিন্ত হ'য়ে নিদ্রা যান । সাহজাদা—

খসরু । পাহারায় রৈলে । আমি কি উম্মাদ না ক্ষেপা কুকুর ? যে আনায় পাহারা দিতে হবে ।

রাজা । কুমার একটা নিবেদন করি ।

খসরু । যাও, আনাব সম্মুখে কুকুরের মত লেজ নেড়ো না ! চলে' যাও । দূর হও ।

রাজা চলিয়া গেলেন

এ দুর্দশা হবে তা স্বপ্নেও ভাবিনি । নিজের কনিষ্ঠ ভাইয়ের হাতে বন্দী ! যে ভাইকে আমি এত ভালোবাসি ! এর চেয়ে মৃত্যু ভালো !—যদি পিতাকে একবার জানাবার উপায় থাকতো ! (দ্বারের কাছে গিয়া কপাট ঠেলিয়া) একি ! কক্ষদ্বারও বাহির দিক থেকে বন্ধ !

—প্রহারা! প্রহারা! না থাকে আর ডেকে কি হবে। সে নিশ্চয়ই বিনা
আজ্ঞায় ছান বন্ধ কবে নি।—ওঃ কি চুদুদুদু! ও হো হো হো হো!

মস্তকে হাত দিয়া বসিলেন

বাঁত্রি গভীর! ঘুমাও (শযন)—না ঘুম এলো না!—খুব! কি নিশ্চয়
তুমি! নিজের ভাই এত নিঃস্বপ্ন! আর নিঃস্বপ্ন আমার প্রতি—যে আমি
স্বপ্নে তোমার সঙ্গে এসেছি! যে আমি তোমায় এমন ভালোবাসি,
যে তোমার জন্য অগ্নিকুণ্ড দিবে হেটে যেতে পাবে!—ওঃ হো হো হো!
কি নিঃস্বপ্ন! কি নিঃস্বপ্ন!

চক্ষে হাত দিয়া রোদন

এই সময়ে পঙ্গবের দিচ্চন দিব হইবে, দুহজন ঘটকসহ বন্দররাজ প্রবেশ করিয়া
ঘাতকদ্বয়কে সংশ্লিষ্ট করিলেন। ঘটকদ্বয় খসকর পৃষ্ঠে ছোরা মারিল। সৰু চিৎ
হইয়া পড়িলে আবার গহার বক্ষে ছোরা মারিল। খসক আর্তনাদ করিয়া ভূতলে
পড়িলেন। পরে বান্দার পাতে চাফিয়া কহিলেন—

এইজন আমার বন্দী বদে' বেখেছিলে খুব! এখন বুঝেছি।—ওঃ!

রাজা। বাস! কাজ শেষ! তোমরা যাও!

ঘাতকদ্বয় চলিয়া গেল

খসক। তোমারও কাজ শেষ!—তুমিও যাও—

রাজার প্রস্থান

খুব! তুমি সমাট হ'তে চাও! কিন্তু আমার বধ না কবলেও
চলতে! খুব! খুব! তোমার এই নিশ্চয় ক্রুব ব্যবহার আমার বন্ধে
যে বকম বেজেছে, এ মৃত্যুর বন্দনা তার কাছে কিছুই নয়।—ও হো হো
হো!—পিতা পিতা!—

মৃত্যু

চতুর্থ দৃশ্য

শুবজাহান ও আসফ দাড়াইয়া কথাবার্তা করিতেছিলেন।

জাহাঙ্গীর কোব নতুন নোত্র আনয়ের পানে চাহিলেন

আসফ। জাহাপনা, এ কাজ সাঙাণানের নয়, আমি সাজাহানকে জানি। তিনি প্রাতঃকৃত্য বর্তে যেনে। অন্তর।

জাহাঙ্গীর। এ ইত্যং যে সাজাহান ক'লেছে সে বিষয়ে আমার কোন সন্দেহ না। সাজাহানের বিনা সন্মতিতে বন্দারাজের কি সাধ্য যে আমার পুত্রকে স্ত্রী করে?

আসফ। জাহাপনা! বন্দর মহারাজকে সাজাহানকে যেতে সাজাহান আহ্বান করে ননি।

শুবজাহান। আসফ! তোমার জামাতাঃ তুমি বাচাব চেষ্টা করে, সেটা অশর্যেব কথা নয়। সাজাহান তোমার জামাতা, সাজাহান জাহাপনার পুত্র। কিন্তু জাহাপনার বিচারে কাছে জাতিয় কুটুম্বের মাথা নাচু করে থাকতে হবে।

জাহাঙ্গীর। নিশ্চয়ই। আমি স্থায় বিচার করি।

আসফ। খোদাবন্দ—

জাহাঙ্গীর। আমি আব শুন্তে চাই না আসফ। আমি এই মুহুর্তে সাজাহানকে লিখছি। আমি তার বৈফিদং চাই। আমি এব শেষ পর্যন্ত তদন্ত করি, আব সাজাহানকে এব সমুচিত দণ্ড দিব।—অভাগা খসক! অভাগা খসক!—আজই বাত্রে ৫০০ অশ্বারোহী দিয়ে সাজাহানের কাছে ডাক বওনা কর আসফ!—আমি এই মুহুর্তে পত্র লিখছি।

প্রস্থান

আসফ। মেহেব, এ তোমার পবামশ!

শুবজাহান। আসফ! তুমি আমার ভাই বটে, কিন্তু যখন রাজকার্য সম্বন্ধে কথা হবে, তখন মনে রেখো যে আমি সম্রাজ্ঞী, আব তুমি মন্ত্রী।

আর পিতার দৃষ্ট্যে পর এ মন্ত্রার পদ আমিই তোমায় দিয়েছি, মনে রেখো।

আসফ। আমার মন্ত্রাহ! সে ত তোমার স্বৈচ্ছাচারের একটা আবরণ মাত্র! কুক্ষণে সম্রাজ্ঞী হবার জন্য তোমায় আমি সেধেছিলাম।

মুরজাহান। কেন সেধেছিলে? সেদিন আমি বলি নাই “সাবধান”? কেন শোন নাই? বাধ সরিয়ে দিয়েছো! এখন অন্তনিকরু বারপ্রপাত পারে ত ধরে’ রাখো। আমার সে সাধ্য নাই।—দাঁও!

আসফ চলিয়া গেলেন

বাকি আলিযোছ! এখন সে জলুক! খসরু এক—শেষ হল। সাজাহান দুই—আরম্ভ হয়েছে। তারপর পরভেজ তিন—এখনও আরম্ভ হয় নাই। তারপরে সাম্রাজ্য, মুরজাহানের আব তার কন্যা লয়লার।—সম্রাজ্ঞী রেবা, তুমি নক্ষত্র হ’তে পার, কিন্তু কল্যাণী চন্দ্রের রশ্মির সম্মুখে তোমায় পা গুর হ’য়ে যেতে হোল কি না। আমি আপনাকে বিক্রয় ক’রেছি যখন, তখন আমার উচিত মূল্য উম্মূল না করে’ ছাড়বো না। এর জন্য আমি সব খুইবেছি। এর জন্য আমি ধর্মের পুণ্যোজ্জল রাজা থেকে নেমেছি! কোন বাধা মানবো না।

রেবার প্রবেশ

রেবা। সম্রাজ্ঞী মুরজাহান!

মুরজাহান। কে! সম্রাজ্ঞী রেবা! (সভয়ে) এ কি!—এ কি মর্দি!

রেবা। সম্রাজ্ঞী মুরজাহান তুমি আমার পুত্রকে হত্যা করিয়েছো?

মুরজাহান। আমি!

বেবা। আমি তোমার সঙ্গে বিবাদ কর্তে আসি নি মুরজাহান: তোমায় ভৎসনা কর্তেও আসি নি। তাতে আমার কোন লাভ নাই। তাতে ত আমার পুত্র আর কিরে পাবো না। হবে জিজ্ঞাসা কর্তে এসেছি মাত্র। তুমি আমার পুত্র খসরুকে হত্যা করিয়েছো?

মুরজাহান। আপনাকে এ কথা কে বললে ?

রেবা। আমার অন্তরাত্মা ! তবু নিশ্চিত হতে চাই। বল সম্রাটের ভয় কর্ছ ? আমি শপথ করছি—সম্রাটকে এ বিষয়ে একটা কথাও বলবো না।—তুমি খসরুকে হত্যা করিয়েছো ?

মুরজাহান। যদি করিয়েই থাকি—

রেবা স্বর্ণেক নীরবে মুরজাহানের প্রতি চাহিয়া রহিলেন ; পরে কহিলেন—

সম্রাজ্ঞী মুরজাহান ! মহাপাতক করেছো ! জানো না কি মহাপাতক ! তবে পুত্র কি জিনিস তুমি জানো না। (কল্পিতস্বরে) পুত্রহারা মায়ের বেদনা তুমি বুঝবে না !

মুরজাহান। বেগম সাহেবা যদি—

রেবা। তর্ক কবো না। প্রতিবাদ করো না ! অস্বস্তাপ কর !— আমি আমার স্বামী, আমার সাম্রাজ্য, আমার সব তোমায় দিয়েছিলাম ; কেবল পুত্রটি রেখেছিলাম। তাও তুমি কেড়ে নিলে ! আমাব এখন আর কেউ নেই ! কেউ নেই ! ওঃ—(মুখ ঢাকিলেন।)

লয়লা প্রবেশ

লয়লা। মা ?

মুরজাহান। কি লয়লা ?

লয়লা। সত্যি ?

মুরজাহান। কি সত্যি ?

লয়লা। তুমি কুমার খসরুর—এঁর পুত্রের হত্যা করিয়েছো ? সত্যি ?

মুরজাহান। হাঁ সত্যি।

লয়লা। (বিস্ফারিত নেত্রে)—মুরজাহান বেগম ! এও সম্ভব ! সম্রাজ্ঞী রেবার একমাত্র পুত্রের হত্যা তুমি করিয়েছো ? যে রেবা তোমায় এই সাম্রাজ্য দান করেছিলেন—হাঁ দান করেছিলেন—রাজা যেমন

ভিক্ষুককে ভিক্ষাদান কবে—সেই একম তোমায় এই সাম্রাজ্য যিনি দান করেছিলেন—সেই বেবাব একমাত্র পুল—উঃ ! না, তুমি কি করেছে জানো না।

সুবজ্ঞান। প্রতিহিংসা নিয়েছি।

লয়লা। প্রতিহিংসা!—এই প্রতিহিংসা! এই অভাগিনীকে একমাত্র পুত্র হত্যা কবে' প্রতিহিংসা!—এব পানে একবার তাকাও দেখি মা। কাল ঠিনি সবতী হিনেন। আব আজ চেয়ে দেখ, ঐ শুভ্র কেশদাগ, ললাটে ঐ গভীর বেখা, চক্ষুদ্বয়ের নীচে ঐ গাঢ় কালিম। মা!—শযতানী—কি করেছে—(লয়লাব স্বপ্ন কাপিতে লাগিল)।

সুবজ্ঞান। তুমিই না আমায় শতানী হ'তে বলেছিলে লয়লা?

লয়লা। হা বলেছিলাম। কিন্তু তখন আমি ক্রোধে আহুহাণ্ড হযেছিলাম। আমাব সেই দৌর্ভাগ্যেব সুযোগ নিয়ে তুমি শাবিষাবে সপ্তে আমাব বিবাহ দিযেছিলে। কিন্তু শেষে যে—না, আমি এ কথা ভাবতেও পারিনি। (বেবাকে) অভাগিনী মা আমাব! এ আমাব কাজ নয়। ঈশ্বব জানেন আমি এরূপ কল্পনাও করতে পারিনি! (সুবজ্ঞানকে) মা কি ছিলে। কি হ'লে।

সুবজ্ঞান। লয়লা—

লয়লা। না মা, আব না। তোমা সপ্তে নিকি ববোছিলাম। কিন্তু আব না। আজ থেকে আমবা ছাড়া হাডি। তুমি একাই এ পবিবাবকে উচ্ছন্ন দিতে পারবে। তুজন হ'লে পলক হবে।

প্রস্থান

সুবজ্ঞান। সম্রাজ্ঞী!—

বলিয়াই সহসা মস্তক অবনত করিলেন

বেবা। বুঝেছি সুবজ্ঞান। তোমাব অন্ততাপ হচ্ছে। ঈশ্বব তোমায় ক্ষমা করিন! তুমি জানে না।—তুমি বুতে পাবোনি। আমি

তোমার জন্তু ভগবানের কাছে প্রার্থনা কর্ব।—আব আমার জন্তু ! ওঃ—
আমার হৃদয় ফেটে গেল ! ভেঙ্গে গেল ! আব চেপে রাখতে পারছি না !
—ঈশ্বর ! একদিন বলেছিলাম ‘মাযেব এত সুখ !’ আজ তুমি দেখিয়ে
দিনে—মাযেব এত দুঃখ ! কি সে দুঃখ ! সে দুঃখেব সীমা নাই একা
তুমি- জগদীশ !—

এহ বদিয়া চলিয়া গেলেন

এহ চলিয়া গেল। আবজাহান বিষয়ঙ্গণ নাহি রহিল।

পরে বারে বারে নিম্নশব্দে কহিলেন—

‘শুবজাহান ! এহ হিন্দু নাহি কাহে নাথা হে, এবে বেলে ! পর্বতেব
শিখর তেও এক ঝাঁপে তার পাদমূলে নেটো গেলো ! এহ সমাভিক্ষা
চূর্ণ কবে’ মাথা হে, কবে’ হাত পেতে নিলে ! কোণায় গেল
তোমার সে দর্প।—শুবজাহান ! যুদ্ধযাত্রায় বণবাতোন সঙ্গে তালে তালে
যেতে যেতে হঠাৎ স্তম্ভিত হ’য়ে দাঁড়ালে যে ! কি হেছে তোমার !—
‘ক করবে ? মাঝে অগ্রসব হবে ? না ফিববে ?—ভাগো !

পঞ্চম দৃশ্য

স্থান—দাক্ষিণাত্যে জয়ন্তী দুর্গ। কাল—প্রভাত

সাজাহান ও তাঁহার সৈন্যধক্ষ আমীর আলি দাঁড়াইয়া কথোপকথন করিতেছিলেন

সাজাহান। আমিব আলি ! বন্দবেব বাজা লাহোবে ফিব গিযেছে ?

আমিব। হাঁ জনাব।

সাজাহান। এ হত্যা নিশ্চয়ই সম্রাজ্ঞী শুবজাহানের আজ্ঞায় হযেছে ?

আমিব। সম্রাজ্ঞীব !

সাজাহান। হাঁ সম্রাজ্ঞীব। সব বুঝতে পারছি এখন। আমি

দেখতে পাচ্ছি, সে নারী আমাদের সব একে একে সরতে চায়। তার প্রথম শিকার হোল আভাণা ভাই খসরু—তার পরে আমি।

আমীর। তার পর আপনি সাজাহাদা ?

সাজাহান। নিশ্চয়ই। নহিলে সে নারী—খসরুর হত্যার জন্য আমার অপরাধ কবে' কৈফিয়ৎ চেয়ে পাঠাতেন না।

আমীর। এ কৈফিয়ৎ সম্রাট জাহাঙ্গীর চেয়ে পাঠিয়েছেন না ?

সাজাহান। জাহাঙ্গীর নামে সম্রাট। সম্রাট—নূরজাহান। আমি সেই নারীর আস্থা মানি না। আমি কৈফিয়ৎ দিব না।

আমাব। কিন্তু—

সাজাহান। এর মধ্যে “কিন্তু” নাই। এর জন্য বিদ্রোহ করতে হয় কার।

আমাব। গাজাহাদা, অনুমতি হয় ত একটা নিবেদন করি।

সাজাহান। কিছু নিবেদন কঠে হবে না। আমীর আলি! আমি এ নারীর প্রভু স্বাকার করো না। কৈফিয়ৎ দিব না। আন পিতা যখন সাম্রাজ্য গুরজাহানের হাতেই ছেড়ে দিয়েছেন, তখন সম্রাট সাজাহান—নূরজাহান নয়। আমি কৈফিয়ৎ দিব না। যাও, আমি পত্র লিখে দিচ্ছি এখনই। সম্রাটের কাছে পত্র নিয়ে যাবার জন্য প্রস্তুত হও।

আমীর আলির প্রশ্ন

নিজে হেলা কবিয়ে আমার স্বন্ধে ভ্রাতৃত্বের মহাপাতক চাপানো! কি অসহনীয় স্পর্ধা। পিতা যে কৃটবুদ্ধি নারীর উর্গনাভে পড়েছেন, তাঁর আর বক্ষা নাই। কিন্তু আমি তাঁকে এর গ্রাস থেকে রক্ষা করো।

খাদিজার প্রবেশ

খাদিজা। আমি বিদ্রোহ করছি; এখন আমি ভারতের সম্রাট।

সাজাহান। সে কি নাথ? বিদ্রোহ?

সাজাহান। হাঁ বিদ্রোহ ! আমি এবাব সম্রাটের সঙ্গে যুদ্ধে নামলাম।

খাদিজা। নাথ ! সম্রাজ্যের জন্তু পিতার সঙ্গে যুদ্ধ করবে ?

সাজাহান। পিতার সঙ্গে নয় খাদিজা—মুরজাহানের সঙ্গে।
অপেক্ষা কর, আমি পত্রখানা লিখে দিয়ে আসি। কি স্পর্ধা !

প্রস্থান

খাদিজা। সম্রাজ্য !—বাহিরের সম্পত্তির জন্তু মানব এত লালাষিত,
যখন প্রত্যেক মানুষের ভিতরে এক একটা অতুল সম্পত্তি অনাদৃত ভাবে
পড়ে রয়েছে ! বাহিরে স্মৃথের এত আয়োজন, যখন অন্তরে একটা
স্মৃথের সমুদ্র পড়ে' রয়েছে ! স্মৃথ হাতের কাছে রয়েছে, এত কাছে, এত
সহজ ; তবু বিগময় মানুষ তাকে হাতড়ে খুঁজে বেড়াচ্ছে ! শুদ্ধ ভালোবেসে
যখন স্মৃথা হ'তে পারে ! শুদ্ধ ভালোবেসে !

প্রস্থান

ষষ্ঠ দৃশ্য

স্থান—প্রাসাদ অন্তঃপুর। কাল—সন্ধ্যা

লয়লা গাহিতেছিলেন

গাত

কি গেল বিঁধে আমার হৃদে, আমারই প্রাণ জানে গো।

কি যাতনা সেই বুকে, যারই বক্ষে হানে গো।

মিশে আছে কি সে বিষ, শিরায় শিরায় অহর্নিশ,

যিরে আছে কি আঁধার আমারই এ প্রাণে গো।

কিরণময় এক ভুবন মাঝে চলেছি এক ছায়া গো ,

নীলাকাশে যাই গো ভেসে কালো মেঘের কায়া গো—

উঠে হাসি মাঝে তার আমিই শুধু হাহাকার—

আমিই বিসংবাদী সুর এই বিশ্বের মধুর গানে গো।

এই সময়ে শাবিয়ার প্রবেশ ঘনিয়ে কহিলেন—

“লয়লা, যকেন সংবাদ ওনে ?”

লয়লা অর্ধচলিত ভাবে উত্তর দিয়া কহিলেন—

“কোন বন্ধে ?”

শাবিয়ার। ভাই সাজাহানের বিদ্রোহে ?

লয়লা। না, সে সংবাদ শুনি নি।

শাবিয়ার। ভাই সাজাহান দ্বিতীয় অববোধ কবেছিলেন। সেনাপতি মহাবৎ খাঁর কাছে পবাজিত হ'য়ে তিনি আবার দক্ষিণাত্যে পালিয়েছেন।

লয়লা। বেচারী সাজাহান ? তুমিও এই অববোধ মধ্যে পড়েছো।
তুমিও মাঝে গেলে। তার পর পরভেদ। তার পর বোধ হয় তুমি।

শাবিয়ার। কি বনছো লয়লা।

লয়লা। না, তোমায় মার্কে না।—নহাইৎ গোবেচারী। তাদের কাছে তোমায় চেয়ে বাকদের দাম বেশী।

শাবিয়ার। আমায় কে মার্কে ?—আমাকে কি কেউ মার্কে চায়।

লয়লা। সেই কথাই জাব ছিলাম।

শাবিয়ার। না, আমি মার্কে চাই না লয়লা। আমি এই পৃথিবীকে বড় ভালোবাসি। এমন আকাশ, এমন বাতাস, এমন সখ্যকিবণ, এমন জ্যোৎস্না—গুপ্পের সৌন্দর্য, বিহঙ্গের সঙ্গীত, নদীর হিল্লোল, পর্বতের ধূম গনিমা—আমি এই পৃথিবীকে বড়ই ভালোবাসি। আমায় তাই কেন মার্কে চায় ? আমি কারো গনিষ্ঠ কবি নাই।

লয়লা গভীর অলক্ষণভরে কহিলেন—

“বেচারী আমায়। না শাবিয়ার, তোমায় তাই মার্কে চায় না। তোমায় মেবে কি হবে ?”

শাবিয়ার। কি মার্কে চায়, তুমি আমায় রক্ষা করবে ?

লয়লা । আমি নিজের বুক দিয়ে ঘিরে তোমায় রক্ষা করব । তোমার কোন ভয় নাই শারিয়্যার ।

পরিচারিকার প্রবেশ

লয়লা । কি বাদী ?

বাদী । সম্রাট কোথায় সাজাহাদী ?

লয়লা । কেন ?

বাদী । তাঁকে খবর দিতে যাচ্ছি । সম্রাজ্ঞীর মৃত্যু হয়েছে ।

লয়লা । সম্রাজ্ঞী রেবার ?

বাদী । হাঁ বেগম সাহেব ।

লয়লা । তা পূর্বেই জ্ঞাতাম । সম্রাট এখানে আসেন নাই বাদী ।

পরিচারিকা শশব্যস্তে প্রস্থান করিল

লয়লা । অভাগিনী পুত্রহারা সম্রাজ্ঞী ! পৃথিবী থেকে একটা গরিমা চলে' গেলো !—একটা আলোক, একটা সঙ্গীত, একটা প্রার্থনা—

লয়লা ধীরে ধীরে বাহির হইয়া গেলেন

শারিয়্যার । না, আমার তারা মার্কে না । কেন মার্কে !

পরভেজের প্রবেশ

পরভেজ । শারিয়্যার !

শারিয়্যার । ভাই পরভেজ নাকি ?

পরভেজ । হাঁ ।

শারিয়্যার । তুমি যুদ্ধ থেকে ফিরে এলে কবে ?

পরভেজ । আজই ।

শারিয়্যার । যুদ্ধের খবর কি ? সাজাহান কোথায় ?

পরভেজ । বহরমপুরের যুদ্ধে তিনি পরাজিত হ'য়ে মেবার অভিযুগে গিয়েছেন ।

শারিয়্যার । মেবারে ।—কেন ?

পরভেজ । বোধ হয়, মেবারের রাণার আশ্রয় প্রার্থনা কর্তে । তিনি পিতার কঠোর বিচার জানেন । তার পর তাঁর উপরে এ দারুণ অভিযোগ যে, তিনিই খসরুর হত্যাকারী । তাই তিনি পিতার কাছে বশুতা স্বীকার করার চেয়ে রাণার আশ্রয় গ্রহণ করাই শ্রেয় মনে করেছেন ।

শারিয়্যার । জানো ভাই যে, এ সম্পূর্ণ মিথ্যা অভিযোগ ? মাজাহান ভাই খসরুর মৃত্যুর জন্ত দায়ী ন'ন ।

পরভেজ । তবে কে দায়ী ?

শারিয়্যার । শুনবে ভাই কে দায়ী ? (চারিদিকে চাহিয়া নিঃশ্বরে)
দায়ী সম্রাজ্ঞী মুরজাহান ।

পরভেজ । সে কি ? কেমন করে' জানলে ?

শারিয়্যার । শোন তবে ভাই । একদিন আমার স্ত্রী বেগে আমার কক্ষে উন্মত্তবৎ ঝড়ের মত প্রবেশ করে' রুদ্ধনেত্র, রুদ্ধশ্বরে বলে—‘শপথ কর, কখনও সম্রাট হবে না ।’ আমি রুগ্নশয়্যায় শুয়েছিলাম । সে সবলে আমার হাত ধরে' বলে—‘শপথ কর, শপথ কর, শপথ কর !’ ক্রমে তার স্বর উচ্চ হ'তে উচ্চতর হ'য়ে উঠতে লাগলো, শেষে যেন সে স্বর একটা হাঁহাকারের মত শোনা গেল, তার সমস্ত দেহ বিকম্পিত হ'তে লাগলো ! আমি ভয় পেলাম, শপথ করলাম “কখন সম্রাট হবে না”—তখন সে আমার বুকের উপর গড়ে' কাদতে লাগলো । পরে শান্ত হ'লে, সে এই হত্যার ইতিহাস বলে ।

পরভেজ । তিনি জানলেন কেমন করে' ?

শারিয়্যার । তাঁর মা স্বীকার করেছেন ।

পরভেজ । স্বীকার করেছেন ! কার কাছে ?

শারিয়্যার । সম্রাজ্ঞী রেবার কাছে, তার পর ময়লার কাছে ।

পরভেজ । এত বড় চক্রান্ত !

শারিয়ার । ভাই ! আমায় সম্রাজ্ঞী তাঁর চক্রান্তের মধ্যে টেনে আনায় আমি ভীত হয়েছি ।

পরভেজ । তোমার অপরাধ কি ? যাও তুমি শোও গে । আর ঠাণ্ডা লাগিও না ।

প্রস্থান

শারিয়ার । উঃ, আমার মাথা বুকে—

প্রস্থান

সপ্তম দৃশ্য

স্থান—উদয়পুর । কাল—প্রভাত

কণাসংহ ও তাঁহার সামন্তগণ দাঁড়াইয়াছিলেন । সম্মুখে সাজাহান

সাজাহান । রাণা ! আমি দাক্ষিণাত্য থেকে এসে প্রথমতঃ দিল্লী অবরোধ করি । সেখানে মহাবৎ খাঁর গায়ে পরাজিত হ'য়ে আবার দাক্ষিণাত্যে বাই । সেখানে নন্দদার যুদ্ধে আবার মহাবৎ খাঁর কাছে হেরে বঙ্গদেশে পালাই, আর সে দেশ জয় করি ।

কর্ণ । পালাতে পালাতে ?

সাজাহান । হা রাণা । সেখান থেকে প্রতাড়িত হ'য়ে মাণিকপুরে বাই । সেখান থেকে হেরে আবার দাক্ষিণাত্যে বাই ! আবার মহাবৎ খাঁ সেখান থেকে আমাকে তাড়িত করেন । আবার আমি বঙ্গদেশে পালাই । রোটস্ গড়ে পরিবার রেখে আমার সমস্ত সৈন্য নিয়ে বহরমপুর অবরোধ করি । মহাবৎ খাঁ সেখানেও আমাকে পরাজিত করেন ।

কর্ণ । আশ্চর্য্য আপনার ক্ষমতা সাজাহান ।

সাজাহান । বরং বলুন রাণা, আশ্চর্য্য মহাবৎ খাঁর বুদ্ধকৌশল ।

কর্ণ । সেই মহাশয় তাঁর বিপক্ষে আপনি এতদিন ধরে' যুদ্ধ করেছেন, সেই আশ্চর্য্য ।

সাজাহান । তাঁর কারণ, আমি সম্মুখ-যুদ্ধ কম করেছি । নন্দা-যুদ্ধে পরাস্ত হওয়ার পর এক-যুদ্ধ আবস্ত করি । তাতেও পরাজিত হ'য়ে শেষে আবার সম্মুখ-যুদ্ধ করি । কিন্তু সেই শেষ ক্ষেপে আমি আমার সব জানিয়েছি । আর তাই আজ নিরুপায় হ'য়ে আমি মেবাবের বাণীর আশ্রয় ভিক্ষা কর্তে এসেছি ।

কর্ণ । উদাব-চৰিত্ত সাজাহানকে মেবার তাঁর শেষ বক্তাবিন্দু দিয়ে রক্ষা করি ।—তোমাদেব কি মত সামন্তগণ ?

সামন্তগণ । বাণীর যে মত, আমাদেবও সেই মত ।

কর্ণ । দেশের জন্ত প্রাণ দেওয়া মহৎ কাজ, কিন্তু ধর্মের জন্ত প্রাণ দেওয়ার চেয়ে মহৎ আর কিছু নাই ।—আশ্রিতকে প্রাণ দিয়ে রক্ষা করা ক্ষাল্ণধর্ম ।—আঁক বল সামন্তগণ ?

সামন্তগণ । অবশ্য ।

কর্ণ । সাহজাদা সাজাহান ! আপনি নিশ্চিন্ত থাকুন । মেবার তাঁর সর্বস্ব দিয়ে আপনাকে রক্ষা করি । সাহজাদা, মেবার আজ আর সে মেবার নাই । আজ মেবার সর্পিষ্মন্ত, হতবীর্য্য । মেবারের আজ দুর্দিন ! কিন্তু দুর্দিনেও মেবার—মেবার ! বর্তদিন মেবারে একজন বাজপুত আছে, ততদিন সাহজাদা নিবাপদ ।

সাজাহান । যদি সম্রাজ্ঞী সৈন্ত মেবার আক্রমণ করে ?

কর্ণ । সাহজাদা, বলেছি যে, মেবার তাঁর শেষ বক্তাবিন্দু দিয়ে আশ্রিতকে রক্ষা করি ।—তাই ভীমসিংহ ! মেবারের যত যোদ্ধা আছে, প্রস্তুত হ'তে আজ্ঞা দাও, সাহজাদার জন্ত সম্রাটের সঙ্গে যুদ্ধ করবার জন্ত প্রস্তুত হও । সৈন্ত সাজাহান ।

অষ্টম দৃশ্য

স্থান—মুরজাহানের দরবার-কক্ষ । কাল—প্রভাত

মুরজাহান । কি বিশ্বাসঘাতকতা ! পরাজিত, মোগলের করদায়ী মেবারের রাণা কর্ণসিংহ আমাদের বিপক্ষে যুদ্ধ করেন—বিদ্রোহী সাজাহানের পক্ষ হ'য়ে ?

মহাবৎ । তিনি বলেন যে, আশ্রিতকে পরিত্যাগ করা ক্ষত্রধর্ম নয় । জাহাঙ্গীর । মহাবৎ খাঁ ! তোমার শৌর্যে আমরা মোহিত হয়েছি । তুমি রাণাসৈন্যের সঙ্গে এই কাশীর যুদ্ধে সাজাহানকে পরাজিত করে' আমার সিংহাসন রক্ষা করেছো । তুমি আমার পুত্র ফিরিয়ে দিয়েছো ।

মহাবৎ খাঁ শির ঈর্ষ্য নত করিয়া সাধুবাদ গ্রহণ করিলেন

মুরজাহান । তোমায় আমরা ধন্যবাদ দিই সেনাপতি ।

মহাবৎ পূর্ববৎ শির নত করিলেন

জাহাঙ্গীর । যাও মহাবৎ । কুমার সাজাহানকে সসম্মানে এখানে নিয়ে এসো । আমরা আজ—মঞ্জী, ওমরাও, সৈন্যাধ্যক্ষদের সম্মুখে তাঁকে অভ্যর্থনা কর্তে চাই ।

মহাবৎ বাহির হইয়া গেলেন

মুরজাহান । সত্ৰাট্ট ! এই সাজাহানকে সাদরে অভ্যর্থনা করাই উচিত । কিন্তু একেবারে বিনা বিচারে তাকে অব্যাহতি দেওয়া অসঙ্গত । সে বাই হউক, সে বিদ্রোহী ।

জাহাঙ্গীর । আমি তাকে ক্ষমা করে' পাঠিয়েছি । তার' পরে আর বিচারের স্থান নাই ।

মুরজাহান । সমস্ত ভারতবর্ষ জানে যে বিচারের সময় সত্ৰাট্ট পুত্র-ক্ষমা বিচার করেন না । তাঁর ঞায়বিচার বিধাতার বিধানের মত শাসিত, নিশ্চয়, সরল !

জাহাঙ্গীর। হায়বিচার! সে দিন গিয়েছে শুরজাহান। আর আমি সন্ধ্যাট্ট নই। আমার মধ্যে সন্ধ্যাট্ট বেটুকু—সে একটা মহাপ্রাণে ভেসে গিয়েছে। আমার মধ্যে বা এখন বাকি আছে—সে পিতা। হায়বিচার শুরজাহান! তা' কব্ৰে গেনে আমিও অব্যাহতি পেতাম না— তুমিও না!

শুরজাহান। তবু যতদিন আপনি সন্ধ্যাট্ট, ততদিন বিচাৰের অন্ততঃ একটা অভিনয়েবও প্রয়োজন। তার পর সাজাহানকে মুক্তি দিতে চান, দিবেন। জাহাপনার হায়বিচারের উপর প্রজার অগাধ বিশ্বাসকে এই রকম ক্রুদ্ধভাবে বিচলিত হ'তে দেওয়া উচিত নয়। একটা প্রকাশ্য বিচার চাই। পবে মুক্তি দিন ক্ষতি নাই।

জাহাঙ্গীর। তা হোক, তাতে আমার কোন আপত্তি নাই।

শুরজাহান। আর আমি সে বিচার কর্তার অনুমতি চাই; শুধু একটা আমার মর্যাদা বক্ষার জন্য। সাজাহান পত্রে সন্ধ্যাট্টের কাছে আমার বিপক্ষে অভিযোগ এনেছে; আমার অবজ্ঞা করেছে। আমার মর্যাদা বক্ষার জন্য সাজাহানকে মুক্তি দিবার সম্মান সন্ধ্যাট্ট আমাকে দিন।

জাহাঙ্গীর। উত্তম শুরজাহান! কিন্তু আমি উগস্থিত থাকবো।

শুরজাহান। (জয়ং হাসিয়া) শুরজাহানের উপর সন্ধ্যাট্টের দেখছি সম্পূর্ণ বিশ্বাস নাই। উত্তম, তাই হোক।

জাহাঙ্গীর। এই বে সাজাহান!

মন্ত্রী, ওমরাওগণ, সৈন্যধ্যক্ষগণ ও মহাবৎ খাঁর সহিত সাজাহান দরবারক্ষে প্রবেশ করিলেন। সাজাহান সন্ধ্যাট্টকে অভিবাদন করিলেন। সন্ধ্যাট্ট সিংহাসন হইতে উঠিলেন পরে শুরজাহান সেই দিকে কঠোর দৃষ্টিপাত করিলে আবার বাসলেন

জাহাঙ্গীর। সাজাহান! তোমায় আমরা এই রাজধানীতে স্বাগত সম্ভাষণ করি।

সাজাহান সন্ধ্যাট্টের দিক চাহিয়া কহিলেন—

“সন্ধ্যাট্টের অনুগ্রহ!”

নুরজাহান । তবু তুমি অপরাধী, প্রথমে তোমার বিচার হবে ।

সাজাহান । আমার বিচার ?

নুরজাহান । হাঁ, তোমার বিচার । তোমার বিরুদ্ধে কি অভিযোগ, জানো বোধ হয় সাজাহান ।

সাজাহান পূর্ববৎ বিষয়ে সপ্রশ্নমনে জাহাঙ্গীরের প্রতি চাহিয়া রহিলেন ;

নুরজাহানের কথা ৩৩র দিলেন মাত্র—

“না ।”

নুরজাহান । তবে শোন । তোমার বিরুদ্ধে প্রথম অভিযোগ এই যে, তুমি বন্দরের মহারাজকে দিয়ে তোমার ভাই ধসরুর হত্যা করিয়েছো । যদি সে কথা অস্বীকার কর, মহারাজকে সাক্ষরূপ এখানে আনতে পারি । দ্বিতীয় অভিযোগ এই যে, তুমি তোমার পিতার বিরুদ্ধে বিদ্রোহ করেছো । এ কথা অস্বীকার করলে না বোধ হয় । তৃতীয় অভিযোগ এই যে, তুমি তোমার দস্যুসৈন্য নিয়ে ভাবতবর্ষ তোলপাড় ক’বে বেড়িয়েছো । এর কৈফিয়ৎ চাই ।

সাজাহান । এর কৈফিয়ৎ সম্রাট, আপনাকে পদে লিখেছি । এখানে তা বা আবৃত্তি করার প্রয়োজন নাই বোধ হয় ।

নুরজাহান । হাঁ আছে ।

সাজাহান । সম্রাট !—

জাহাঙ্গীর । সাজাহান ! তুমি পত্রে যে কৈফিয়ৎ দিয়েছিলে, এই প্রকাশ্য দরবারে তোমার সে কৈফিয়ৎ দেওয়া উচিত ।

সাজাহান ক্ষণেক নীরবে সম্রাটের প্রতি চাহিয়া রহিলেন ; সম্রাট শির

নত করিয়া রহিলেন । সাজাহান পরে ধীরে ধীরে কহিলেন—

‘আগে বুঝি, আমার কৈফিয়ৎ দিতে হবে কার কাছে । ভারতের পাসনকর্তা এখন কে ?—সম্রাট আকবরের পুত্র জাহাঙ্গীর, না শের খাঁর বধবা নুরজাহান ?

মুরজাহান । সাজাহান ! তুমি অপরাধী । হাত যোড় ক'রে দাঁড়ানই তোমার শোভা পায়, ব্যঙ্গ করা শোভা পায় না ।

সাজাহান । আমি এত নারীর সঙ্গে বাগ্মিতত্ত্ব করতে চাই না । (জাহাঙ্গীরকে) আমি জানতে চাই যে, পিতা সত্যই কি আমার কৈফিয়ৎ চান ?

জাহাঙ্গীর । হা, চাই ।

সাজাহান । (ক্ষণেক নিস্তব্ধ থাকিয়া) তবে আমার অপরাধ মার্জনা করে' আমায় এখানে ডেকে আনা, আমায় বন্দী করবার জন্য একটা প্রকাণ্ড ছলনা ?

মুরজাহান । তুমি কার সঙ্গে কথা কইছ জানো সাজাহান ?

সাজাহান । জানি, মুরজাহান ! কথা কচ্ছি আমার পিতা' সঙ্গে । —পিতা, আমি বিদ্রোহ করেছি । কিন্তু সশ্রুত-যুদ্ধই করেছি—প্রতারণা কার নাই । হঠাৎ । কিন্তু এই প্রকাণ্ড দরবারে বলছি, যে আমার প্রতিপক্ষ যদি স্বয়ং মহাবৎ খাঁ না হতেন, ত এই নারীকে তাঁর সিংহাসন থেকে টেনে এনে অস্থিকুণ্ডে নিষ্ক্ষেপ কর্তাম, আর স্বয়ং সত্ৰাট জাহাঙ্গীর তাই দাঁড়িয়ে দেখতেন ।

জাহাঙ্গীর । (ক্রুদ্ধ হইয়া) সাজাহান, তোমার রসনা সংযত কর ।

সাজাহান । পিতার আজ্ঞা শিবোধার্ষা ।

মুরজাহান দেখিলেন, জাহাঙ্গীর ক্রুদ্ধ হইয়াছেন । স্বেচ্ছা বৃষ্টিয়া কহিলেন—

“সাজাহান ! এই নারী যে এত অবজ্ঞার পাত্র নয়, তা তোমায় দেখাচ্ছি সাজাহান ! তোমার সব অপরাধের জন্য তোমায় বৎসর কাল কারাবাসে আজ্ঞা দিলাম । (মহাবৎ খাঁকে) সেনাপতি, সাজাহানকে বন্দী কর ।”

মহাবৎ খাঁ । মাফ্ করবেন সত্ৰাঙ্গী ! কুমারকে অভয় দিয়ে মুষ্টি মধ্যে এনে তাঁরপরে বন্দী করা—এ প্রতারণার মধ্যে মহাবৎ খাঁ নাই ।

নুবজাহান। মহাবৎ। তুমি ভৃত্য। তোমার কাজ লুণ্ঠন অলুণ্ঠন
বিচার করা নয়। তোমার কাজ আমাদের আত্মা পালন করা।

মহাবৎ। তবে সম্রাজ্ঞী। মহাবৎ খাঁ সে আত্মপালন কর্তে
অস্বীকৃত।

নুবজাহান। অস্বীকৃত? তবে তুমিও বিদ্রোহী।—সৈনিকগণ! মহাবৎ
খাঁকে বন্দী কর।

মহাবৎ। কর, যার সাহায্যে আমরা বন্দী কর। সৈনিকগণ। আমি
মহাবৎ খাঁ। 'এই বিশ বৎসর ধরে' আমি তোমাদের সেবাপাত্র। এই
বিশ বৎসর ধরে' আমি তোমাদের সমবক্ষেপে নিয়ে গিয়েছি, আর
বিভবগর্ভে সমবক্ষেপে হ'তে ফ'রবে এনেছি। যার চোখা হয়, এই
সম্রাজ্ঞীর আত্মা আমায় বন্দী কর।

সকলে নিস্তব্ধ হই

নুবজাহান। কি! কারো সাধ্য নাই?

মহাবৎ কখন জাহাঙ্গীরকে কহি নন—

“সম্রাট বাধুন। কোন কথা কহিব না।”—

শত আগাইয়া দিনে

জাহাঙ্গীর। মহাবৎ খাঁ। তোমায় বাঁধবার শৃঙ্খল আজও তৈরি হয়
নি। নাও মহাবৎ, আমি তোমায় মার্জনা কব্লাম।

নুবজাহান। (দাঁড়াইয়া উঠিয়া) কখন না। সম্রাজ্ঞী নুবজাহান
এ সমুদ্রে হয় ডুববে, না হয় তাব বক্ষ পদতলে দলিত হবে' চলে
াবে। সে তাব তবঙ্গে ইতস্ততঃ বিক্লিপ্ত হ'তে নৈচে থাকবে না। মহাবৎ
খাঁকে বন্দী করবার সাধ্য কারো না থাকে, আমি স্বয়ং তাকে বন্দী করব।
দেখি, ভাবত সম্রাজ্ঞী নুবজাহানকে বাধা দেয়, সে সাধ্য কার!

এই বলিয়া সিংহাসন হইতে লাফাইয়া পড়িলেন

১২৩ নং নপথ্য হইতে গয়লা দরবার কক্ষে বাস্প দিয়া প্রবেশ করিয়া কহিলেন—

“সে সাধ্য আমার।”

সকলে স্তম্ভিত হইয়া রহিলেন

গয়লা। সম্রাট! সিংহাসনে পশ্চু ব মত বসে' এই সম্রাজ্ঞীব স্বেচ্ছাচার
নিকরিকারভাবে দেখছেন! পুরুষের এতদূর অধোগতি! ধিক্! (পবে
সাজাহানের দিকে চাহিয়া)—সাজাহাদা! স্বয়ং সম্রাট তোমার ক্ষমা
করেছেন, তুমি মুক্ত।—মহাবৎ খা! তুমি মহাবৎ খাঁর মতই কাজ
করেছো! খাও, তুমি মুক্ত, সম্রাট আজ্ঞা দিয়াছেন।—আর শুবজাহান!
সম্রাজ্ঞি! আমি এই প্রকাশ্য দরবারে তোমাকে কুমার খসরুর হত্যার
প্রমাণ অভিযোগ করি। সাধ্য হয় ত অস্বীকার কর।

দুইজনে সভামধ্যে দুই ব্যাবীর মত পরস্পরের দিকে আলামখাঁ দৃষ্টিতে চাহিয়া রহিলেন

চতুর্থ অঙ্ক

প্রথম দৃশ্য

স্থান—মন্ত্রী আসফেব বর্জিরাটা । কাল—প্রভাত

রাজসভাসদগণ বসিয়া কথোপকথন করিতেছিলেন

১ম সভাসদ । দেখলে !

২য় সভাসদ । কি ?

১ম সভাসদ । যা বলেছিলাম তা হোল কি না ।

২য় সভাসদ । কি বলেছিলে ?

১ম সভাসদ । বলেছিলাম যে, সম্রাট সাম্রাজ্যের দিকে পাশ ফিরে-
ছেন,—শীঘ্রই পশ্চাৎ ফিরিবেন ।

৩য় সভাসদ । হাঁ, এ কথাটা তুমি বলেছিলে বটে ।

৪র্থ সভাসদ । মেরুদেশে যে রকম শুষ্কে পাওয়া যায় যে সূর্য্যদেব
যখন অস্ত যান, ছয় মাসের জন্ত বান ; আমাদের সম্রাট এখন কিছু-
কালের জন্ত রাজকার্য্য থেকে অবসর নিয়েছেন ।

১ম সভাসদ । হাঁ এখন এটা প্রকৃতপক্ষে নুরজাহানের রাজত্বকাল ।

৩য় সভাসদ । যা'ই বল সাম্রাজ্যের রাজ্যে আমরা এক রকম সুখে
আছি ।

১ম সভাসদ । 'সুখে আছি' কি রকম ?

২য় সভাসদ । এই দেশময় দিবারাত্রি নৃত্য গীত সুরার শ্রোত বয়ে'
চলেছে ।

৪র্থ সভাসদ। স্রোতে বড় একটা যেতো আস্তো না—বদি এই স্রোতের উপর মাঝে মাঝে না চেউ উঠতো।

২য় সভাসদ। কি রকম?

৪র্থ সভাসদ। এই, সেদিন হকুম বেবোগো, যে সম্রাটের অন্তিমতি ভিন্ন কোন সভাসদ মদ খেতে পাবে না, আর তিনি যদি আজ্ঞা করেন, ত সকলেবই মদ খেতেই হবে।

৩য় সভাসদ। এহ, সব মাটি করেছে। ঐ বন্দরের বাজা আসছে।

২য় সভাসদ। ঐ রাজাই থসককে হত্যা কবেছে না?

১ম সভাসদ। হা।—পাষণ্ড!

৫র্থ সভাসদ। এঃ, আমাদের আসবটা সব ভেঙে দিলে।

২য় সভাসদ। আমার আশ্চর্য্য বোধ হয় যে—সম্রাটের পুত্রকে হত্যা কবে'ও বেটা বেচে আছে।

৬র্থ সভাসদ। শুধু বেঁচে আছে।—বাড়ছে। ওর মধ্য-দেশটা দেখছোনা?

৩য় সভাসদ। বেটা বাজা থেকে মহাবাজা হ'য়েছে!

৪র্থ সভাসদ। হবেন না? উনি যে এখন শিব ছেড়ে দুর্গার ধ্যানে বসেছেন। ঔর উপর সম্রাজীর কৃপাদৃষ্টি পড়েছে!

২য় সভাসদ। আচ্ছা, ঐ রাজা সম্রাটের পুত্রকে হত্যা কবলে; আর সম্রাট তাকে কিছু বলেন না?

৭র্থ সভাসদ। ওতে হুসেন! তুমি বলঃ—কিন্তু—নিশ্চয় রাজনীতি কিছুই বোঝো না।

৩য় সভাসদ। কৃষ্ণদাস! তুমি যে সব ক্রিয়াবিশেষণগুলো এক নিশ্বাসে বলে' ফেলো।

বন্দরের বাজার প্রবেশ

৩য় সভাসদ। মহারাজের জয় হোক।

বাজা। হেঁ হেঁ হেঁ—মহাশয়দেব অন্তগ্রহ ! মহাশয়দের অন্তগ্রহ ।

৩য় সভাসদ। মহাবাজ যে খসককে হত্যা করে' মহাবাজ খেতাব পেয়েছেন—সেটা আমবা আদবেই ভুন্তে পারছি না, দেখছেন মহারাজ ?

৬র্থ সভাসদ। বাজা থেকে একেবাবে মহারাজ—কি লাফটাই দিয়েছেন। বাদবের রাজ্যের উপযুক্ত লাফ।—(অন্য সভাসদদিগকে) বলেছিলাম ও মহারাজ হবে ।

বাজা। হেঁ হেঁ হেঁ হেঁ—

১ম সভাসদ। আবার পাক খাচ্ছে দেখ। পাক খাচ্ছে দেখ—উঃ কি ঘৃণ্য !

২য় সভাসদ। ঠিক কেন্দুগেব মত ।

৭র্থ সভাসদ। এই উপমাটি বেশ দিয়েছো ভ্রমেন—

৩য় সভাসদ। কুমার সাজাহান বলেন, যে খসককে হত্যা কবে' আপনি তাঁর যে উপকার করেছেন—নিজেব ভাইয়েও অমন করে না ।

বাজা। হেঁ হেঁ হেঁ হেঁ—তা এমনই কি—এমনই কি। সামান্য কর্তব্যমাত্র ! সামান্য কর্তব্যমাত্র !

১ম সভাসদ। কর্তব্যমাত্র !—পাষণ্ড !

এই বলিয়া প্রথম সভাসদ রাজাকে পদাঘাত করিতে উত্তত, এই

ভাব তাঁহার প্রতি ধাবমান হইলে রাজা

লক্ষ দিয়া পলায়ন করিলেন

৩য় সভাসদ। বেশ লাফ দিয়েছে। বাদরের রাজ্যের কাছে চালাকি !

২য় সভাসদ। এখন নিজের গর্দানা বাঁচাও। জানো ও সাম্রাজ্যের জীব ?

১ম সভাসদ। ওকে মেরে আমি নিজের গর্দানা দিতে স্বীকার আছি। বেটা পাষণ্ড ! বস্ত শৃগাল !

১র্থ সভাসদ। না, বন্ধ শৃগাল নয়। ওটা কেন্নুই।—কি উপমাটাই দিয়েছো—একেনাবে ঠিক কেন্নুই।

২য় সভাসদ। ঐ বে মন্ত্রী মহাশয় আসছেন।

আসফের প্রবেশ

১র্থ সভাসদ। কি মন্ত্রী মহাশয়! বাদশাহ আজ কিছু নতুন হুকুম জারি কবেছেন?

আসফ। হা, কবেছেন। বাদশাহের হুকুম যে, আপনাবা আজ বাত্রে সবাই মদ খান আর শান্তি ককন।

২র্থ সভাসদ। শোভনান্না। এ হুকুমটাব মানে আছে! বেশ বোঝা যাচ্ছে।

আসফ। কিন্তু—

৩য় সভাসদ। দেখো—এব মধ্যে যদি ‘কিন্তু’ ঢোকাও ত চোকাবো।

আসফ। ‘কিন্তু’টা এব ভেতর নয়—এব বাহবে।

২য় সভাসদ। সে ‘কিন্তু’টা কি?

আসফ। সে ‘কিন্তু’টা আপনাবা কিন্তু পছন্দ করবেন না বোধ হয়। সে বেশ একটু কিন্তু।

৩য় সভাসদ। কি বকম?

১র্থ সভাসদ। কিন্তু না এব?

আসফ। ‘কিন্তু’।

২য় সভাসদ। বলে’ যেল ‘কিন্তু’টা। বেডে কোপ মাবো। ঘাড় পোত আছি।

আসফ। তবে শুধন কিন্তুটা। সম্রাট নিজে কাণ বিধিয়েছেন, আর কুণ্ডল পবেছেন। এব হুকুম দিয়েছেন যে, সভাসদের কাণ বেগাতে হবে, আর কুণ্ডল পবে হবে। নৈলে সভায় যাবাব আপনাদের অনুমতি নেই।

২য় সভাসদ। সে কি বকম ?

আসফ। কি বকম আবার ! ঐ বকম ।

৩য় সভাসদ। না না, তামাসা। না আসফ ?—তামাসা ?

আসফ। তবে দেখুন, এই তাঁব আঞ্জা পত্র— (আজাপত্র দেখাইলেন)

১ম সভাসদ। এই নেও—বল্ছিলাম না ? সম্রাট এমন অপদার্থ না হ'লে এই পাষণ্ড মহাবাজ হয় !

২য় সভাসদ। তাইত ।

৬র্থ সভাসদ। এ ত ভারি গোলমেলে ন্যাপাব গোল দেখছি । আমরা যদি কাণ বিধিয়ে মাকড় পত্তে স্তব করি, তা হ'লে “বাড়ীৰ মধ্যে” বা কি কর্কেন ?

২য় সভাসদ। কাণে কলম গুঁজবেন বোধ হয় ।

১ম সভাসদ। সে হুকুমও কবে বেরায় দেখ না ।

২য় সভাসদ। না এ “যা ইচ্ছে তাই” হুকুম ।

৩য় সভাসদ। তা আর কি হবে । চল কাণ বেঁধানো যাক— সম্রাটের আঞ্জা যখন ।

১ম সভাসদ। কখন না । আমরা বিদ্রোহ করি । ক্রীতদাসরাই কাণ বিধোয়—বেজায় অপমান ।

৬র্থ সভাসদ। যা ইচ্ছে তাই ।

২য় সভাসদ। তাইত ।

আসফ। কি কর্কেন ঠিক করলেন ;—কাণ বিধোবেন, না বিদ্রোহ কর্কেন ?

১ম সভাসদ। তুমি ঠাট্টা করছ । সম্রাটের মন্ত্রী হ'য়ে একেবারে—

৩য় সভাসদ। হাঁ, মন্ত্রী হয়েছো, তাও সম্রাটের শালাঘের জোরে । আমরা যদি সম্রাটের শালা হ'তাম ।

আসফ। হ'তে কতক্ষণ !

দ্বিতীয় দৃশ্য

স্থান—নুরজাহানের কক্ষ । কাল—রাত্রি

নুরজাহান একাকিনী সে কক্ষে দাঁড়াইয়াছিলেন

নুরজাহান । এও একটা নেশা । শ্বশুর প্রায় শিখরে উঠেছি, তবু আরও উঠতে চাই । কিন্তু নুরজাহান ! সাবধান !—তুমি আজ সেই শিখরের কিনারায় দাঁড়িয়েছো । সাবধান !—তাইবা কেন ? সাবধান কিসের জন্ত ?—ভয় কিসের ? কার জন্ত ভাববো ? আমার কণা—যার জন্ত এত মন্ত্রণা, এত চক্রান্ত, সেও আমার নিদ্রোহী ! আর কার জন্ত দ্বিধা কনো ? আজ সব বন্ধন ছিন্ন করে বেরিয়েছি । এ বিশাল সংসারে আজ আমি একা । আর কাকে ভয় ? কিসের জন্ত ভয় ?—দাঁও, ঘোড়া ছুটিয়ে দাঁও, নুরজাহান ! পড়ো, পড়বে । হয় জয়, না হয়—মৃত্যু । আর আমারও সাধাও নাই যে আমাকে ফিরাই ।

আসফ ও জাহাঙ্গীরের প্রবেশ

জাহাঙ্গীর । নুরজাহান, সম্রাটের বিবেচনা করেন যে, মহাবৎ খাঁর কাছে কৈফিয়ৎ চেয়ে পাঠালে তিনি কৈফিয়ৎ দিবেন না ।

নুরজাহান । কি কর্বে ?

আসফ । সম্রাটের আজ্ঞাকে তুচ্ছ কর্বেন, হয়ত বিদ্রোহ কর্বেন ।—সম্রাজ্ঞী ! বাহ্য একটা পরিবার । রাজা পিতা । প্রজাগণ তাঁর সম্ভান । রাজা সম্মুখে তাদের প্রতি ব্যবহার করলে তারাও সে স্নেহের প্রতিদান করে । কিন্তু রাজা তাদের বিনা কারণে উত্যক্ত করলে, তারাও রাজাকে উত্যক্ত করে ।

নুরজাহান । করুক ! তাতে উরাই না । বিদ্রোহীর দমন কর্তে আমরা জানি ।

জাহাঙ্গীর । নূরজাহান । সৈন্যদেব উপর মহাবৎ খাঁর অত্যন্ত প্রতিনি-
পত্তি দেখে তুমিই প্রস্তাব করেছিলে, যে তাকে সেনাপতি-পদ থেকে
চ্যুত কবে' বঙ্গদেশেব সুবাদাব কবে' পাঠানো হোক । তাই তাকে কুমার
পলাভেজেব অধীনে বঙ্গদেশে' সুবাদাব কবে' পাঠানো হয় । এখন দেখছি
— তাতেও তোমার আপত্তি ।

নূরজাহান । আপত্তিব কাবণ না থাকলে আপত্তি কর্তাম না জাঁহা-
পনা । মহাবৎ উড়িষ্যা জয় কবে' শতাধিক হস্তী নিয়ে এল । কিন্তু
সেগুলো এতদিনে আশ্রয় পাঠানোব দাবকাবই বিবেচনা কবলে না । ~~কিন্তু~~
সব সম্রাটেব সম্পত্তি—সেনাপতিব নয় ।

আসফ । হস্তী পাঠানাব সময় এখনও অতীত হয় নি সম্রাজ্ঞা ।

নূরজাহান । অতীত হয় নি ? আসফ, তুমি মন্ত্রীপদের অবমাননা
কর্ছ । আমি দেখতে পাচ্ছি—মহাবৎ সম্রাটেব প্রভুত্ব অবাধে তুচ্ছ
কর্ছে—সে সুযোগ পেয়ে বঙ্গদেশে বিদ্রোহেব বীজ বপন করছে ।

জাহাঙ্গীর । অসম্ভব ।

নূরজাহান । অসম্ভব কিছুই না, জাঁহাপনা । শুধু একটা জিনিস
অসম্ভব—মবে' গিয়ে ফিবে আসা । এই মহাবৎ খাঁ সম্রাটেব সম্মুখে সদর্পে
বাক্তে পানে—“কার সাব্য আমায় বন্দী কর ।” তবু জাঁহাপনা মহাবৎ খাঁ
বলে' অজ্ঞান , তবু জাঁহাপনা প্রত্যাষে প্রদোষে একবার মহাবৎ খাঁব নাম
জপ কবেন । মহাবৎ খাঁব উপর জাঁহাপনার অগাধ বিশ্বাস, মহাবৎ খাঁ
জানে,—আব সে তাব বোগ্য ব্যবহারই কবছে ।

জাহাঙ্গীর । আমি মানুষকে বিশ্বাস কবে' যা ঠকেছি, অবিশ্বাস করে
তাব চেয়ে বেশী ঠকেছি, নূরজাহান ।

নূরজাহান । জাঁহাপনার অভিকৃতি । কিন্তু আমি এ-কথা বলে'
বাখি যে, সম্রাট সাজাহানেব বিদ্রোহেই দারুপত্রের মত বিচলিত হয়ে-
ছিলেন , কিন্তু মহাবৎ খাঁ বিদ্রোহী হলে' সে বিরাট ঝগড়ায় ভূশাযিত হবেন ।

জাহাঙ্গীর । প্রথমতঃ, সম্রাজ্যের উপর একটা শান্তি বিবাজ কচ্ছে, কেন তাকে উত্যক্ত কর ?

মুহাজ্জাহান । জাহাপনা, বায়ন অত্যধিক নিশ্চলতা ঝটিকার সূচনা করে, জানেন কি ?

জাহাঙ্গীর । তুমি কি কর্তে চাও ?

মুহাজ্জাহান । আমি শুরু মহাবৎ খাঁকে বঙ্গদেশ হ'তে পঞ্জাবে বদলী কর্তে চাই । এ এমন নিশেষ কিছু নহে । তবে আমাদের রাজধানী লাঠোর তাব অধিকারের বহির্ভূত বইবে ।

আসফ । মহাবৎ খাঁ গর্হী, সে এ অপমান সহ্য কববে না ।

জাহাঙ্গীর । (মুহাজ্জাহানকে) তাতে লাভ ?

মুহাজ্জাহান । তাব শক্তির পবিধি হ'তে তাকে সবানো যাবে । অব সে পঞ্জাবে আমাদের চক্ষে উপর থাকবে ।

জাহাঙ্গীর । যা এছাড়া কব ।—আমি ভাবতে পারি না, ভাবতে চাই না ।

মুহাজ্জাহান । উত্তম ।—মন্ত্রি । তুমি তাকে এটী আক্রমণ পাঠাবাব বন্দোবস্ত কব । আমি নিজে হাত, আক্রমণে নিজে বাথুছি ।

আসফ । সম্রাটের কি এ আক্রমণ ?

জাহাঙ্গীর । যাও আসফ ।—কেন বিবক্ত কর ?

আসফ । হুকুম না বিনয় চিন্তা গেলেন

জাহাঙ্গীর । তোনার সম্রাজ্য তুমি শাসন কব প্রিয়ে । এখন নিজে এসো আমার সম্রাজ্য—সুন্দর, সৌন্দর্য, সঙ্গীত ।

মুহাজ্জাহান । যে আক্রমণ জাহাপনা ।—বাদি ।

বিচারিকা প্রবেশ করিলে মুহাজ্জাহান তাহাকে সঙ্কত করিলেন । সে চলিয়া গেল । পরক্ষণেই আসফ হস্তে পুস্তক লেখা বন্দোবস্ত উচ্চল ভূষণ ভূষিত নর্তকীবৃন্দ একটা ধোঁকাতের পঙ্কজ, নত সম্রাটের দৃষ্টিপথে উদ্ভিত হইল

মুরজাহান । দেখুন জাহাপনা !—

জাহাঙ্গীর । এই আমার সাম্রাজ্য—মহিমাময় !—নাচো ।

বাড়ের সহিত নৃত্য আরম্ভ হইল । সুরা আসিয়া । মুরজাহান স্বহস্তে সুরা
ঢালিয়া জাহাঙ্গীরকে দিলেন । জাহাঙ্গীর পান করিলেন । কহিলেন—

“সুখের কি উৎসই আবিষ্কৃত হয়েছিল । আনন্দের কি যন্ত্রই তৈরী
হয়েছিল !—গাও ।”

নর্তকাগণের গাত

গম্ভীর গরজন বাজে মৃদঙ্গে—

শিঞ্জিনী ঝিনিঝিনি উচ্চলি নঙ্গে ।

সুন্দর, মনোগরা, চঞ্চল সারি সারি

নাচিছে নটনারী—বিবধ ভঙ্গে—

হাস্তে, নাস্তে, বিক্রম বঙ্গে ।

উঠ তবে সঙ্গীত তানে তালে—

ছাও গগন সে ঘন স্বরজালে ,

ছিঁড়িয়া বন্ধনে ফাটিবে কন্দনে,

কমে সে যাবে মিশি' আকাশ অঙ্গে

--শোক বিনীরব তান-তরঙ্গে ।

জাহাঙ্গীর । কি মধুব সঙ্গীত, মুরজাহান । সে বাসনা জাগিয়ে
তোলে অথচ পূর্ণ করে না ; নন্দনের সৌরভ এনেই তাকে দীর্ঘনিঃশ্বাসে
উড়িয়ে নিয়ে যায় , সৌন্দর্যের আবরণ খুলেই অমনি ঘন নীল মেঘ দিয়ে
তাকে ঘিবে নিবে চলে' যায় ! খড়িয়েব মত হাঙ্গাকারে চারিদিকে
ছড়িয়ে পড়ে ।

মুরজাহান কিন্তু জাহাঙ্গীরের কথা শুনিতেছিলেন না , নৃত্য দেখিতেছিলেন না ।
গাঁহার দৃষ্টি দূরে শূণ্যে নিবদ্ধ ছিল ।

জাহাঙ্গীর । সঙ্গীত—যার পান যেন একটা পিপাসা ; উল্লাস যেন

একটা আক্ষেপ, ঠাণ্ডা মেন একটা হাট্কার ; আলিঙ্গন যেন একখানা
ছোঁচা ; অমৃত যেন সে গরল ; স্বর্গ যেন সে নরক !—গাও আবার গাও ।

নওকীরা আবার গাইল—

গীত

আমরা এমনিই এসে ভেসে যাই—

আলোর মতন, হাসিব মতন, কুমুদগন্ধ রাশির মতন,
হাওয়ার মতন, নেশার মতন, ঢেউয়ের মতন ভেসে যাই ।

আমরা অরুণ কনক কিরণে চড়িয়া নামি,

আমরা, সান্না রবির কিরণে অন্তগামী ,

আমরা শরৎ ইন্দ্রধনুর বরণে, জ্যোৎস্নার মত অলস চরণে,
চপলার মত চাঁক ও চমকে, চাঁহিয়া, ক্ষণিক হেসে' যাই ।

আমরা মিত্র, কাণ্ড, শাস্তিসুপ্তিভরা ;

আমরা হাসি বটে, ওষু কাহারে দিই না ধরা,

আমরা গামলে, শিশিরে, গগনের নীলে,

গানে, সুগন্ধে, কিরণে—নিগিনে,

স্বপ্ন-রাজ্য হ'তে এসে, ভেসে, স্বপ্ন-রাজ্যদেশে যাই ।

হঠাৎ কক্ষ অতি মৃদু অঙ্ককারে ছাইয়া আসিল, ও নওকীগণ নিমেষে অদৃশ্য হইল ।

নেপথ্য হইতে অতি মৃদুস্বরে বাস্ত বাজিতে লাগিল— ক্রমে ক্রমে সে বাস্ত ধাম্বিল ।

সেই নিস্তর মৃদু অঙ্ককারে জাহান্নীর ডাকিলেন—

“মুরজাহান !”

মুরজাহান । জাহাপনা !

জাহান্নীর । তুমি দেবী না মানবী ?

মুরজাহান । আমি গিলাচী ।

তৃতীয় দৃশ্য

স্থান—বঙ্গদেশ, মহাবৎ খাঁর ভবন। কাল—মধ্যাহ্ন

মহাবৎ খাঁ বেড়াইতে বেড়াইতে ভাবিতেছিলেন

মহাবৎ । সগর সিংহের পুত্র, রাণা প্রতাপ সিংহের ভ্রাতৃপুত্র, আমি মহাবৎ খাঁ—বিধর্মী মোগলের দাস। বিধর্মী হয়েছিলাম প্রথম যৌবনের উচ্চাশাব উন্মাদনায় ; প্রভুত্বের, বাজসম্মানের গোভে। সে প্রভুত্ব, সে সম্মান, আমি পেয়েছিলাম। আমি মোগলের সেনাপতি হয়েছিলাম। মোগল সেনানী আমায় মান্তো, যেন আমি তাদের সৃষ্টি, যেন আমায় শক্তি একটা দৈবশক্তি, যেন আমায় কাব্য ঈশ্বরের প্রবেশ। সাম্রাজ্যী নরজাগান আমায় তাই ভয় করেন। তাই তিনি আমায় সেনাপতি পদচ্যুত করে' বঙ্গদেশের সুবাদার হবে' পাঠিয়েছেন। এই প্রভুত্ব আমি পেয়েছিলাম।' কিন্তু কৈ, কিছু পেলাম কি! দেশ ধম্ম ছেড়ে, স্নেহের বন্ধন ছিন্ন হবে', বেক্রচ্যুত হয়ে, উদ্ভ্রান্ত ধম্মকেতুর মত ছুটেছি—কোথায়! নিজের ঈপ্সিত স্বর্গলাভেও বৃষ্টি স্থখ নাই। পবের জন্ত, ভায়ের জন্ত, দেশের জন্ত, না খাটলে বৃষ্টি স্থখ অর্পূর্ণ র'য়ে যায় ; একটা অসীম আকাঙ্ক্ষাই র'য়ে যায়।—এই যে সাহজাদা।

পরভেজের প্রবেশ

মহাবৎ । বন্দেগি সাহজাদা।

পরভেজ । মহাবৎ খাঁ! পিতা তোমার উপর অত্যন্ত বিবর্ত হয়েছেন, আর বঙ্গদেশের সুবাদার হ'তে চ্যুত করে তোমায় পঞ্জাবের শাসনকর্তা করেছেন।

মহাবৎ । সে কি।—পঞ্জাবে ?

পরভেজ । হাঁ পঞ্জাবে । তবে লাহোর তোমার অধিকারের বাহিবে
রৈবে ।

মহাবৎ । সে কি ? কারণ ?

পরভেজ । কারণ আমায় কিছু লিখেন নি । এ চিঠি তোমাৎ
দেখাতে দিতে আমার আপত্তি নাই । এই দেখ ।

পত্র দেখাইলেন

মহাবৎ । (পত্র পড়িয়া) আশ্চর্য্য । সাহজাদা !—এর কোন কারণ
অগ্ৰমান করেছেন কি ?

পরভেজ । না ।—আদাব মহাবৎ খাঁ ।—

বলিয়া পরভেজ চলিয়া গেলেন

মহাবৎ । বুঝেছি । এও সেই নারী । আমায় সেনাপতিপদচ্যুত
করে, আমায় সমবশিষ্ট পরভেজের অধীন কর্মচারী ক'রেও তাঁর
প্রতিহিংসাপ্রবৃত্তি চরিতার্থ হয়নি । তিনি আমাকে ধাপে ধাপে নামিয়ে
নিতে চান ।—নূরজাহান ! উচ্চাশার বিষ তোমার মাথায় উঠেছে ।
নিজেই পুড়ে মর্কীর জন্তু তোমার চারিদিকে তুমি আগুন জ্বালাছ ।
নিজের হাতে নিজের কবর তৈরি করচ্ছ ।—তোমার বিনাশ বহুদূর নয় ।

চতুর্থ দৃশ্য

স্থান—লাহোরের প্রাসাদ অন্তঃপুর । কাল—প্রভাত

নূরজাহান একাকিনী মহাৎ পর্য্যবেক্ষণে, মখমলের তাকিয়ায় হেলিয়া বসিয়াছিলেন

নূরজাহান । আমার জীবন একটা গভীর শূন্য গহ্বর । জল নাই,
তাই রক্ত দিয়ে তাকে পূর্ণ করে রেখেছি । শূন্য গহ্বরের চেয়ে সেও
ভালো । আমার বর্তমান একটা বিরাট নৈরাশ্য । তাই একটা বিরাট

গাংগাকারে তাকে ব্যাপ্ত করে' রেখেছি। নৈলে এ নৈরাশুর নিস্তরতা
অসহ হ'য়ে ওঠে। আমি ছুটেছি যেন নিজে থেকে নিজে পালাবার জন্ত
ভাবছি—বিকারের উত্তাপে; কার্য কাঁচু—অক্ষুশতাড়নার উন্মাদনায়।

আসফ প্রবেশ করিলেন

নূরজাহান। কি সংবাদ আসফ?

আসফ। মহাবৎ খাঁ স্বয়ং এসেছেন। তিনি শিবিবেন বাইরে
সম্রাটের সাক্ষাতের প্রতীক্ষায় আছেন।

নূরজাহান। সাক্ষাতের প্রয়োজন নাই। বল গে।

আসফ। সে কি সম্রাজ্ঞী! তিনি সাক্ষাৎ মাত্র চান, তাও—

নূরজাহান। চুপ্। উপদেশ চাই নাই। আজ্ঞা পালন কর।
মহাবৎ খাঁকে বল, যে সম্রাটের আজ্ঞা এই যে, সে যেন এই মুহূর্তে পঞ্জাব
বাত্ম করে। সাক্ষাতের প্রয়োজন নাই।

প্রস্থান

আসফ। ভারতের বর্তমান ইতিহাস দাঁড়িয়েছে—এক নারীর
অবাধ স্বেচ্ছাচারের ইতিহাস।

এই সময়ে জাহাঙ্গীর সেইখানে আসিলেন। আসফ তাঁহাকে অভিবাদন করিলে
জাহাঙ্গীর জিজ্ঞাসা করিলেন—

‘কি সংবাদ আসফ?’

আসফ। সম্রাজ্ঞীর কাছে আজ্ঞার জন্ত এসেছিলাম!

জাহাঙ্গীর। কি বিষয়ে?

আসফ। এই সম্রাজ্ঞীর আজ্ঞা দেখুন। আর কিছু বলার প্রয়োজন
হবে না।

জাহাঙ্গীর পত্রখানি পাঠ করিয়া নীরবে প্রত্যর্পণ করিলেন

আসফ। জাহাপনা। এই আজ্ঞা পালন কর্তে হবে?

জাহাঙ্গীর। অবশ্য। যাও।

আসফ চলিয়া গেলেন

জাহাঙ্গীর । নূরজাহান—বড়ই ক্ষিপ্তবেগে ঘোড়া ছুটিয়ে দিয়েছে—

নূরজাহান পুনঃ প্রশ্ন করিয়া সম্রাটকে দেখিয়া কহিলেন—

“এই যে সম্রাট্ ।”

জাহাঙ্গীর । নূরজাহান ! তুমি মহাবৎকে আমার সঙ্গে সাক্ষাৎ কর্তে দাও নি ?

নূরজাহান । না । কেন দিই নাই শুন্বেন ? পড়ুন এই মহাবৎ খাঁর পত্র !

জাহাঙ্গীর পত্র লইয়া পাঠ করিতে লাগিলেন

সে তার জামাইকে দিয়ে এই পত্র পাঠিয়েছিল । কি স্পর্ধা ! আমি তার জামাতার মস্তক নুগুন করে' গাধার পীঠে চড়িয়ে ফিরে পাঠিয়ে দিয়েছি ।

জাহাঙ্গীর । তা না করলেও চলতো । (পত্র প্রত্যর্পণ করিলেন)

নূরজাহান । চলতো ? সাম্রাজ্যের একজন সামান্য প্রজা যে এ রকম কথা বলতে পারে, যে সম্রাট তাব প্রাণ বক্ষার জন্য কি জামিন দিতে পারেন, এরকম দাবী—এ রকম ভাবা, যে সে ব্যবহার কর্তে পাবে, তার কারণ সম্রাট্ তাকে অত্যধিক 'নাই' দিয়েছেন ।

জাহাঙ্গীর । নূরজাহান ! তুমি আমার সঙ্গে সাম্রাজ্য সম্বন্ধে এই রকম বাক্যলাপ কর, বেন আমি দুষ্কপোষ্য শিশু, আর তুমি দ্বিতীয় বাইরাম খাঁ । নূরজাহান ! মহাবৎ খাঁ সাম্রাজ্যের একজন যে সে সামান্য প্রজা নয় । সে সৎ, গর্বী, ক্ষমতাশালী—তিনটে ভয়ানক গুণ । মনে রেখো ।

নূরজাহান । আমার প্রতি সম্রাটের বিশ্বাস না থাকে, বাজ্যের রশ্মি সম্রাট্ নিজের হাতে ফিরে নে'ন ।

জাহাঙ্গীর । না প্রিয়ে । আমি যা পরিভ্যাগ করেছি, তা আর ফিরে নিতে চাই না । সাম্রাজ্য ধ্বংস হ'য়ে যাক । আমি ক্ষুব্ধ নই ।

শূরজাহান । (ক্ষণেক গুস্তিত হইয়া বহিলেন : পবে কহিলেন) কি হয়েছে নাথ !—এমন কিছু ঘটেছে কি, যাতে আমার প্রভু আমার উপর বিরক্ত হয়েছেন ?

জাহাঙ্গীর । তোমার উপর বিরক্ত হবো ? আমি ?—তোমার কি মোহমত্তে আমার মগ্ন করে' বেখেছো হে যাহুকবো ! তোমার কি বিষাক্ত নিঃশ্বাসে আমার অভূত করে' বেখেছো—হে ঙ্গল ভূম্পা ! আমি তোমায় মগ্ন হয়ে আছি, উঠতে পারছি না। গাথ হারিয়ে গিয়েছি, বেনোবাব সাধা নাহ।—তোমার উপর বিরক্ত হব ?

শূরজাহান । তবে জাঁতাপনা বিরক্ত হন নাহি ?

জাহাঙ্গীর । না শূরজাহান । একটা কথা । কথা বান্ছিলাম মাত্র । তোমার সাম্রাজ্য দিয়েছি, ভোগ কর, ধ্বংস কর । আমি যে সাম্রাজ্য পেয়েছি, তাব কাছে এ কিছুই নয়—চল নাট্যমন্দিবে ।

শূরজাহান । চলুন ।

জাহাঙ্গীর । সুরা, সৌন্দর্য ও সঙ্গীত আমার ঘিবে রাখুক । আর এব উপর তুমি তোমার রূপ, কর্তৃত্ব, চূড়ন, আলিঙ্গন দাও প্রিয়ে । চক্ষু থেকে পৃথিবী নিভে যাক ।—ক'দিনের এই সম্ভাব !

পঞ্চম দৃশ্য

স্থান—উদয়পুরে সাজাহানের প্রাসাদ । কাল—মধ্যাহ্ন

মেবারের রাণা কর্ণসিংহ ও কুমার সাজাহান কথোপকথন করিতেছিলেন

কর্ণ । সাহজাদা আমার আতিথ্যের কোন ক্রটি হচ্ছে না ?

সাজাহান । ক্রটি নাগা !—আমি সপরিবারে এখানে যে শান্তি সুখে আছি, আগ্রায় তা ছিলাম না । আপনি আমার জন্য প্রানাদ তৈরি করে

দিয়েছেন, সিংহাসন তৈরি ক'রে দিয়েছেন, আমার আরাধনার জন্তু
মাদার মসজিদ তৈরি করে' দিয়েছেন।

কর্ণ। সাহজাদার যখন যা ইচ্ছা হয়, অনুগ্রহ করে' ব্যক্ত কর্বেন।
আমি সাধ্যমত তা পূর্ণ কর্বি।

সাজাহান। আমার ইচ্ছা সব ব্যক্ত কর্বার আগেই পূর্ণ হয়েছে।

মেবার সেনাপতি বিজয় সিংহের প্রবেশ

কর্ণ। কি সংবাদ বিজয় সিংহ ?

বিজয়। বাহিরে মোগল সেনাপতি—মহাবৎ খাঁ মহারাণার সাক্ষাৎ
প্রার্থী।

কর্ণ। মহাবৎ খাঁ ?

বিজয়। হা মহারাণা।

কর্ণ। তাঁকে সসম্মানে নিয়ে এস।

বিজয় সিংহের প্রস্থান

সাজাহান। মহাবৎ খাঁ হঠাৎ এখানে !

বিজয় সিংহের সহিত মহাবৎ খাঁর প্রবেশ

মহাবৎ। বন্দেগি সাহজাদা ! বন্দেগি রাণা !

সাজাহান। বন্দেগি মহাবৎ খাঁ।

রাণা। বন্দেগি সেনাপতি।

মহাবৎ। আমি এখন আর সেনাপতি নই রাণা।

সাজাহান। তা বটে—তুমি ত এখন বন্ধের সুবাদার।

মহাবৎ। তাও নই। সম্রাজ্ঞীর অনুগ্রহে আমি সে সম্মান হ'তেও
চ্যুত হয়েছি।

সাজাহান। সে কি ! তবে তুমি এখন কি ?

মহাবৎ । কিছু না—একজন পুৰাতন রাজপুত সৈনিক । আমি বিধৰ্মী হয়েছি বটে ।—হায সে কালিমা আর ধৌত কর্কার উপায় নাই । কারণ শত তপস্শায়ও আর হিন্দু হ'তে পারি না ।—তবে এবার ইচ্ছা হয়েছে, যে একবার হিন্দুর হ'য়ে লড়বো, যেমন এতদিন মুসলমানের হ'য়ে লড়েছি ।

সাজাহান । কি মহাবৎ । ব্যাপারখানা কি ?

মহাবৎ । ব্যাপারখানা এই—যে সম্রাট এখন আর জাহাঙ্গীর নন ।—সম্রাট সুৰজাহান । বিনা দোষে তিনি আমায় সেনাপতিপদচ্যুত করে পরভেজের অধীনে বঙ্গদেশের সুবাদার করে' পাঠান ; আবার বিনা দোষে পঞ্জাবে বদলি করেন । আমি একবার সম্রাটের সাংক্ষাৎ চেয়েছিলাম, তার উত্তরে আমার জামাতার মস্তকমুণ্ডন করে', গাধার পীঠে চড়িয়ে ফিরে পাঠান ! তার পরে আমি নিজের শিবিরদ্বারে গিয়েছিলাম, দূরীভূত হয়েছি ।—ব্যাপারখানা এই ।

সাজাহান । আশ্চর্য্য সাহস সেই নারীর ।

কর্ণ । তা আপনি হঠাৎ এখানে এলেন যে খাঁ সাহেব ।

মহাবৎ । আপনার অধীনে একটা চাকুরী খুঁজতে । আমি পুরাতন রাজপুত সৈনিক—ধন্যে যা'ই হই ।—মেবার আমার জন্মভূমি । আপনি মেবারের রাণা । আপনার অধীনে একটা সৈন্যধ্যক্ষের পদ চাই । তার অবমাননা কর্কা না ।

কর্ণ । আমি এই দণ্ডে আপনাকে আমার সমস্ত মেবার সৈন্তের অধিনায়ক কর্লাম ।

মহাবৎ । মেবারের রাণার জয় হোক । (পরে সাজাহানকে কহিলেন) সাহজাদা ! আমায় নেমকহারাম ভাববেন না । আমি মোগলের দাস হয়েছিলাম, বিধৰ্মী হয়েছিলাম, স্বদেশের বিপক্ষে লড়েছিলাম ;—কারণ সম্রাটের নিমক খেয়েছিলাম । তবে এখন আর আমি

তঁাব কিছু ধাবি না। সম্রাট্ স্বহস্তে তে বন্ধন কেটে দিযেছেন। এতদিন একটা পিঞ্জরবন্ধ ব্যাধের চাণ্ড গর্জাচ্ছিলাম, আজ পিঞ্জর ভেঙ্গে বেরি। একবার দেখাবো যে আনাকে এতদিন মোগলের পক্ষে ধ'বে রেখোছিল যে—এই আনাব ধন্য, মোগলের শক্তি নয়।

সাজাহান। মহাবৎ খা। আমি তোমাব এ ক্রোব বুঝতে পাচ্ছি। শিতা সমাজীৱ হস্তে বন্দমাত্র। সম্রাজ্ঞা এক স্বেচ্ছাচারিণী নারী—যাঁর উচ্ছৃঙ্খল. বাক্যে বাস কবা কোন আত্মাভিমानी ব্যক্তিব পক্ষে অসম্ভব। আমি তাঁর উদয়পূবে এসে বাণাব আতিথেয় বাস দি। তুমি তাঁকে দমন বর্ধে চাও, এমন বি হুগি যদি এ স্বেচ্ছাচার গজতবে নামিয়ে আবার হিন্দুব সাম্রাজ্য পুনঃ স্থাপন কত্তে চাও, তাতেও আমাব সম্পূর্ণ সহানুভূতি আছে। চাও ত আমি সে উদ্দেশ্য সাধনেব সাহায্য কর্ব।

মহাবৎ। সাজাহাদা আপনি মহৎ।—বাণা। ছয়মাসেব ভ্রম এতৈ সৈন্তেব মরো ৫০০০ বাহুপুত অশ্বাবোত্তেব নিযোজনেব অবাধ অধিকার আনি ভিক্ষা করি।

সাজাহান। এই পাচহাজার সৈনিক নিণে তুমি কি করবে মহাবৎ ?

মহাবৎ। সম্রাট্‌এব সঙ্কে দেখা কর্বো। তিনি আমাব সঙ্কে দেখা বর্ধেন না। কিন্তু আমি তাঁর সঙ্কে দেখা কর্বো।—বাণা। আমি আব কোন বেতন চাই না। এই আমাব অগ্রিম বেতন। এই অল্প গ্রহটুকু 'ভন্ন আপনাব চরণে আজীবন বিক্রীত হ'য়ে থাকবো।

বর্গ। আমাব কোন আপত্তি নাই. মেবাব-সেনাপতি।

মহাবৎ। বর্তমান সৈন্তাধ্যক্ষ কে ?

বর্গ। (বিজয় সিংহকে দেখাইয়া) ইনি। এ'ব নাম বিজয় সিংহ।

মহাবৎ। বিজয় সিংহ। তুমি ৫০০০ বাহুপুত অশ্বাবোত্তি নেছে নাও। এমন পাচ হাজার বেছে নেবে, যা'র জয়লাভ না কবে' যুদ্ধক্ষেত্র হ'তে ফেবে নি, যাবা কম কথা কম, যা'বা ইচ্ছাতে প্রাণ দিতে পাবে।

বিজয়। যে আজ্ঞা সেনাপতি।

মহাবৎ। বাবা ঈঙ্গিতে প্রাণ দিতে পাবে বিজয় সিংহ।—বাণী।
এখন আশা একটু বিশ্রামের অশ্রুমতি দিন। বড় ক্লান্ত হয়েছি।

কর্ণ। বিজয় সিংহ। এঁকে এখন বিশ্রামাগারে নিয়ে যাও। তাঁর
পরিচর্যা তুমি স্বয়ং পরিচর্যা কর।—বাণী।

মহাবৎ। বাবা ঈঙ্গিতে প্রাণ দিতে পাবে। বুঝলে বিজয় সিংহ?—
বাণী। যান প্রাণের চেহারা আশ্রমর্যাঁদা বড়, সে আশ্রমর্যাঁদা থাকবেই
থাকবে। আদ্য—

৭২। বাবা ঈঙ্গিতে প্রাণ দিতে পাবে। বুঝলে বিজয় সিংহ গো।

কর্ণ। সাহাজাহান।

সাহাজাহান। বাণী।

কর্ণ। বুঝতে পারছি যে হিন্দু জাতির গণতন হয়েছে কেন।

সাহাজাহান। কেন বাণী?

কর্ণ। যখন মনে হয় যে মহাবৎ খাঁর মত ধর্মভীরু, কাম্যবাব ব্যক্তিকে
‘ওট কটক আচারগত বৈষম্যের জন্তু আপনার বলে’ জাতি মধ্যে আলিঙ্গন
কবে’ নিতে পারি না তখন বুঝি কেন আমাদের অবঃপত্তন হয়েছে।
যেখানে জীবন, সেখানে সে বাহিরের জিনিস টেনে নিতে কবে’ নেয়।
আর যেখানে মরণ, সেখানে সে শতধা হ’য়ে নিজেই গলে’ খসে’ পড়ে।
আমাদের এই মহাবৎকে আমরা ছেড়ে দিয়েছি—আর আপনারা আপন
কবে নিয়েছেন।—তাই আপনারা উঠছেন, আর আমরা পড়ছি।

ষষ্ঠ দৃশ্য

স্থান—সিন্ধুনদ

একপারে নুরজাহান ও মোগল সৈন্য অপরপারে রাজপুত সৈন্য । মধ্যে

সেতু । সেতুর উপরে রাজপুত সৈন্য । হস্তীর পৃষ্ঠে নুরজাহান

বসিযাছিলেন । তাঁহার সম্মুখে অধিপৃষ্ঠে আসফ

নুরজাহান । মহাবৎ খাঁ ৫০০০ মাত্র সৈন্য নিয়ে এসেছে, আর
তোমরা সব ভয়ে বিহ্বল হয়েছো—সৈন্যাদ্যক্ষ কোথায় ?

আসফ । তিনি ওপারে ।

নুরজাহান । মূর্খ । ওপারে কি কর্ছে—যখন সৈন্য সব এপারে ।
সৈন্যদের আজ্ঞা দাও, ওপারে গিয়ে রাজপুত সৈন্য আক্রমণ করুক ।

আসফ । সৈন্যাদ্যক্ষ ?

নুরজাহান । তোমায় সৈন্যাদ্যক্ষ নিযুক্ত করলাম ।

আসফ । সেতুপথ অগম্য । রাজপুত সৈন্য তা অধিকার করেছে ।

নুরজাহান । তা দেখেছি আসফ ! সেই রাজপুত সৈন্য ভেদ করে'
যাও ।

আসফ । তাতে বহু মোগল সৈন্য বিনষ্ট হবে ।

নুরজাহান । হোক ।—যাও আক্রমণ কর ।

আসফ প্রস্থান করিলেন

আশ্চর্য্য সাহস এই মহাবৎ খাঁর ! মোটে ৫০০০ সৈন্য নিয়ে মোগল
সৈন্য আক্রমণ করা অসমসাহসিক বটে ! ও কি শব্দ ?

একজন সৈনিক শব্দব্যস্তে প্রবেশ করিল ও কহিল—

“সম্রাজ্ঞী ! আমাদের সমস্ত রাজপুত সৈন্য মহাবৎ খাঁর সঙ্গে যোগ
দিয়েছে ।”

মুরজাহান । যোগ দিয়েছে ! সে কি !

সৈনিক । হাঁ জাঁহাপনা ! তারা যুদ্ধে মধ্য হঠাৎ “জয় মহাবৎ খাঁ” বলে’ চোঁচিয়ে উঠলো । পরে তারা সব মহাবৎ খাঁর সৈন্তের সঙ্গে মিশে গেল ।

সেতু-মধ্যভাগ স্থানিয়া উঠিল

মুরজাহান । সম্রাট এখনও ওপারে ?

সৈনিক । হাঁ খোদাবন্দ ।

মুরজাহান । অগ্রসর হও—কি আসফ ?—

আসফ প্রবেশ করিয়া কহিলেন—

“সম্রাজ্ঞী ! রাজপুত্র সৈন্য মহাবৎ খাঁর সৈন্তের সঙ্গে যোগ দিয়েছে ।”

মুরজাহান । তা শুনেছি । আর কিছ ?

আসফ । রাজপুত্র সৈন্য সেতুবন্ধ পুড়িয়ে দিয়েছে । ওপারে যাবার আর উপায় নাই ।

মুরজাহান । সম্রাট ওপারে ?

আসফ ! হাঁ, তিনি ওপারে ।

মুরজাহান । সম্ভরণ দিয়ে নদী পার হও ! আক্রমণ কর ।

আসফ । সম্রাজ্ঞী—

মুরজাহান । আক্রমণ কর ।

আসফের প্রস্থান

সৈন্তগণ জলে ঝাঁপিয়া পড়িয়া সম্ভরণ দিতে লাগিল

মহাবৎ খাঁর সৈন্তগণ সেতু ছাড়িয়া এপারে আসিয়া সেই সৈন্তের উপর বন্দুক

চালাইতে লাগিল । মুরজাহান ওপার হইতে ইহা দেখিতেছিলেন ।

পরে মাহতকে কহিলেন—

“মাহত ! হস্তী চালাও । ওপারে চল ।”

মাহত । খোদাবন্দ—

মুরজাহান । চালাও ।

[পট পরিবর্তন]

দুশান্তর

স্থান—সিগুনদেব গ্রীরে সত্রাটের শিবব। কাল—প্রভাত

দ্বারপার্শ্ব দুইজন প্রহরী দাঁড়াইয়া ছিল

প্রহরীদ্বয়। একি ? এ নব একি ?

১২জন সোনক শশ্যস্ত্রে সেইস্থানে আসিয়া ও অভিজানা করিল—

“এহ যে।—বাদসাহ কৈ ?”

১ম প্রহরী। কি হযেছে ? বাহবে এত গোল কেন ?

১ম সৈনিক। বাদসাহ কোথায় ? শত্রু বল।

১ম প্রহরী। কি হযেছে শুনি আগে।

২য় সৈনিক। বাজপুত সৈন্য শিবব আক্রমণ কবেছে।

১ম প্রহরী। সে কি। কোন্ বাজপুত সৈন্য ?

২য় প্রহরী। কত সৈন্য ?

১ম সৈনিক। পাঁচ হাজার। বাও বাদসাহকে খবর দাও এখনই।

২য় প্রহরী। আর আমাদের সৈন্য ?

১ম সৈনিক। সব ওপাবে।

২য় প্রহরী। তাবা খবর পাষনি ?

২য় সৈনিক। পেমোচে—বাও। আগে বাদসাহকে খবর দাও।

সময় নেই।

১ম প্রহরী। আমি ডাবছি বাদসাহকে।

প্রহরী

২য় প্রহরী। আমাদের সৈন্য এপাবে কত ?

১ম সৈনিক। হাজারের বেশী হবে না।

২য় প্রহরী। তাবা কি বহে ?

১ম সৈনিক। দুক কর্ছে, মর্ছে। আর কি কর্ছে। বাজপুত সৈন্য

ক্ষেপেছে। আর নিজে মহাবৎ খাঁ তাদের সেনাপতি। (নেপথ্যে বন্দুকের ধ্বনি) ঐ—ঐ।

২য় সৈনিক। ঐ এসে পড়লো।

যুদ্ধ করিতে করিতে মহাবৎ খাঁর সৈন্য ও সম্রাট সৈন্য প্রবেশ করিল।

মহাবৎ খাঁর সৈন্যের পশ্চাতে মহাবৎ খাঁ।

মহাবৎ। আর বধ কোরো না।—(সৈনিকগণ ক্ষান্ত হইলে মহাবৎ খাঁ কহিলেন)—মোগল সৈনিকগণ! অস্ত্র রাখো। নহিলে রুখা তোমাদের হত্যা কর্তে হবে। তোমাদের প্রাণ নিতে চাই না। আমি সম্রাটকে চাই। অস্ত্র রাখো—যদি বাঁচতে চাও।

সম্রাটসৈন্যগণ অস্ত্র পরিত্যাগ করিল

মহাবৎ। এখন সম্রাটকে ডাক।

জাহাঙ্গীর প্রবেশ করিলেন

জাহাঙ্গীর। এ সব গোলমাল কিসের?—এ কি! মহাবৎ খাঁ!

মহাবৎ। হাঁ জাঁহাপনা।

জাহাঙ্গীর। এর অর্থ কি মহাবৎ! ব্যাপার কি! এ বেশে! এ ভাবে!

মহাবৎ। নহিনে, দেখ্লাম, সম্রাটের দর্শন পাওয়া অসম্ভব। মাফ কর্বেন জাঁহাপনা যে, এ উপায় অবলম্বন কর্তে বাধ্য হয়েছি। কিন্তু সম্রাট্জী যখন বলে' পাঠালেন, যে মহাবৎ খাঁ সম্রাটের দর্শন পাবে না; মহাবৎ খাঁ প্রতিজ্ঞা করলে যে সে দেখা করবেই। আমি জানি জাঁহাপনা, যে অহুনয়ের চেয়ে যুক্তির, জোর বেশী; কিন্তু কামানের ধ্বনির কাছে কেহই লাগে না।

জাহাঙ্গীর। আমার সৈন্য?

মহাবৎ । সব ওপারে । তারা আর এপারে আসছে না জাঁহাপনা ।
তার আশা করেন না । আমি সেতুবন্ধ পুড়িয়ে দিয়েছি ।

জাহাঙ্গীর । ও !—বুঝেছি । মহাবৎ ! তোমার এই ঔদ্ধত্য মার্জনা
কব্লাম তোমার নৈহদের বিদায় দাও ।—নিশ্চয় যে ?

মহাবৎ । জাঁহাপনা । এরা আমার জীবনরক্ষার জন্ত সমুচিত জামিন
না নিয়ে যেতে চায় না ।

জাহাঙ্গীর । তোমার অভিপ্রায় কি ?

মহাবৎ । আমার অভিপ্রায় জাঁহাপনার ধারণা করিয়ে দেওয়া—যে
মহাবৎ গাঁঠিক জাঁহাপনার পোষা কুকুরটি নয়, যে আপনি “তু” করে’
ডাকবেন, আর সে লেজ নাড়তে নাড়তে আসবে ; আর আপনি “ছেই”
ক’বে পদাঘাত করবেন—আর সে লেজ গুটিয়ে পালাবে ।

জাহাঙ্গীর । (ক্রকুঞ্চিত করিয়া) মহাবৎ ! আমি তোমার প্রাত
অগ্নায় করেছি বটে ।—কি জামিন চাও বল ।

মহাবৎ । কিছু না । জাঁহাপনা, মৃগযায় যাবার সময় হয়েছে ।
চলুন । পরে বিবেচনা করা যাবে ।

জাহাঙ্গীর । মৃগযায় ?

মহাবৎ । হাঁ জাঁহাপনা, মৃগযায় ।

জাহাঙ্গীর । এখানে ত আমার মৃগয়ার অশ্ব নাই ।

মহাবৎ । আমি দিচ্ছি ।—বিজয় সিংহ ! আমার সর্বোৎকৃষ্ট অশ্ব
জাঁহাপনার জন্ত নিয়ে এসো । দেখো সে অশ্ব বেন ভারত-সম্রাটের
উপযুক্ত হয় । আর তুমি স্বয়ং সসৈন্তে এঁর পার্শ্বরক্ষক রৈবে । যাও ।

বিজয়সিংহ চলিয়া গেলেন

মহাবৎ । আসুন জাঁহাপনা ।

জাহাঙ্গীর । (ক্রকুঞ্চিত করিয়া)—বুঝেছি । তুমি আমাকেই
জামিনস্বরূপ রাখতে দাও ।—আমি তবে তোমার বন্দী ?

মহাবৎ । ঠিক বন্দী নন জাঁহাপনা । তবে আমি আপাততঃ জাঁহাপনার সুনামরক্ষার ভার নিলাম । জাঁহাপনা ! আপনি ভারত-সম্রাট ! আপনি মহাত্মা আকবরের পুত্র ! কিন্তু আপনার শাসন দাঁড়িয়েছে এক গাতালের মাতলামি, এক উম্মাদের প্রলাপ, এক উচ্ছৃঙ্খলের স্বেচ্ছাচার ! কে আপনি ? কোথা থেকে এসেছেন ? কি স্বত্বে আপনি এক অতি পুরাতন সভ্যজাতিকে শাসন কর্তে বসেছেন— যদি সে অন্ডায়ের শাসন না হয় ? হিন্দু এ সাম্রাজ্য হারিয়েছে, কারণ তার আশাভরসা এখানে নয় (উর্কে অঙ্গুলি দেখাইয়া) ত্রৈখানে । সে হুকাল হারিয়েছে, পরকালের বিষয়ে বড় অধিক ভেবে । তবু জানবেন সম্রাট—বে, যদি এ শাসন অন্ডায়ের শাসন হয়. যদি এ শাসন একট বিরাট অত্যাচার মাত্র হয়, যদি হিন্দুর এই অসীম ঐদাসীত্বকেও ক্ষেপিয়ে তোলেন, ত নিমিয়ে মোগল সাম্রাজ্য প্রভাতের কুঞ্জটিকার মত বিলীন হ'য়ে যাবে ।—আসুন সম্রাট !

সপ্তম দৃশ্য

স্থান—আগ্রায় সম্রাটের অন্তঃপুর । কাল—সায়াহু

লয়লা ও শারিয়্যার কথোপকথন করিতেছিলেন

শারিয়্যার । শুনেছো লয়লা ? পিতার সংবাদ শুনেছো ?

লয়লা । না—শুন্বার প্রবৃত্তি নাই ।

শারিয়্যার । তিনি মহাবৎ খাঁর হাতে বন্দী । আর তোমার মা—

লয়লা । আমার মা ?

শারিয়্যার । তিনি হস্তীপৃষ্ঠে সিঙ্কুনদ পার হ'তে গিয়েছিলেন । তার পরে তাঁর ফিরে যেতে হয়েছিল ।

লয়লা । তাব পবে ?

শারিয়ান । তার পবে তিনিও মহাবৎ খাঁর বন্দী । তিনি আর আসফ নানা জায়গায় মহাবৎ খাঁর সৈন্তের কাছে পরাজিত হ'য়ে শেষে মহাবৎ খাঁর বশত স্বীকার করেছেন ।

লয়লা । কেয়াবাত ! পাপের শাস্তি শুরু হয়েছে । ঈশ্বর আছেন ।

শারিয়ান । লয়লা । তোমার আচরণ আমার কাছে একটু—

লয়লা । অদ্ভুত ঠেকে । না ?—ঐ জগুই ত তোমায় এত ভালোবাসি ।

শারিয়ান । তোমার চরিত্র আমার কাছে অদ্ভুত ঠেকে বলে' ?

লয়লা । না । তোমায় ভালোবাসি কারণ তুমি নেহাইৎ গোবেচারী ।

শারিয়ান । তোমায আমি এতদিনে বুঝতে পারলাম না !

লয়লা । পারবে না ।—প্রিয়তম । একটা কথা জিজ্ঞাসা করি—আমি ছাড়া আর সবাইকে কি বুঝতে পেরেছো ? তোমার ভাইকে, তোমার বাপকে, ঠিক বুঝেছো ?

শারিয়ান । তা বুঝেছি বোধ হয় ।

লয়লা । বুঝেছো । সোনার চাঁদ আমার ।—না, প্রিয়তম । আজ পর্যন্ত কেউ কাউকে বুঝতে পারে নি । পৃথিবীর প্রত্যেক মানুষের অন্তঃ খানিকটা অন্যের কাছে চিরাকার । ঈশ্বর দয়াময়, তাই এ বিধান করেছেন বোধ হয় । যদি একদিন পৃথিবীতে সমস্ত মানুষের অন্তঃজগৎ হঠাৎ উন্মোচিত হ'য়ে যায়, ত পৃথিবীটা কি বিভৎস দেখায় ।—ঈশ্বর ! এ ছাড়া তোমার জগতে কি আর একটা নরক আছে ?

শারিয়ান । কিছু বুঝতে পারলাম না ।

লয়লা । বুঝতে চেষ্টাও কোরো না । কিছুই যে বুঝতে পারো না—ঐটুকুই তোমার চরিত্রের মাধুর্য । সেটুকু হারিও না । তা যদি হারাও ত তোমার মধ্যে ভালোবাসবার আর কিছু থাকবে না ।

শারিয়ার। এত দিনে বুঝলাম না, যে লয়লা আমার ভালোবাসে কি
অবজ্ঞা কবে। কিন্তু তার এ রকম ব্যবহার আমি সহ্য করব না। আমি
এবার তাকে সোজা বলবো যে, এ রকম ব্যবহার আমি ভালোবাসি না।

অষ্টম দৃশ্য

স্থান—সম্রাট-শিবির। কাল—প্রভাত

মহাবৎ খাঁ একাকী শিবির মধ্যে পাদচারণ করিতেছিলেন ও ভাবিতেছিলেন

“না তাঁর মরাই ঠিক। এই সম্রাজ্ঞীই সম্রাট পবিবারে বিচ্ছেদ বিগ্রহ
অশান্তি এনেছেন; সাম্রাজ্যে বিন্যাস, অত্যাচার, বিশৃঙ্খলা এনেছেন;
পৃথিবীতে একটা অসহনীয় স্পর্ধা, স্বেচ্ছাচার, পাপ এনেছেন।—তাঁকে
মত্তে হবে। রাজপরিবারের মঙ্গলের জন্য, সাম্রাজ্যের মঙ্গলের জন্য,
মানবজাতির মঙ্গলের জন্য, তাঁর মরাই ঠিক। আব সে আজই, যত
শুঘ্র হয়।—এই যে সম্রাট।”

জাহাঙ্গীরের প্রবেশ। মহাবৎ নতশিরে সম্রাটকে অভিবাদন করিলেন

জাহাঙ্গীর। তোমার কি অভিপ্রায় মহাবৎ?

মহাবৎ। একবার সাক্ষাৎ চেয়েছিলাম।—বসুন জাঁহাপনা।

জাহাঙ্গীর। (বসিগা) উত্তম। বল তোমার অভিপ্রায়।

মহাবৎ। (ক্ষণেক নিস্তব্ধ থাকিয়া ধীরে ধীরে কহিলেন)—জাঁহাপনা!
আমাব নিবেদন ব্যক্ত করবার আগে একটা কথা জানানো দরকার
বিবেচনা করি। সম্রাট যেন মনে না করেন যে আমি জাঁহাপনাকে
নিজের আয়ত্তের মধ্যে পেয়ে কোন রকম হুকুম চালাচ্ছি। তবে আমার
এক অভিযোগ আছে। আমি সমদর্শী বিচার চাহি মাত্র।

জাহাঙ্গীর। কার বিপক্ষে তোমার অভিযোগ মহাবৎ খাঁ?

মহাবৎ। (আবার ক্ষণমাত্র স্তব্ধ থাকিয়া কহিলেন)—আমি যাঁর

বিপক্ষে আজ অভিযোগ করছি জাঁহাণনা তাঁর রূপ, তাঁর পদবী, তাঁর
অন্ত গুণ সব ভুলে যাবেন আশা করি। শুধু তিনি দোষী কি না, এই
বিচার করবেন। তার পরে যদি তিনি দোষী সাব্যস্ত হন, তবে তাঁর
যোগ্য দণ্ড দিবেন—এই মাত্র প্রার্থনা করি।

জাহাঙ্গীর। উত্তম। কার বিপক্ষে তোমার অভিযোগ ?

মহাবৎ। ভাবত-সম্রাজ্ঞী মুর্জাহানের বিপক্ষে।

জাহাঙ্গীর। তা পূর্বেই বুঝেছিলাম। বল কি অভিযোগ।

মহাবৎ। প্রথম অভিযোগ এই যে, তিনি বন্দর-রাজকে দিয়ে
দুবরাজ বসরুণ হত্যা করান, আব তাতেই পূজা সম্রাজ্ঞীর মৃত্যু হয়।

জাহাঙ্গীর। অভাগা পুত্র বসরু !

মহাবৎ। দ্বিতীয় অভিযোগ এই, তিনি নিজের কোন গৃহ অভিসন্ধি
সাধনের জন্ত সে হত্যার দোষ কুমার সাজাহানের স্বন্ধে চাপিয়ে তাঁকে
বিদ্রোহে উত্তেজিত করেছিলেন ! আর—

জাহাঙ্গীর। আর ?

মহাবৎ। তৃতীয় অভিযোগ এই যে, তিনি জাঁহাণনার গুল নামে
কলঙ্ক এনেছেন এবং জাঁহাণনাব নাম ব্যবহার করেছেন—নিজেব
উচ্ছৃঙ্খল প্রবৃত্তির আবরণ স্বরূপ। এই তিন অভিযোগের মধ্যে যদি
কোনটি সম্রাট অমূলক বিবেচনা করেন, ত সম্রাজ্ঞী মুক্তি পান।

জাহাঙ্গীর। আব যদি তিনি অপরাধী হন ?

মহাবৎ। দণ্ড দিবেন।

জাহাঙ্গীর নীরব রহিলেন

তবে অভিযোগ সত্য ?

জাহাঙ্গীর নীরব রহিলেন

এ অপরাধের যোগ্য দণ্ড এক মৃত্যু !

জাহাঙ্গীর। মহাবৎ থা ! গোন—

মহাবৎ । ত্যায় বিচার কর্বেন ।—দোহাই ধর্ম !

জাহাঙ্গীর নীবব রহিলেন

জাঁহাপনাব বিচারে সম্রাজ্ঞীর ঐ যোগ্য দণ্ড কি না ?

জাহাঙ্গীর । হাঁ তাঁব যোগ্য দণ্ড মৃত্যু ।

মহাবৎ । তবে সম্রাজ্ঞীর প্রতি এই প্রাণদণ্ডের আজ্ঞা দস্তখৎ করুন ।

কাগজ ও লেখনী তাঁহার সম্মুখে ধরিলেন

জাহাঙ্গীব । তথাপি—

মহাবৎ । সম্রাট বিচার কবেছেন । দণ্ড দি'ন !—দস্তখৎ করুন ।

জাহাঙ্গীর নীরবে দস্তখৎ করিলেন

বিজয়সিংহ—

বিজয়সিংহর প্রবেশ

যাও, এই আজ্ঞা সম্রাজ্ঞীর শিবিরে নিয়ে গিয়ে সম্রাজ্ঞীকে দাও ! তাঁব পাত তুমি স্বয়ং এই আজ্ঞা পালন কব । আর দ্বিতীয়বার আজ্ঞার প্রত্যাশা নাই ।

বিজয়সিংহ দণ্ডাজ্ঞা লইয়া চলিয়া গেলেন

এই ত সম্রাট জাহাঙ্গীরের বিচার ।—জাঁহাপনা যতদিন স্বয়ং শাসন কবেছিলেন, তাঁর বিপক্ষে শত্রুরও কিছু বলবার ছিল না । কারণ তাঁর জায়ের শাসন ছিল ! তাবপবে এই সম্রাজ্ঞীর প্রভাব সম্রাটের মত যশকে রাহুর মত গ্রাস কব্লে । বান্দাব কাজ সেই যশকে সেই মত মুক্ত করা । আমরা আমাদের সম্রাট জাহাঙ্গীরকে ফিবে চাই ! তাব পক্ষে আমার কাজ শেষ ।

বিজয়সিংহ পুনঃ প্রবেশ করিয়া কহিলেন—

‘সম্রাজ্ঞী মৃত্যুর পূর্বে একবার সম্রাটের সাক্ষাৎ ভিক্ষা করেন ।’

জাহাঙ্গীর মহাবৎ খাঁর মুখের দিকে চাহিলেন

মহাবৎ । সাক্ষাৎ ! কিসের দৃশ্য ?—জিজ্ঞাসা কবে' এসো ।

বিজয়সিংহ চলিয়া গেলেন

জাহাঙ্গীর নীরবে ভূগলে চাহিয়া রহিলেন

জানি না, সম্রাজ্ঞী মুরজাহান কি মন্ত্রবলে জাঁহাপনার মত ঋষ্যপরায়ণতাকে গ্রাস কবে' বেখেছিলেন । কিন্তু সে মোহ, সে মেঘ যখন সবে' যাবে, তখন জাঁহাপনাই আমাষ ধন্যবাদ দিবেন, জানি !

ক্ষণপরে বিজয়সিংহ পুনঃপ্রবেশ করিয়া কহিলেন—

“সম্রাজ্ঞী বলেন যে, স্ত্রী মৃত্যুর আগে একবার স্বামীর দর্শন ভিক্ষা করে ।”

মহাবৎ । আচ্ছা তাঁকে এইখানেই নিয়ে এসো ।

বিজয়সিংহ চলিয়া গেলেন । মহাবৎ আবার জাহাঙ্গীরকে গম্বোধন করিয়া কহিলেন—

“সাবধান জাঁহাপনা !—সম্রাজ্ঞীর মন্ত্রমুগ্ধ হবেন না । নিজেব প্রবৃত্তিব উপর রশ্মি টেনে রাখবেন । মনে রাখবেন, আপনি মেট সম্রাট জাহাঙ্গীর ।”

বিজয়সিংহের সহিত মুরজাহানের প্রবেশ ও অভিবাদন

মুরজাহান । এ দস্তখৎ জাঁহাপনার ?

জাহাঙ্গীর নীরবে রাখিলেন

মুরজাহান । তবে এ জাল নয় ? সত্যই এ জাহাঙ্গীরের স্বাক্ষর ?—
আমি তাই জান্তে চেয়েছিলাম । আমার অবিশ্বাস হয়েছিল ! এখন দেখছি যে এ সত্য ! আর আমাব কিছু বক্তব্য নাই । এ মরণে আমার কোন ক্ষোভ নাই জাঁহাপনা ! আমি মর্জি—আমাব প্রিয়তমেব হাতে ।
সে মৃত্যুও আমার প্রিয় । আমি সেই মৃত্যুকে আমার জাহাঙ্গীরেব দান বলে' আনিখন কর্ব । তবে মর্বার আগে একবার আমাব প্রিয়তমেব হাতখানি চুষন করে' যাই, যে হাতখানি আমার মৃত্যুর আঙুল দস্তখৎ কবেছে । প্রিয়তম ।—

বলিয়া জাহাঙ্গীরের হস্তখানি চুষন করিলেন

জাহাঙ্গীর । নূরজাহান !—এ দস্তখৎ আমার নয় ।

নূরজাহান । এ দস্তখৎ জাহাপনার নয় ?

জাহাঙ্গীর । নূরজাহান, তোমার শত অপরাধ ! তবে সে শত অপরাধও আমার কাছে কিছু নয় । আমার প্রাণাধিক পুত্রের হত্যা, সম্রাজ্ঞী রেবার মৃত্যুও যখন নির্দোষ হয়ে সহ্য করেছি, তখন বুঝতে পারো নূরজাহান, যে এ দস্তখৎ আমার নয় । আমার হাত দস্তখৎ করেছে বটে, কিন্তু দস্তখৎ মহাবৎ খাঁর ।

নূরজাহান । (মহাবৎ খাঁর পানে চাহিয়া) বুঝেছি ! আর আমার কিছু বন্দাব নাই । মহাবৎ খাঁ, তুমি জিতেছো ।—যখন তুমি জাহাঙ্গীরের হাত দিয়ে নূরজাহানের মৃত্যুর আঙ্গা দস্তখৎ করিয়ে নিয়েছো—যা পৃথিবীতে কেউ পারত না—তখন আমার সম্পূর্ণ হার । (মহাবৎ খাঁর দিকে ঈর্ষা নতশির হইলেন) তবে মনে রেখো মহাবৎ খাঁ, এ জয়ে তোমার গৌরব নাই ।—আমি দুর্বল নারী মাত্র । তুমি বীর, তুমি পুরুষ ! আর আমি যাই হই, নারী মাত্র । এ জয়ে তোমার পৌরুষ নাই । আমি অবনতশিরে আমার পরাজয় স্বীকার করি । (জাহাঙ্গীরকে)—তবে যাই নাথ ! এই জীবনের রাজ্য হ'তে মরণের দেশে ; এই আলোকের লোক হ'তে অন্ধকারের গহ্বরে ; এই উৎসবের মন্দির হ'তে নিস্তব্ধতার জগতে ! নিদায় দিন প্রাণেশ্বর !”

জানু পাতিলেন

জাহাঙ্গীর । (উঠিয়া নূরজাহানকে উঠাইয়া বক্ষে ধারণ করিয়া)
নূরজাহান, আমার জীবনের আলোক ! আমার হৃদয়ের অধীশ্বর !
আমার ইহজগতের সর্বস্ব !

নূরজাহান । প্রিয়তমের প্রেমের আলোক আমার মৃত্যুর পথ আলোকিত করুক !—প্রাণেশ্বর ! মর্তে ভয় করি না । কিন্তু সত্য কথা, মর্তে আমার ইচ্ছা ছিল না । কে মর্তে চায় ? যে চিররুগ্ন, যে চিরনির্দো-

সিত ; যার সংসারে কেউ নাই বা সব গিয়েছে ; যাকে মানুষ পরিত্যাগ করেছে, ঈশ্বর অভিশাপ দিয়ে মুখ ফিরিয়ে নিয়েছেন ;—সেও মর্তে চায় না। (কল্পিত স্বরে) আমার ত সব ছিল—অনুপম রূপ, অতুল ঐশ্বর্যা, দেবতার মত স্বামী ! আমার সব ছিল।) (কল্পিত স্বরে) আমার এখনও বেঁচে আশ মিটেনি, ভোগ ক’রে আশ মিটেনি, ভালোবেসে আশ মিটেনি ! (নাথ ! প্রিয়তম ! জীবিতেশ্বর !”

জাহাঙ্গীরের বক্ষে পড়িয়া কাঁদিতে লাগিলেন

জাহাঙ্গীর । (গদগদস্বরে) মহাবৎ !

মহাবৎ । সম্রাট !

জাহাঙ্গীর । এক অনুরোধ !—

মহাবৎ । আজ্ঞা করুন সম্রাট ! আমি প্রতিজ্ঞা করছি যে ভারত-সম্রাটের যে কোন আজ্ঞা তাঁহার ভক্ত প্রজা মহাবৎ খাঁ অবনত শিরে পালন করবে ।

জাহাঙ্গীর । মহাবৎ খাঁ ! তোমার কাছে আমি নূরজাহানের প্রাণ-ভিক্ষা চাই—ঐদেখ সে কাঁদছে !

মহাবৎ । তাই হোক সম্রাট !—সাম্রাজ্ঞী, আপনি মুক্ত !—সাম্রাজ্ঞী নূরজাহান ! আপনার অমানুষী মনীষা, অসাধারণ রূপ, বিশ্ববিজয়িনী শক্তি যা এত দিনে সাধন কর্তে পারে নি, আজ এক মুহূর্তে আপনার অশ্রুজল তাই সাধন করলে ।

পঞ্চম অঙ্ক

প্রথম দৃশ্য

স্থান—কাবুল সন্নিহিত সম্রাট শিবির। কাল—প্রভাত

জাহাঙ্গীর ও নুরজাহান দাঁড়াইয়াছিলেন

নুরজাহান। জাঁহাপনা! মহাবৎ খাঁর প্রভুত্ব দেখছি বেশ বাড় পেতে নিযেছেন!

জাহাঙ্গীর। নুরজাহান! নিজের অবস্থা মনে রেখো! এই মহাবৎ খাঁর হাতে আমরা এখন বন্দী। আর খাঁর কাছে আমার করবোড়ে তোমার জীবন ভিক্ষা চাইতে হয়েছে, তাঁর বিপক্ষে আর আমাদের অভিযোগ করা শোভা পায় না।

নুরজাহান। আমি অভিযোগ করছি না জনাব! আমি বলছিলাম যে, জাঁহাপনা খুব শীঘ্র পোষ মানেন।

জাহাঙ্গীর। সে তিক্ত সত্য তোমার চেয়ে আমি নিজে বেশী জানি!—নহিলে আজ আমার এ দশা হোত না।

নুরজাহান। না।

জাহাঙ্গীর। সে বা'ই হোক!—আমি মহাবৎ খাঁর শাসনের কোন ক্রটি দেখি না। তিনি আমাদের কোন কার্যে বাধা দেন না।

নুরজাহান। কিছু না।

জাহাঙ্গীর। কেন নুরজাহান! আমরা কাশ্মীরে যেতে চেয়েছিলাম—গিয়েছিলাম। কাবুলে আসতে চেয়েছিলাম—এসেছি। মহাবৎ খাঁ ভৃত্যের মত আমাদের অনুসরণ করছেন।

মুরজাহান । ভৃত্যের মতই বটে !

জাহাঙ্গীর । তিনি প্রত্যহ প্রভাতে এসে অবনতশিরে আমাদের সম্মুখে আর তোমাকে সম্রাজ্ঞী বলে' অভিবাদন করেন ।

মুরজাহান । কি সুখেই আছেন জাহাপনা !

জাহাঙ্গীর । সুখেই থাকি—আর দুঃখেই থাকি—এর উপায় তু নাই ।

মুরজাহান । না ।

জাহাঙ্গীর । কি ভাবছো ?

মুরজাহান । ভাবছি, উপায় আছে কি না ।

জাহাঙ্গীর । মুরজাহান !—কেন দুঃখ কল্পনা করে' দুঃখ পাও ?—শাসনের ভার গুরুভার !—গিয়েছে, গিয়েছে ! আমি বলেছিলাম না ? সাম্রাজ্য উচ্ছন্ন বেতে বসেছে—থাক, আমি ক্ষুধ নই ।

মুরজাহান নীরবে চিন্তা করিতে লাগিলেন

জাহাঙ্গীর । সাম্রাজ্য যে চায়, শাসন করুক । এসো আমরা সম্মুখ করি ! তাতে ত কেউ বাধা দিচ্ছে না ।

মুরজাহান । দিচ্ছে না যে, তার অন্তঃপ্রহ । কিন্তু জাহাপনা—অন্তঃপ্রহ শব্দের মেঘের মত বড়ই খামখেয়ালী ! সে বর্ষণের চেয়ে গর্জন অধিক করে ।

জাহাঙ্গীর । কিন্তু যখন উপায় নাই, তখন সে বিষয় ভেবে কি হবে মুরজাহান ?

দৌবারিক প্রবেশ করিয়া কহিল—

“খোদাবন্দ, সেনাপতি একবার সাক্ষাৎ চান !”

জাহাঙ্গীর প্রশ্ন করিলেন

মুরজাহান বহিষ্কৃত জাহাঙ্গীরের প্রতি চাহিয়া রহিলেন । জাহাঙ্গীর দৃষ্টিপথের

অর্থাৎ হইলে দীর্ঘনিশ্বাস ফেলিয়া কহিলেন—

“এখন আন উপায় কি! কিছুই বুঝতে পারছি না। মেঘ করে’
আসছে! পথ খুঁজে পাই না।—নূরজাহান! আর কেন? ফেরো!
এখনও ফেরো!—না, আর ফির্ন্তে পাবি না। পর্কতের এমন জায়গায়
এসেছি যে, ওঠার চেয়ে নাগা ভগাবচ। চল, চল, অগ্রসর হও
নূরজাহান। এখনও শিখবে উঠতে পাবো। শতরঞ্চ খেলায় দাবা
হারিয়েছো; তবু জিততে পারো। খেলে যাও।

দ্বিতীয় দৃশ্য

স্থান—কাবুলের বাস্তা। কাল—গোধূলি

মহাবৎ খাঁ রাস্তার ধারে দাঁড়াইয়া দূরে চাহিয়াছিলেন

মহাবৎ। শেষে একটা সাম্রাজ্যের ভাণ্ডার আমার হাতে এসে পড়লো।—
এ ত আমি চাই নাই। এ ঐশ্বর্য আজ আমার একটা শৃঙ্খলের মত বেঁধে
বেখেছে; সংকীর্ণ কক্ষের পাষণপ্রাচীরের মত যেন সে আমার নিশ্বাস
বন্ধ করছে; ঘৃণিত সরীসৃপের মত যেন সে আমার গা বেয়ে উঠছে।
তথাপি তাকে ছাড়বার উপায় নাই। কি গুরুভার! তথাপি তাকে
বৈতে হবে। নিতে বসেছিলাম—প্রতিহিংসা নিয়েছি! কিন্তু এখন
একটা মহৎ কর্তব্যের ভার আমার উপর এসে পড়লো। পথে যেতে এষ্ট
অনাথ সাম্রাজ্যকে কুড়িয়ে পেয়েছি! একে লালন কর্তে হবে। রাক্ষসীর
গ্রাস থেকে তাকে বক্ষা কর্তে হবে। ঐ সূর্য্য অস্ত গেল। আমিও
শিবিরে বাই।

প্রস্থানোক্ত

এমন সময়ে কয়েকজন দস্যু প্রবেশ করিয়া তাঁহার গাওঁ রোধ করিল

মহাবৎ। কে তোমরা!

১ম দস্যু। আমরা কাবুলী।

মহাবৎ । কি চাও ?

২য় দস্যু । ঐ মাথাটা ।

এই বালিয়াই দস্যুগণ মহাবৎকে আক্রমণ করিল । মহাবৎ খাঁ যুদ্ধ করিতে করিতে পিছাইয়া গাইতে লাগিলেন । এমন সময় কতিপয় সৈনিকসহ বিজয়সিংহ প্রবেশ করিয়া তাহাদের সহিত যুদ্ধ করিয়া ভূপতিত হইলেন । মহাবৎ অবসর পাইয়া পুনরায় অগ্রসর হইলেন । দস্যুগণ পলায়ন করিল

বিজয় । সেনাপতি—সেনাপতি—

মহাবৎ । কি বিজয়সিংহ—

বিজয় । আমি সাংঘাতিক আতত । আমার মৃত্যু সন্নিকট ।

মহাবৎ । কি বিজয়সিংহ । তাবা তোমায বধ কবেছে ?

বিজয় । তা' ককক, ক্ষতি নাই ! যখন প্রভুর জীবন বক্ষা কর্তে পেরেছি ।—তবে—মর্জাব আগে—এক কথা বলে যাই—প্রভুব—জীবন—নেবার—জন্ম—একটা—চক্রান্ত—আব—বলতে—পাচ্ছি না—সাব—

মৃত্যু

মহাবৎ । (কিছুক্ষণ চিন্তা করিয়া) এব প্রতিশোধ নেবো ।—কিন্তু এ সব কি ! কাবুলীরা আমাকে একটা আক্রমণ কবে কেন ! কোনই কাবণ বুঝতে পাচ্ছি না । আমি ত এদেব কোনই অনিষ্ট কবিনি ।

জনৈক সৈনিকের প্রবেশ

মহাবৎ । কি সৈনিক ?

সৈনিক । প্রভু, আপনি সন্ধ্যাবেলায় যে পাহারা বেখে দিবেছিলেন, তার মধ্যে ৫০০ সৈন্য কাবুলীরা এসে বধ কবেছে ।

মহাবৎ । কি, এতদূর আশ্চর্য্য এই বর্বর জাতির ! উত্তম ।—বাম সিং ! আমার সৈন্যদেব আজ্ঞা দাও যে, এই নগরের সব কাবুলীদের হত্যা করে । আব এই মুহূর্তেই হত্যার ক্রিয়া আরম্ভ হোক ।

ভূতীয় দৃশ্য

স্থান—সম্রাটশিবির । কাল—রাত্রি

মুরজাহান একাকিনী

মুরজাহান । আমরা সব সংসারের খেলার পুতুলী ! সে এই মুহূর্তে কাউকে অত্যাচার কবে' কোলে ভুলে নেয়, আবার পবমুহূর্তেই তাকে অবহেলায় ভূতলে নিক্ষেপ কবে । আর সংসার আমাদের হাঙ্গ-ক্রন্দনের প্রতি তেমনিই বধির, যেমন শিশু তার পুতুলী'র আনন্দ অভিমান বুঝতে পারে না, অথচ পুতুলীটিকে কোলে ক'বে নিলে কি সে সত্যই হাসে না ? আর তাকে গৃহকোণে ফেলে দিলে কি সে সত্যই অভিমান করে না ?— কিংবা মানুষের সুখ-দুঃখ ঈশ্বরের গ্রাহ্যই নয় ! তাঁর সৃষ্টির মহা উদ্দেশ্যের মধ্যে এদের স্থান নাই । তাঁর বিরাট কারখানায় মানুষের সুখ-দুঃখ তা'র উৎসর্গিত শুল্ক ও ধূমবাণির মত ।—সে দিকে তাঁর লক্ষ্য নাই । কালের নেমি বিশ্বঘটনাবহ্নি দলিত ক'রে ছুটেছে—বিশ্বের বেদনার দিকে তাঁর দ্রক্ষেপ নাই ।

জাহাঙ্গীর প্রবেশ করিলেন

জাহাঙ্গীর । কি কোলাহল !—একটা ভয়ঙ্কর কোলাহল শুন্ছো না মুরজাহান ?

মুরজাহান । হাঁ, শুন্ছি ! জানেন জনাব, ও কিসের কোলাহল ?

জাহাঙ্গীর । কিসের ?

মুরজাহান । ও মৃত্যু'র আর্তনাদ । মহাবৎ খাঁর আজ্ঞায় কাবুলীদের হত্যা হচ্ছে ।

জাহাঙ্গীর । কাবুলীদের হত্যা ! কেন ?

মুরজাহান । 'কেন' ? শুন্বেন 'কেন' ? আফিসের নেশা ছুটেছে কি !

জাহাঙ্গীর । শুনি—কেন ? এর কারণ ?

শুরজাহান। এর কারণ জন কয়েক কাবুলী মহাবৎ খাঁকে আজ সন্ধ্যায় পথে আক্রমণ করেছিল। আর আমাদের প্রহরীসৈন্যের প্রায় ৫০০ সৈনিককে বধ করেছে।—এই কারণ! বেশী কিছু নয়!

জাহাঙ্গীর। কাবুলীরা মহাবৎ খাঁকে আক্রমণ করেছিল কেন? আর প্রহরী সৈন্যকেই বা বধ করেছে কেন?

শুরজাহান। গ্রহ! তাবা ত জান্ত না যে, মহাবৎ খাঁই সন্ন্যাসী! তা'বা ভেবেছিল যে, মহাবৎ সেনাপতি।

জাহাঙ্গীর। কিন্তু সেনাপতিকেই বা আক্রমণ করে কেন?

শুরজাহান। জনাব! অনেকখানিই বুঝেছেন দেখছি। তবে আরও একটু বুঝুন! আমি কাবুলীদের উত্তেজিত করেছিলাম—মহাবৎ খাঁকে বধ করো।

জাহাঙ্গীর। তুমি!!!

শুরজাহান। হাঁ আমি। জাহাঙ্গীর—যে আকাশ থেকে পড়লেন।
—আমি।

জাহাঙ্গীর। তুমি মহাবৎ খাঁকে হত্যা করতে আজ্ঞা দিয়েছিলে সন্ন্যাসী—যে মহাবৎ খাঁ তোমার জীবন ভিক্ষা দিয়েছিলেন!

শুরজাহান। ভিক্ষা আমি চাই নাই জনাব।

জাহাঙ্গীর। না। আমি চেয়েছিলাম বটে। চাওয়া অসম্ভব হয়েছিল। তোমার মর্যাদা শ্রেয়ঃ ছিল।

শুরজাহান। তা হ'লে সন্ন্যাসীর অনুতাপ হয়েছে?

মহাবৎ খাঁর প্রবেশ ও অভিবাদন

জাহাঙ্গীর। এই যে মহাবৎ খাঁ! এ সব কি? এত কোলাহল রে?

মহাবৎ। আমি কাবুলীদের হত্যা করবার আজ্ঞা দিয়েছি। তাদের হত্যা হচ্ছে?

জাহাঙ্গীর । হত্যার আজ্ঞা দিয়েছো কেন মহাবৎ খাঁ ?

মহাবৎ । আমার অপরাধ নাই জাঁহাপনা ! আমি এদের কোন
অনিষ্ট করি নাই, তথাপি এরা—

দৌবারিকের প্রবেশ

দৌবারিক । জাঁহাপনা ! গুটিকতক কান্দুলী ওমরাও সম্রাটের
সাক্ষাৎ চান ।

মহাবৎ । নিয়ে এসো ।

দৌবারিকের প্রস্থান

জাঁহাপনা ! এরা আমায় হত্যা করবার জন্য গুণ্ডা লাগিয়েছিল ।
এরা আপনার ৫০০ নিবীহ রাজপুত্র দৈন্ত বধ করেছে ।—আমি
শাস্তিবিধান করেছি ।

ওমরাওগণের প্রবেশ

ওমরাওগণ । ভারত-সম্রাট ও ভারত-সম্রাজ্ঞীর জয় হোক ।

জাহাঙ্গীর । মহাশয়গণ ! এখানে কি অভিপ্রায়ে ?

১ম ওমরাও । ভারত-সম্রাট ! এই পুরবাসীদের হত্যা নিবারণ
করুন ।

সম্রাটের নিকট মতজানু হইলেন । সম্রাট মহাবৎ খাঁর প্রতি চাহিলেন

মুরজাহান । সম্রাট ইনি নহেন । সম্রাট ঐ—

এই বলিয়া মহাবৎ খাঁকে দেখাইলেন

ওমরাওগণ স্তম্ভিতভাবে মহাবৎ খাঁর দিকে চাহিয়া পুনরায় জাহাঙ্গীরের প্রতি চাহিলেন

জাহাঙ্গীর । সত্য কথা ওমরাওগণ ! এই সেনাপতির উপর অত্যা-
চার হয়েছে । তাঁর ক্ষমা ভিক্ষা করুন । এ বিষয়ে আমার কোন
অধিকার নাই ।

১ম ওমরাও । সেনাপতি ! তবে আপনি এই পুরবাসীদের রক্ষা করুন ।

মহাবৎ । মহাশয়গণ ! এ উত্তম ! আমায় হত্যা কর্কার আয়োজন ক'রে নিফল হ'য়ে—এখন আমার রূপা ভিক্ষা কর্তে এসেছেন । আমাব এই ৫০০ রাজপুত্র আপনার কি অনিষ্ট করেছিল জনাব !

১ম ওমরাও । আমরা এর কিছুই জানি না ।

মহাবৎ । আপনারা এর কিছুই জানেন না ?

২য় ওমরাও । সত্যই কিছুই জানি না । আমাদের বিশ্বাস করুন ।

মহাবৎ । বিশ্বাস করতে পারলাম না ।

৩য় ওমরাও । ঐ গুণ্ডন আর্তনাদ, ঐ দেখুন, ঐ নগরের কোণে প্রদোষ ধূমরাশি উঠছে । আপনার সৈন্তেরা আমাদের ঘরে আগুন লাগাচ্ছে ।

মহাবৎ । উচিত কাফ কর্ছে ।

৪র্থ ওমরাও । মনে করুন—যাদের হত্যা হচ্ছে, তাদের মধ্যে কত নিরীহ মহিলা, কত ধর্মব্রত বৃদ্ধ, কত অসহায় শিশু আছে ! তারা ত কোন অপরাধ করে নি ।

মহাবৎ । করুক না করুক কিছু বায় আসে না । আপনারা ফিরে যান । যাক্কা নিফল ।

ওমরাওগণ জাহাঙ্গীরের নিকট নতজান্নু হইয়া কহিলেন—

“জাহাঙ্গীর !”

জাহাঙ্গীর নিজের মুখ ঢাকিলেন । কয়েকজন কাবুলী রমণী ত্রস্তভাবে উদ্ধ্বাসে

আসিয়া জাহাঙ্গীরের পদতলে পড়িয়া উঠে স্বরে কহিল—

“জাহাঙ্গীর, রক্ষা করুন, রক্ষা করুন ।”

জাহাঙ্গীর । মহাবৎ ! —

মহাবৎ থা নীরব রহিলেন

১ম নারী । আমাদের শিশুদের বাঁচান ।

হুরজাহান । নারীগণ !—সম্রাট ইনি নহেন । সম্রাট উনি ।—

মহাবৎকে দেখাইলেন

নারীগণ । (মহাবৎ খাঁর পদতলে পড়িয়া কহিলেন)—জাঁগাপনা !
ভিক্ষা চাচ্ছি—আমাদের শিশুদের রক্ষা করুন । বিনিময়ে আমাদের হত্যা
করুন ।

মহাবৎ । ফরিদ ! যাও, এ হত্যা নিবারণ কর ! বল সম্রাটের আজ্ঞা !
—মহাশয়গণ যান । হত্যা নিবারণের আদেশ পাঠালাম ।

ফরিদ ও নারীগণের সহিত ওমবাওগণের প্রস্থান

মহাবৎ । শের আলি !

শের আলি । জনাব !

মহাবৎ । তাঁবু ভাঙো, সম্রাট আজমীরে ফিরে যাবেন ; এ বর্ষের
জাতির নগরে প্রবেশ করবেন না ।

শের আলির প্রস্থান

মহাবৎ কক্ষে পাদচারণ করিতে লাগিলেন । জাহাঙ্গীর নীরব রহিলেন , পরে
কহিলেন—

“মহাবৎ ।”

মহাবৎ । জাঁগাপনা !

জাহাঙ্গীর । এই পিস্তল লও । আমায় বধ কর । এ অসহ্য !

মহাবৎ । বুঝেছি জাঁগাপনা ! আমার এই রকম অবাধে আজ্ঞা দেওয়া
জাঁগাপনার কাছে প্রীতিকর হ’তে পারে না ; জানি সম্রাট !—তবে সম্রাট
যেন মনে করেন যে—এ সব আজ্ঞা দিচ্ছি আমি, সম্রাটের অভিভাবক-
স্বরূপ । নিজে সম্রাট হ’য়ে বসি নাই ।

হুরজাহান । সম্রাট আর কাকে বলে মহাবৎ খাঁ ? তুমি বিশ্বাস-

ঘাতকতা করে' আমাদের নিজের গৃহ হ'তে নিষ্কাশিত করে', ভিতর হ'তে আমাদের মুখে উপর আমাদেরই গৃহদ্বার রুদ্ধ করে' দিয়ে, সেই গৃহের মধ্য-কক্ষে সিংহাসনে গিয়ে বসেছো। তুমি নেমকহারামি করে' প্রভু-ভৃত্যের সম্বন্ধ উল্টে দিয়ে আমাদের উপর হুকুম চালাচ্ছ। তুমি সম্রাট্ আকবরের পুত্র জাহাঙ্গীরকে তোমার বন্দী রেখে তাঁর নামে তোমার স্বেচ্ছাচার আজ্ঞা প্রচার করছ।—সম্রাট্ আর কাকে বলে মহাবৎ খাঁ ?

মহাবৎ নীরব রহিলেন

জাহাঙ্গীর। তবু যতদিন তোমার ছায়ের শাসন ছিল, মহাবৎ খাঁ, আমি কথাটি কই নাই। তুমি আমার শাসন অগ্রায় শাসন বলে' আমার হাত থেকে কেড়ে নিয়েছিলে,—তথাপি—

মহাবৎ। আজ্ঞা করুন সম্রাট্। “তথাপি” ?

জাহাঙ্গীর। তথাপি আমি এরকম অগ্রায় কখন করি নাই। আমি একের অপরাধে অন্নের হত্যার আদেশ দিই নাই। আমি গায়বিচারে আমার প্রিয়তমা সম্রাজ্ঞার মৃত্যুদণ্ড দস্তখৎ কবে' পরে তোমার কাছে আমি,—সম্রাট্ আমি, করযোড়ে তার প্রাণভিক্ষা চেয়েছি। আর এই তোমার ছায় বিচার!—আর আমি সম্রাট্, আমায় নিরুপায় ভাবে এই অবিচার দেখতে হচ্ছে।—না মহাবৎ, আমায় বধ কর। ভারতের সম্রাট্ জাহাঙ্গীর নতজানু হ'য়ে তোমার কাছে নিজের প্রাণদণ্ড ভিক্ষা চাচ্ছে।—

পিস্তল দিলেন

মহাবৎ। জাঁহাপনা! আপনার সাম্রাজ্য আপনি ফিরিয়ে নিন। আপনি এখন যে সম্রাট্, সেই সম্রাট্। আমি আপনার প্রজা। ক্রোধবশে অপরাধ করেছি। দণ্ড দিন। (সম্রাটের পদতলে তরবারি রাখিলেন)

জাহাঙ্গীর। মহাবৎ! এ কি! এত মহৎ তুমি! (কণেক নিস্তক থাকিয়া) মহাবৎ! ভ্রম অপরাধ মাঝে মাঝে মানুষমাত্রেই হ'য়ে থাকে।

কিন্তু সেই ভ্রম স্বীকার করে', যে স্বেচ্ছায় সেই অপরাধের দণ্ড হাড় পেতে নিতে পারে, সে দেবতা নয় বটে; সে মানুষ। কিন্তু—বাহবা মানুষ শোভনাল্লা।—মহাবৎ খাঁ, এই নাও তোমার তরবারি। আমরা তোমার সর্ব অপরাধ মার্জনা করলাম।

চতুর্থ দৃশ্য

স্থান—আসফের গৃহপ্রাঙ্গণ। কাল—রাত্রি

আসফ ও কর্ণসিংহ দাঁড়াইয়া কথাবাত্তা করিতেছিলেন

আসফ। কুমার পরভেজের বঙ্গদেশেই মৃত্যু হয়। তার পরই সম্রাজ্ঞী সম্রাটকে দিয়ে এক অন্তিম পত্র লিখিয়ে নেন, যে তাঁর মৃত্যুর পর কুমার পারিয়ান সম্রাট হবেন। কারণ—সাজাহান সম্রাট হ'লে যে শূরজাহানের প্রভুত্ব যাবে, তা তিনি বেশ জানেন।

কর্ণ। কুমার সাজাহান কোথায় ?

আসফ। গোলকুণ্ডায়।

কর্ণ। সম্রাটের পীড়া খুব কঠিন কি ?

আসফ। বিশেষ কঠিন।

কর্ণ। মহাবৎ খাঁর খবর কিছু জানেন কি ?

আসফ। জনরব যে, হঠাৎ রাজ্য ছেড়ে দিয়ে তিনি ফকির হ'য়ে বেরিয়ে গিয়েছেন।

কর্ণ। আশ্চর্য্য!—এই মহাবৎ খাঁর চরিত্র আমার কাছে একটি প্রহেলিকা বোধ হয়!

আসফ। আমি তাঁকে কতক জানি। শিলাখণ্ডের মত কঠিন, কিন্তু

আবার কুসুমের চেয়েও কোমল। তিনি বজ্রের মত অপ্রতিহত-প্রভাব,
কিন্তু নারীর এক বিন্দু অশ্রু তাঁকে ভাসিয়ে নিয়ে যায়।

এই সময়ে ঘকির বেশে মহাবৎ খাঁ সেই প্রাঙ্গণে প্রবেশ করিলেন

আসফ। কে তুমি! এ কি!—মহাবৎ খাঁ না?

মহাবৎ। এককালে ছিলাম বটে।

কর্ণ। আশ্চর্য! আপনার কথাই কচ্ছিলাম সেনাপতি।

মহাবৎ। আমার সৌভাগ্য।

আসফ। তুমি হঠাৎ এখানে কি অভিপ্রায়ে মহাবৎ খাঁ?

মহাবৎ। আপাত্ত আছে? সম্রাজ্ঞীর প্রত্যাড়িত মহাবৎ খাঁকে কি
সম্রাজ্ঞীর লাভা তাঁর গৃহে আশ্রয় দিতে অস্বীকৃত?—বলুন, ফিরে যাচ্ছি।

আসফ। সম্রাজ্ঞীর আচরণের জন্য আমার দুঃখোনা মহাবৎ!—আমি
তাঁর জন্য দায়ী নছি! আর আমার নিজের কথা যদি জিজ্ঞাসা কর
মহাবৎ, ত মুক্তকণ্ঠে বলতে পারি, যে ভারতবর্ষে একজনও নাই, আমি
যাকে মহাবৎ খাঁর মত ভক্তি করি। আমার গৃহে কেন, মন্দনৎ, আমার
বন্দে এসো।

আলিসন করিলেন

মহাবৎ। বাণী—আমি আপনার রাজধানী উদয়পুরে গিয়েছিলাম।
শুনলাম আপনি আগ্রায়। তাই আগ্রায় এসেছি, আপনারই খোঁজে।

কর্ণ। সেনাপতি।

মহাবৎ। ছয়মাস নিজের জন্য চেয়েছিলাম। সে ছয়মাস শেষ
হয়েছে। অগ্রিম বেতনস্বরূপ ৫০০০ রাজপুত সৈন্য চেয়েছিলাম।
পেয়েছিলাম। আমার বাকি জীবন আপনার কাছে বিক্রীত!—আজ্ঞা
করুন।

আসফ। আশ্চর্য! মহাবৎ! তুমি একটা সমস্তা।

মহাবৎ। কে নয়?

আসফ । তবু তুমি সকলকে ছাড়িয়ে উঠেছো !

মহাবৎ । কেন আসফ !

আসফ । তুমি সাম্রাজ্য মুঠোর মধ্যে পেয়ে ছেড়ে দিলে !

মহাবৎ । দিলাম ।

আসফ । কেন মহাবৎ ?

মহাবৎ । মন বিগ্ড়ে গেল ।

আসফ । বিগ্ড়ে গেল ?—তাই তুমি সম্রাটকে, সাম্রাজ্যকে সেই ক্যাম্ব্রীর মুখের সম্মুখে রেখে এলে ?

মহাবৎ । এলাম । আমার কি ! ঈশ্বর এ জাল রচনা করেছেন ! তিনি ছাড়ান ।

কর্ণ । মহাবৎ খাঁ, ঈশ্বর নিজের হাতে কাহারও জাল রচনাও করেন না, নিজের হাতে কোন জাল ছাড়ানও না ।—মানুষকে দিয়েই উভয় কাজ করান ।

মহাবৎ । করুন । যাকে দিয়ে ইচ্ছা, তিনি এ জাল ছাড়ান । আমার কি !

কর্ণ । না মহাবৎ খাঁ, আপনাকেই এ জাল ছাড়াতে হবে । আপনাকে ঈশ্বর শক্তি দিয়েছেন—চাবি বন্ধ করে' রাখবার জন্ত নয় ।

মহাবৎ । আমি আপনার ভৃত্য । আজ্ঞা করুন ।

কর্ণ । তা বলে' নয় সেনাপতি । আমি এই মুহূর্তে সে বন্ধন থেকে আপনাকে মুক্ত করে' দিচ্ছি । আপনার নিজের মহত্বের উপরই আমি সম্পূর্ণ নির্ভর করি ।

মহাবৎ । কি কর্তে হবে রাণা ?

কর্ণ । এই অপদার্থ সম্রাট, জাহাঙ্গীরকে নামিয়ে যোগ্য ব্যক্তিকে সিংহাসনে বসাতে হবে ।

মহাবৎ । কে সে যোগ্য ব্যক্তি ?

আসফ। সম্রাটের এক পুত্রকেই সিংহাসনে বসাতে হবে অবশ্য।

কর্ণ। নিশ্চয়ই।

আসফ। তবে সাজাহান আর শারিয়ারের মধ্যে বেছে নিতে হবে। শারিয়ার সম্রাট হলে' হুরজাহানই পূর্ববৎ সম্রাট থাকবেন। দুর্বল শারিয়ার তাঁর জামাতা।

কর্ণ। আমার মত—কুমার সাজাহানকে সম্রাট করা।

মহাবৎ। আমারও তাই মত।

আসফ। তবে বোধ হয় সম্রাট জাহাঙ্গীরকে সিংহাসনচ্যুত করার প্রয়োজন হবে না। হাকিমের মতে তাঁর জীবন আর একমাস কি দুই মাসের অধিককাল স্থায়ী হবে না। কিন্তু হুরজাহান শারিয়ারের জগ্ন যুদ্ধ করবেন। কারণ সম্রাটকে দিয়ে তিনি শারিয়ার ভারতের ভবিষ্যৎ সম্রাট বলে' লিখিয়ে নিয়েছেন।

মহাবৎ। উত্তম। আমরা তার জগ্নে প্রস্তুত থাকবো।—এখন বড শ্রান্ত হয়েছি।—আসফ, তোমার বাড়ীতে আজ থাকবার একটু জায়গা দিবে ?

আসফ। সে কি! মহাবৎ! তুমি আমার ভাই। এসো ভিতরে এসো।—না, যোগো। আমি আগে গিয়ে দেখি ?

এস্থান

মহাবৎ। রাণা, আপনি আগ্রার সিংহাসনে বসতে চান ?

কর্ণ। আমি ?

মহাবৎ। হাঁ, ইচ্ছা করলে এই সুযোগে নব হিন্দুসাম্রাজ্য স্থাপন করতে পারি। আমি মুসলমান হয়েছি। কিন্তু—যাক, যার উপায় নাই তা ভেবে কি হবে—আপনি আগ্রার সিংহাসন চান ?—এটা সে সমস্ব মনে হয় নি।

কর্ণ। কোন্ সমস্ব ?

মহাবৎ। যখন সাম্রাজ্য ছেড়ে দিয়ে আসি।—তবু এখনও সমস্ব আছে। আপনি হিন্দুসাম্রাজ্যের উদ্ধার করতে চান ?

কর্ণ । না সেনাপতি !

মহাবৎ । কেন রাণা ?

কর্ণ । কারণ, এ সাম্রাজ্য আমরা হিন্দু যদিও পুনরাধিকার করি,
তা রাখতে পারবো না ।

মহাবৎ । কারণ ?

কর্ণ । কারণ আমি ভেবে দেখেছি—যে বতদিন আমরা হিন্দুজাতি
আবার মানুষ না হ'তে পারি, ততদিন হিন্দুর স্বাধীন সাম্রাজ্য বিকারের
স্বপ্ন । আমরা জাতটা বড়ই ছোট হ'য়ে গিয়েছি খাঁ সাহেব । ভায়ের
ভালোব চেষ্টা করা দূরে থাকুক, তার ভালো দেখতে পর্য্যন্ত পারি না ।
অন্য জাতির যদি কেহ আমাদের পেষণ করে, তা ঘাড় পেতে নেব । কিন্তু
আমার ভাই আমার উপর যে কর্তৃত্ব করবে, তা সৈতে পারি না । আমি
সম্রাট হ'লে সমস্ত হিন্দুর চোখ টাটাবে । আবার দেশে রক্তশ্রোত বৈবে ।
তার চেয়ে পরের শাসনে তারা সুখে আছে ।

মহাবৎ । সত্য কথা । নহিলে হিন্দুর এ দুর্দশা হবে কেন !

আসফের পুনঃ প্রবেশ

আসফ ! এসো মহাবৎ ।

মহাবৎ । বন্দেগি রাণা ।

কর্ণ । বন্দেগি সেনাপতি । বন্দেগি মন্ত্রীমহাশয় !

আসফ । বন্দেগি রাণা ।

মহাবৎ ও আসফ একদিকে ও কর্ণ বিপরীত দিকে নিজক্রান্ত হইলেন

শব্দম দৃশ্য

স্থান—গোলকুণ্ডা । কাল—রাত্রি

খাদিজা একাকিনী গাহিতেছিলেন

গীত

নিভাণ্ড আমারই, তবু যেন সে আমার নয় ;
নিতি নিতি দেখি তবু পাই নাই পরিচয় ।
নুকের মাঝারে আছে, খুঁজিয়ে না পাই কাছে ;
অস্তরে রয়েছে সদা তবু কেন কেন ভয় !
যত ভালোবাসি, যেন তত ভালোবাসি নাই ;
যত পাই ভালোবাসা—আরো চাই আরো চাই ;
পলকে তাহারে পাই, পলকে হারিয়ে যাই,
—মিলনে নিখিলহারা বিরহে নিখিলময় ।

সাজাহান প্রবেশ করিয়া কহিলেন—

“খাদিজা ! পিতার মৃত্যু হয়েছে ।”

খাদিজা । মৃত্যু হয়েছে ?

সাজাহান । মৃত্যু হয়েছে,—এই নেও, পড় তোমার পিতার পত্র ।

খাদিজা পত্র গ্রহণ করিয়া পাঠ করিতে লাগিলেন

সাজাহান । সেই দুষ্টা উচ্চাশিনী নারী শেষে পিতাকে হত্যা করলে ।
পিতাকে বিলাসে মজ্জিত করে’ বিভোর করে’ রেখে—শেষে তাঁকে
জীবনের মধ্যাহ্নে হত্যা করলে ;

খাদিজা । সম্রাজ্ঞী হত্যা করেন নি ত ।

সাজাহান । একে হত্যা ছাড়া আর কি বলা যায় ! শেষে খাঁকেও
তিনি যেমন হত্যা করেছিলেন, পিতাকেও তিনি ঠিক সেই রকম হত্যা
করেছেন ।

খাদিজা। সাম্রাজ্যের জন্তু ?

সাজাহান। হাঁ, সাম্রাজ্যের জন্তু (পরে দীর্ঘ নিঃশ্বাস ফেলিয়া)
নাথ খাদিজা, তোমার পিতা লিখেছে মুরজাহান সাম্রাজ্যের জন্তু বন্ধ
করবেন। তিনি সহজে সাম্রাজ্য আমাব হাতে দিবেন না।

খাদিজা। কি হবে সাম্রাজ্যে নাথ। চল আমরা কোন দূর বনগ্রামে
ধাই; সেখানে কৃষক-দম্পতি হ'য়ে সুখে জীবন অতিবাহিত করি।
ভূমিধণ্ডের জন্তু মারামারি কাটাকাটি কেন ?

সাজাহান। খাদিজা! এখনও তুমি সেই বালিকা।—পায়ে ধরি—
সম্মতি করি—একটু বড় হও।

খাদিজা। আমরা যদি কপোত কপোতী হ'তাম!

সাজাহান। তা হ'তে আমার বিশেষ আপত্তি আছে। এখন চল,
আমবা আশ্রয় বাবার জন্তু প্রস্তুত হই।

খাদিজা। নাথ।—

সাজাহানের হাত ধরিলেন

সাজাহান। এখন চল। প্রেমালাপ পরে হবে।

উভয়ে নিষ্ক্রান্ত হইলেন

ষষ্ঠ দৃশ্য

স্থান—মুরজাহানের কক্ষ। কাল—রাত্রি

মুরজাহান একাকিনী দাঁড়াইয়া

মুরজাহান। মুরজাহান! এই আলোয়ার পিছনে এতদিন ত ছিলে;
কিছু পেলে কি? কিছু না। তবু চলেছি!—কিন্তু আজ বুঝেছি যে,
আর নিজের শক্তিতে চলছি না। একটা অর্জিত অভ্যাস আমার কলের

পুতুলের মত চালিয়ে নিয়ে যাচ্ছে। চলছি ;—কারণ, চলা ভিন্ন আর উপায় নাই।—মর্তে যাচ্ছি ;—তবু চলছি।

শারিয়্যার প্রবেশ করিলেন

শারিয়্যার। আমাকে ডেকেছিলেন সম্রাজ্ঞী ?

মুরজাহান। হাঁ শারিয়্যার !—সম্রাট মর্কার আগে তোমায় তাঁর উত্তরাধিকারী করে' গিয়েছেন। এই তাঁর অন্তঃপত্র। তুমি সঙ্গে সঙ্গে আগ্রায় গিয়ে আগ্রার সিংহাসন অধিকার কর।

শারিয়্যার। আমি !

মুরজাহান। হাঁ তুমি। আমার ভাই আসফ, মহাবৎ খাঁ আর মেবারের রাণা একত্রিত হয়েছে। তারা সাজাহানের জন্য যুদ্ধ করবে। সাজাহান এখনো বড়দূরে ! তারা আপাততঃ খসরুর এক অপগণ্ড শিশুকে সিংহাসনে খাড়া করেছে। তুমি যাও। তাদের সঙ্গে যুদ্ধ কর।

শারিয়্যার। আমি যুদ্ধ করব !

মুরজাহান। দ্বিকৃতি কোরো না !—যাও। আমি সৈন্যদের আজ্ঞা দিয়ে দিচ্ছি।

বলিয়া চলিয়া গেলেন

শারিয়্যার। আমি সম্রাট ! ভাবতেও হৃৎকম্প উপস্থিত হয়। আমি যুদ্ধ করব !—এ যে কখনও ভাবি নি ! পার্কে ?

ভাবিতে লাগিলেন

লয়লা প্রবেশ

লয়লা। শারিয়্যার !

শারিয়্যার। লয়লা !

লয়লা। তুমি সম্রাজ্যের জন্য যুদ্ধ করবে যাচ্ছ না কি ?

শারিয়্যার। হাঁ যাচ্ছি লয়লা।

লয়লা। তুমি মহাবৎ খাঁর সঙ্গে যুদ্ধ করবে ?

শারিয়্যার। তার আর আশ্চর্য্য কি !

লয়লা। যুদ্ধ কি দিয়ে করে, বল দেখি ! যুদ্ধ করে বলে, জানো ?

শারিয়্যার। লয়লা ! তুমি আমায় উপহাস করছ। আমি তোমার স্বামী তা জানো।

লয়লা। সেই গৌরবই তোমার পক্ষে দুর্লভ। তার উপর সম্রাট হ'লে সাম্রাজ্যে পার্কে না—একেবারে মারা যাবে।

শারিয়্যার। না ! আমি জিনিসটা অনেকটা ধারণা ক'রে নিয়েছি। হাঁ, আমি যুদ্ধ করব ! কেন পার্কে না ? আমি কি মানুষ নই ? তুমি আমার চিবদিন অবজ্ঞা কর ; আমি দেখাবো যে আমি এত অপদার্থ নই, যত তুমি ভাবো।—হাঁ আমি যুদ্ধ করব। আমি সম্রাট হবো।

লয়লা। স্বামী ! সেই কৃচ্ক্রী নাবীর উর্ননাভ জাগো পড়ো না। মারা যাবে। এ সঙ্কল্প ছাড়ে।

শারিয়্যার। সে কি আমি বে সম্রাট হয়েছি। পিতা আমায় সম্রাট করে' গিয়েছেন। আমার কেবল এখন সিংহাসনে বসাই বাকি। আমি যাচ্ছি সেই সিংহাসনে বসতে। যদি কেউ বাধা দেয়, যুদ্ধ করব।

লয়লা। বেচারী আমার !—শোনো ! পালাও ! এ আবর্তের মধ্যে তুমি একবার গড়লে আর আমি তোমায় বাঁচাতে পার্কে না। আমার মায়ের গ্রাস রাক্ষসীর গ্রাস ! সাবধান !

মুরজাহানের পুনঃপ্রবেশ

মুরজাহান। কি লয়লা ? আমার বিরুদ্ধে শারিয়্যারকে উত্তেজিত করছ।

লয়লা। হাঁ করছি। আমার স্বামীকে বাঁচাবার অধিকার আমার আছে।

মুরজাহান । বাঁচাবার অধিকার ?

লয়লা । হাঁ, বাঁচাবার অধিকার ।—হা নারী ! এখনও তোমার ক্ষমতার আশা মিটে নাট ? এখনও আমার স্বামীকে তোমার ক'ড়ে আঙ্গুলে জড়িয়ে সাম্রাজ্য শাসন কর্তে চাও ?—আহা, এই দুর্বল রোগ-বিকম্পিত শীর্ণমূর্তি দাঁড়াতে মহাবৎ খাঁর বিপক্ষে ?

মুরজাহান । আমি আছি ।

লয়লা । তুমি ? তোমার কি শক্তি ! তোমার শক্তি যিনি ছিলেন, তিনি আজ মাটির নাচে—অসাড়, শিম, স্থির ! আর আজ তোমারই কুমন্ত্রণায় সেনাপতি মহাবৎ খাঁ, রাণা কর্ণসিংহ, কুমার সাজাহান, তোমার নিজেরই ভাই আসফ—তোমার বিপক্ষে । তুমি আছো ? আর দর্প শোভা পায় না ।—না মা, আমার স্বামীকে তোমার জালে জড়িত হ'তে দেবো না ।

মুরজাহান । আমার বিরুদ্ধে তুমি দাঁড়াও কি স্পর্ধায় লয়লা ?

লয়লা । আমার সাধু সংকল্পের স্পর্ধায় ।

মুরজাহান । জান আমি সম্রাজ্ঞী ?

লয়লা । ছিলে বটে—সে দিন গিয়াছে মুরজাহান । এখন সম্রাজ্ঞী যদি কেউ থাকে, ত সে আমি ।—শোন স্বামী । তুমি একদিন শপথ করেছিলে যে কখন সম্রাট হবে না । তা তুমি কখনও হবে না, হ'তে পারবে না তা জানি । তবে আমার এই পুনঃ পুনঃ নিষেধ সত্ত্বেও যদি এই উচ্চাশিনী নারীর চক্রান্তের আবর্তের মধ্যে এস পড়, আর আমি তোমায় রক্ষা কর্তে পারবো না । মনে থাকে যেন ।

বলিয়া প্রস্থান করিলেন

মুরজাহান । শারিয়ার ! তুমি আমার এই ধুষ্ট উদ্ধত কথার কথা শুনো না । তুমি সম্রাট হবে । আমি দীর্ঘকাল ধরে 'ভারত শাসন করে' আসছি । আমি তোমার সহায় । জাহাঙ্গীরের মনোনীত সম্রাট তুমি ।

তোমার কোন ভয় নাই। যাও। সৈন্তে আগ্রা অধিকার কর।
আমি আরও সৈন্ত নিয়ে পবে আসছি।—যাও!

শারিয়ার চলিয়া গেলেন

মুরজাহান। (কিছুক্ষণ একাকিনী সেই কক্ষমধ্যে প্রস্তরমূর্তিবৎ দাঁড়াইয়া
বহিলেন; পরে ধীরে ধীরে কহিলেন)—বৃথা! বৃথা! বৃথা! হারে মৃত
মানুষ!—হাস্তমুখে জয়ডঙ্কা বাজিয়ে ছুটেছি সর্বনাশের দিকে! বাঁচিস
শুধু মৃত্যুর সঙ্গে আরো ঘনিষ্ঠ হবার দল! যত পাকছি তত পচ্ছি!
—এ জীবন একটা জীবন্ত মৃত্যু। হাশ্ব হাহাকারের বিকার! আলোক
অন্ধকারেব 'অর্ধনাদ'।—আমি বেশ বুঝতে পাচ্ছি যে এ বৃথা আয়োজন।
সম্মুখে আমার পতন। একেবারে শৈলশিখরের কিনারায় দাঁড়িয়েছি।
আবর্তের মাঝখানে পড়িছি। আর রক্ষা নাই। বিনাশের কল্লোল
শুনতে পাচ্ছি। নিতান্তই কাছে এসেছি। নিয়তির অদৃশ্য তর্জনী
অদূরে লক্ষ্য করে' আমার যেন ডেকে বসছে,—'ঐখানে তোমার সর্বনাশ,
তবু তোমায় ঐখানেই যেতে হবে।' ধ্বংসের ওষ্ঠে একটা হিম কঠিন
শাণিত হাসি দেখছি! সে হাসির অর্থ—এই যে—তোমার জন্ত শেষশয্যা
পেতে বসে আছি।—এসো।

সপ্তম দৃশ্য

স্থান—উদয়পুরের বাদলমহল। কাল—প্রভাত

মহাবৎ খাঁ, বন্দররাজ, কণসিংহ ও কর্ণচারিগণ। সকলে যেন কাহার অপেক্ষা
করিতেছিলেন।

অদূরে বাত্মহানি। পরে সম্রাট সাজাহান প্রবেশ করিলেন

সকলে। সম্রাট সাজাহানের জয় হোক।

মহাবৎ। জাঁহাপনা!—এই বিপক্ষের নিশান—আর এই সম্রাট
জাহাঙ্গীরের মুকুট।

সাজাহানকে দিলেন

সাজাহান । আমি আস্‌বার আগে তুমি আমার জন্ত সায়াজা জয় করে' বেখেছো মহাবৎ খাঁ ! তোমায় যথোচিত পুরস্কার দিবার সাধ্য আমার নাই । যে সম্মান আমি আজ বহন করছি, সে সম্মান তুমি হাতে পেয়েও এক মুষ্টি ধূলার মত পথে নিক্ষেপ করেছো ।

কর্ণ । জাঁহাপনা—ওঁর কার্য্য সম্রাট হওয়া নয়, ওঁর কার্য্য সম্রাট তৈরি কনা ।

সাজাহান । সম্রাজ্ঞী বন্দী ?

মহাবৎ । হাঁ জাঁহাপনা !

সাজাহান । তাঁকে মুক্ত করে' দাও মহাবৎ খাঁ ।—তাঁর ভরণ-পোষণের জন্ত বাৎসরিক ১০০০০ আসরফি নির্দ্ধারিত রৈল ।

মহাবৎ । যে 'আজ্ঞা জাঁহাপনা ।

সাজাহান । অগাণ্ড রাজপরিবারদের কি বন্দোবস্ত হয়েছে ?

বন্দররাজ । খোদাবন্দ !—সে বন্দোবস্ত আমি করে' এসেছি ।

সাজাহান । তুমি বন্দরের রাজা ! সে বন্দোবস্ত করেছ । সর্বনাশ !
—কি বন্দোবস্ত কবেছ শুনি ?

রাজা । খগরুর দুই পুত্রকে হত্যা করিয়েছি । পরভেজেব ত দুই পুত্রের মৃত্যু আগেই হয় । তাদের হত্যা করার আর দরকার হয় নি । শারিয়্যারের পুত্রকে গলা টিপে মেরেছি আর শারিয়্যারকে অন্ধ করেছি । তাঁকে আর কখনও সম্রাট হ'তে হবে না ।

সাজাহান । (বজ্রাহতবৎ ক্ষণেক হতবুদ্ধি হইয়া দাঁড়াইয়া রহিলেন । পরে ভগ্নস্বরে কহিলেন)—এ কি ! এসব সত্য কথা !—না মিথ্যা !
—রাজা !

রাজা । সত্য কথা খোদাবন্দ । বান্দা কি সাহসে জাঁহাপনার কাছে মিথ্যা বলবে ।

সাজাহান । ওঃ কি ভীষণ ! কি পৈশাচিক !—কে করেছে এসব ?

রাজা । বান্দা ।

সাজাহান । মুরজাহান বেগম ! তুমি অনেক পাপ করেছে। কিন্তু পাপেব শেরা পাপ,—এই পাপকে তোমার ক্ষমতা দিয়ে ঘিবে এতদিন রক্ষা করা । এত হত্যা ! এত পৈশাচিক নিষ্ঠুরতা ! আমি যে কল্পনাও কর্তে পারি নি—এও সম্ভব ।—প্রহরী । (রাজাকে দেখাইয়া দিলেন)

প্রহরী বাধিল

রাজা । এঁয়া—আজ্ঞে খোদাবন্দ !

সাজাহান । চুপ্ !—রাজা ! তুমি ভেবেছিলে যে আমার ভ্রাতাকে আমার ভ্রাতুষ্পুত্রকে হত্যা করলে আমি খুসী হব ?—পৃথিবীতে কেউ হয় ?—হাজারই শত্রু হোক ।—নিজের ভাই, নিজের ভাইপো !—উঃ—রাজা তোমায় কি শাস্তি দিব ? মৃত্যু তোমার যথেষ্ট দণ্ড নয় । তোমার উচিত দণ্ড সৃষ্ট হয় নি ।—কিন্তু এর দণ্ড মৃত্যুই হোক ।—আমি ভাবতে পারছি না । প্রহরি ! একে বাহিরে নিয়ে যাও । আর মহবৎ খাঁ ! এইক্ষণেই একে গুলি করে' বধ কর ।

মহাবৎ । কোন রাজাজ্ঞা কখন এত আনন্দের সহিত পালন করি নাই জাঁহাপনা ।

প্রহরীদ্বয় রাজাকে ধারিয়া বাহিরে লইয়া গেল । মহাবৎ খাঁ সঙ্গে সঙ্গে বাহিরে চলিয়া গেলেন

সাজাহান । অভাগা শিশুগণ ! হতভাগ্য ভাই শারিয়্যার !—এর জন্ত আমি দায়ী নই ।

বাহিরে গুলির শব্দ রাজার আর্ন্তনাদ ও পতনের শব্দ

সাজাহান । যাক্ !—পৃথিবী থেকে একটা পাপের প্রকাণ্ড ভার গেল । কর্ণ । ভারত-সম্রাট—যা হ'য়ে গিয়েছে তার আর উপায় নাই । এখন যারা জীবিত আছেন জাঁহাপনা, তাঁদের যথাবিধি ব্যবস্থা করুন ।

সাজাহান। বাণা কর্ণ! কি দিয়ে আপনার ঋণ শরিশোধ কর্ণে পারি জানি না। আমি যখন সম্রাজ্ঞীর সৈন্ত দ্বারা আক্রান্ত, তখন বাণা আপনি আমার আশ্রয় দিয়েছিলেন, আর মেবারের সমস্ত সৈন্ত নিয়ে আমার জন্ত যুদ্ধ করেছিলেন।

কর্ণ। কারণ, বুঝেছিলাম যে যুদ্ধ করছি ধর্মের পক্ষে, অধর্মের বিপক্ষে।

সাজাহান। তব পর দোষকাল ধবে' আপনার আতিথেয় বাস করি; এই প্রাসাদ, এই সিংহাসন, এই মসজিদ, বাণা, আমারই জন্ত নির্মাণ কবিয়ে দেন।—বাণা! আমি চলে' গেলে এগুলি আমার স্মৃতিচিহ্ন স্বরূপ রেখে দেবেন কি?

কর্ণ। যতদিন কালের হস্ত এতে বক্ষা করতে পারি সম্রাট!

সাজাহান। আর এই নাদাব মসজিদ! সে ত হিন্দুর বিধর্মীর মসজিদ।

কর্ণ। হিন্দু আজ পরিত্যক্ত হলেও এত শীন হুয় নি জাহাপনা! যত দিন মেবার বংশে বাতি দিতে কেউ থাকবে, ততদিন এ মসজিদে প্রতি সন্ধ্যায় প্রদীপ জালার জন্ত তৈলের অভাব হবে না।

সাজাহান। ধন্য হিন্দুর ঐদার্বা। আর—আমি মুসলমান হ'লেও আমার ধর্মনীতে তিন ভাগ হিন্দুরক্ত!—মহাবাণা আপনার উষ্ণীধ খুলুন ত।

কর্ণ উষ্ণীধ খুলিলেন। সাজাহান স্বীয় উষ্ণীধ তাঁহাকে পরাইয়া তাঁহার

উষ্ণীধ নিয়ে পারিয়া কহিলেন—

কর্ণসিংহ আজ থেকে আমবা দুই ভাই; আর হিন্দু মুসলমান ভাই ভাই।

অষ্টম দৃশ্য

স্থান—যমুনাতীরস্থ প্রাসাদ-প্রাক্ষণ । কাল—রাত্রি

পশ্চিম আকাশে কৃষ্ণবর্ণ মেঘ খণ্ড । বাতাস নিশ্চল । একটা ঝড় আসিবার
প্ৰস্ৰাবস্থা ।

আসফ ও খাদিজা তীরে প্রাসাদমঞ্চে দাঁড়াইয়া কথোপকথন করিতেছিলেন

খাদিজা । বাবা, আমার ত বোধ হয় সম্রাজ্ঞী উম্মাদিনী । তিনি
নির্জনে বেড়ান, হাসেন, নিজের মনে বকেন । আর একটা আশ্চর্য্য
দেখি যে, তিনি মাঝে মাঝে মুষ্টিবদ্ধ করেন আর খোলেন, আর এক-
দৃষ্টে তার পানে চেয়ে দেখেন !

আসফ । অভাগিনী ! তাঁর ক্ষমতা গিয়েছে । তিনি এখন এক
অসীম শূন্যতা অনুভব করছেন ।—এখন তিনি কোথায় ?

খাদিজা । জানি না । খুঁজে দেখি গিয়ে ।—উঃ কি কালো মেঘ
করেছে ! ঝড় উঠবে ।

এই সময় অন্ধ শারিয়্যার হাত ধরিয়া লয়লা সেই স্থানে উপস্থিত হইলেন

লয়লা । এই যে এখানে মামা ।

আসফ । কি লয়লা !—সঙ্গে কে ?

লয়লা । আমার অন্ধ স্বামী ।

আসফ । কুমার শারিয়্যার ?—নেচারী কুমার !—তোমাকে তারা
অন্ধ করেছে ?

শারিয়্যার । হাঁ মামা ! আমাকে তারা অন্ধ করেছে ! এই জগৎ
আমার কাছে অসীম একাকার—কেবল একটা গাঢ় কৃষ্ণ শূন্য । আজ
আমার কাছে পৃথিবী, আকাশ, নদী, পর্বত, বৃক্ষ, বিহঙ্গ, সব—এক ;
সব সমান ! ওঃ—কি নিষ্ঠুর তারা, মামা, যারা মানুষকে অন্ধ করে !

লয়লা । (রুদ্ধক্রন্দনকম্পিত স্বরে) কি নিষ্ঠুর তারা !

শারিয়ার । লয়লা, তুমি আমাকে নিষেধ করেছিলে, আমি শুনি নি !
আমি শপথ করেছিলাম—ভেঙেছি । তার এই ফল ।

লয়লা । সে সব কথা স্মরণ করে কাজ নাই প্রিয়তম ! অতীত—
অতীত । ভবিষ্যৎ—ভবিষ্যৎ ।

শারিয়ার । আমার আবার ভবিষ্যৎ !—আমার ভবিষ্যৎ একটা
অসীম নৈরাশ্য ; বিরাট অবসাদ ; জীবনব্যাপী অন্ধকার । প্রভাতের
স্বর্ণরশ্মি আর আমার চক্ষের সম্মুখে নৃত্য কর্তে কতে আসবে না ;
নিশাথেব চন্দ্র আকাশ-সমুদ্রের উপর দিয়ে জ্যোৎস্নার পাল তুলে দিয়ে
আর ভেসে যাবে না ; নব বসন্তোদগমে পৃথিবীর উপর দিয়ে শ্যামলতার
চেউ ধরে যাবে না ।—সৌন্দর্য্য স্মৃতিমাত্র র'য়ে গেল লয়লা ।

লয়লা । হুঃখ কি নাথ ! আমি তোমার পাশে আছি । তারা
তোমার সব কেড়ে নিতে পারে, তোমার লয়লাকে কেড়ে নিতে পারে
না । হুঃখ কি ? আমি আছি । আমি তোমায় বিশ্বসৌন্দর্য্যেব কাহিনী
শোনাবো । আর তার চেয়েও যা মনোহর, যা চক্ষে দেখা যায় না,
কেনল হৃদয়ে অনুভব করা যায় ; তাই তোমায় শোনাবো ! আমি
তোমায় শোনাবো—মায়ের স্নেহ, স্ত্রীর প্রেম, কণ্ঠার সেবা, ভক্তের ভক্তি,
কৃতজ্ঞের কৃতজ্ঞতা, ত্যাগীর ত্যাগ । কোন হুঃখ নাই নাথ ! আমি
আছি—

শারিয়ার । আমার সেই এক মুখ লয়লা ! আমি দৃষ্টি হারিয়েছি,
কিন্তু এত দিন পরে তোমায় পেয়েছি । আমার কিছুই তুমি কখন সুন্দর
দেখোনি । আজ—

লয়লা । আজ তুমি সর্ব্বাঙ্গসুন্দর । তোমার বেটুকু কাণিমা আমার
চক্ষে ছিল তা সম্রাট জাহাঙ্গীরের মৃত্যু ঘোত করে' নিয়ে গিয়েছে ।
মৃত্যুর পরে আর তাঁর প্রতি আমার দ্বেষ নাই । আর—তুমি আজ বড়

দীন, বড় অসহায়। আজ তোমায় আমি প্রাণ ভরে' ভালোবাসি।
এত ভাল তোমায় কখন বাসিনি। আজ তোমার মত সুন্দর কে !

আসফ। লয়লা! নারী দেবী হয় শুনেছি। সম্রাজ্ঞী রেবা সেই
দেবী ছিলেন। কিন্তু তাঁর সে স্বর্গের কাহিনী। আমরা ভালো ধর্মে
পারি না। কিন্তু মর্ত্যের সঙ্গীত যে স্বর্গের কাহিনীকে ছাপিয়ে উঠতে
পারে, তা ভুমি দেখালে।

খাদিজা। ঐ সম্রাজ্ঞী আসছেন! ঐ দেখুন নিজের মনে কি বক্তে
বক্তে আসছেন।

মুরজাহান নিজের মনে কথা বলিতে বলিতে সেখানে উপস্থিত হইলেন

“উঃ, কি ক্ষমতাটাই ছিল! কি অপচয়ই কর্লে! নিঃশেষ কর্লে।
কিছু নাই (হস্ত মুষ্টিবদ্ধ করিয়া পরে খুলিলেন) এই দেখ।”

সকলকে হাত দেখাইলেন

আসফ। সম্রাজ্ঞী!—বোন্—

মুরজাহান। আসফ না? একটা গল্প শুনবে?—শোন! এক বে
ছিল রাজা, তার ছিল এক রাণী। রাজা রাণীকে বড় ভাল বাসতো।
কিন্তু রাণী—সে ত আর মানুষ ছিল না। সে ছিল এক রাক্ষসী! মায়া
জ্ঞানো। সে সমস্ত রাজ্যটাকে মায়াপুরী ক'রে ফেলো। পরে সে রাজার
ছেলেকে খেলো; রাজাকে খেলো; খেয়ে, নিজে রাজত্ব কর্তে
লাগলো। তার পর রাজার যে এক ছেলে সেই রাক্ষসীর গ্রাস থেকে
পালিয়েছিল বিদেশে; সে বড় হোল, বড় হ'য়ে একদিন ডকা বাজিয়ে এসে
রাক্ষসীর চুল ধরে' টেনে আছাড় মার্লো—আর সব ভেঙে গেলো।

আসফ। মুরজাহান!

মুরজাহান। - কে মুরজাহান? সে ত নেই। সে ত মরে' গিয়েছে।

আসফ। শোন মেহের—

শুরজাহান । মেহের ! সেও মরে' গিয়েছে । তারা দুইজনেই মরে' গিয়েছে । মেহেরউন্নিসাও গিয়েছে, শুরজাহানও গিয়েছে ।

আসফ । না বোন—

শুরজাহান । “না”—বলেই বিশ্বাস করব ! আমি স্বচক্ষে দেখলাম তাদের মরে' যেতে । মেহেরউন্নিসা ছিল শের খাঁর স্ত্রী ! আর শুরজাহান ছিল জাহাঙ্গীরের স্ত্রী ।* মেহেরউন্নিসা মার্লো শের খাঁকে ; শুরজাহান মার্লো জাহাঙ্গীরকে । (মেঘগর্জন) ঐ শোন জাহাঙ্গীরের কর্ণধর ! কি করণ !—কি দিয়ে মার্লো ?—রূপ ! রূপ !—নৈলে মর্ত না ! কেউই মর্ত না !—রূপ নিয়ে সামলাতে পার্লো না ! তাদের মেরে, তার পর বিষ খেয়ে মোলো ।—মেহেরউন্নিসাও মোলো, শুরজাহানও মোলো ।

আসফ । উন্মত্ততার মধ্যে একটা শৃঙ্খলা আছে ।

শুরজাহান । আমি মানা করেছিলাম আসফ (আসফের বাড়ে হাত দিয়া)—শুনলো না । মোর্লো । মর্কে না ? বিষ খেলো—মর্কে না ? খাদিজা । মা !

শুরজাহান । কে ! (সভয়ে ও সসম্মানে)—ও ! বেগম সাহেব ! সেলাম ! (সেলাম করিয়া গিছু হটিলেন) সেলাম ! (মেঘগর্জন) ঐ !—শের খাঁর গলার আওয়াজ ! কি—গম্ভীর !—শুনছো ?

খাদিজা । মা ঝড় উঠেছে । ভিতরে চলুন ।

শুরজাহান । এ ঝড় নয়—এ শের খাঁর তিরস্কার । সে বেচে থাকতে কখন ভংসনা করে নি । এখন করে কেন ?

লয়লা । মা—ভিতরে চল । ঝড় উঠেছে ।

শুরজাহান । উঠুক ! মুষলধারে বৃষ্টি নামুক । আমি, দাঁড়িয়ে তাই দেখবো !—কি সুন্দর ! কি ভয়ঙ্কর !

তখন শুরজাহান বজ্রধ্বনিমুষ্টি মস্তুখে বিলম্বিত করিয়া সেই মুহূর্ত্তে স্বরবিদ্যাদাম চক্ষু-ধর দিয়া যেন পান করিতে লাগিলেন

খাদিজা। উঃ কি বেগে বাতাস বইছে। ঝড় উঠেছে।

আসফ। উঃ কি বিদ্যুৎ!—কি গর্জন!

লয়লা। মা আমার—এসো।

তাঁহার হাত ধরিলেন

মুরজাহান। (লয়লার ঘাড়ে হাত দিয়া) লয়লা, মেহেরউন্নিসাকে চিন্তিস্?—সে ছিল তোঁর মা। আর এই মুরজাহান ছিল তোঁর সৎমা। আর আমি?—আমি তোঁর কে? আমি তোঁর কেউ না। আমি তোঁর কেউ না!—(করুণ স্বরে) কেউ না। ও হো হো হো হো।

ক্রন্দন

লয়লা। না মা! তুমিই আমার মা! মুরজাহান কি মেহেরউন্নিসা আমার মা ছিল না! তুমিই আমার মা।

মুরজাহান। সত্য?—ওঃ কি আনন্দ! সত্য? কেমন করে' জান্‌লি লয়লা! (মেঘগর্জন) ঐ শোন আবার!!!

স্বস্তিতভাবে দণ্ডায়মান

লয়লা। মুরজাহান আর মেহেরউন্নিসা দুইজনই ছিল সৌভাগ্য-গর্ভিতা উচ্চাশিনী, সুখিনী নারী। তাদের ত মেয়ের দরকার ছিল না। কিন্তু তুমি আমার হতবৈভবা, ক্ষোভনম্রা, দুঃখিনী জননী! তোমার যে এখন একটা মেয়ের দরকার মা! আর এই আমার অন্ধ স্বামীর স্ত্রীর দরকার। তোমাদের আজ যেমন ভালোবাসি, তেমন আর কখনও বাসিনি। এখন আমি তোমাদেরই। আর কারো নই। তবে—(এক হাতে শারিয়ারের ও একহাতে মুরজাহানের হাত ধরিয়া) এসো মা! এসো স্বামী আমার! আমার সহবেদনার অশ্রুজলে নিত্য তোমার দুঃখের ক্ষত ধুইয়ে দিই।—এখানেই মেয়ের কাজ। এখানেই নারীর সাম্রাজ্য।

শুকদাস চট্টোপাধ্যায় এও সঙ্গের পক্ষে
প্রকাশক ও মুদ্রাকর—শ্রীগোবিন্দপদ ভট্টাচার্য, ভারতবর্ষ প্রিন্টিং ওয়ার্কস
২০৩১১, কর্ণওয়ালিস্ স্ট্রীট, কলিকাতা—৬
